

3 արժ. 1, 1 արժ. 2

Բ. ԹԱՇԵԱՆ

ՀԱՅԿԱՐԱՆ

Ա. ԳԻՐՔ

ԺԱ. ՏՊԱԳՐՈՒԹԻՒՆ

(Բարեփոխում)



ՀԱՄԱԶԳԱՅԻՆԻ ՎԱՀԷ ՍԵԹԵԱՆ ՏՊԱՐԱՆ

425.2107
p 19.1
ԷԱ

Բ. Թ Ա Շ Ե Ա Ն

ՆԱՅԿԱՐԱՆ

Ա. Գ Ի Ր Ք

ԺԱՆՏԱԳՐՈՒԹԻՒՆ

ՍՈՒՐԵ ՆԵՐՍԷՍ ԾՆՈՐՀԱԼԻ
ԳՐԱԴԱՐԱՆ
ST. NERSES SHNORHALI
LIBRARY

ՊԵՅՐՈՒԹ



ՀԱՄԱԶԳԱՅԻՆԻ ՎԱԿԷ ՍԷԹԵՐՆ ՏՊԱՐԱՆ

Սեպտեմբերի մէջ, առաւօտ մը կանուխ,
հայրս ու ես դպրոց գացինք: Ես քննութիւն
պիտի տայի նախակրթարան մտնելու համար,
իսկ հայրս ինծի ընկերացած էր՝ պարզապէս
դիւ մինակ չձգելու փափաքով: *լլլլ*

Անցանք դպրոցին ընդարձակ բակէն, ուր
ինծի հասակակից բազմաթիւ տղաք կը խաղա-
յին ու կ'աղմկէին: Ապա բարձրացանք սենեակ
մը, որուն դրան վրայ գրուած էր «Տեսչա-
րան»: *լլլլ*

Սենեակին մէկ ծայրը գրուած էր երկար
սեղան մը, կանաչ չուխայով ծածկուած: Սե-
ղանին շուրջ նստած էին ուսուցիչները: Անոնց
մէջ էր նաեւ մեր ծխատէր քահանան՝ տէր
Գիւտը: Քահանային աջ կողմը բազմած էր
տնօրէնը:

Քննութիւն տալու կարգը վերջապէս հա-
սու ինծի: Տնօրէնը հարցուց մեզմ ժպիտով.
- Անունդ ի՞նչ է, տղա՛ս:
- Անո՞ւնս...

Ամօթէ՞ս թէ չփոթութենէս, յանկարծ
մոռցայ անունս ալ, մականունս ալ: Իմ տեղս
պատասխանեց հայրս:



- Կարդալ գիտե՞ս, - շարունակեց հարցընել տնօրէնը:

Ես գլխով հասկցուցի, թէ այո՛, գիտեմ:

- Ո՞ւր սորված ես կարդալը:

- Չաքար վարժապետին դպրոցը, - ըսի ես թուքս կլլելով:

Ու սպասեցի. դեռ ուրիշ ի՞նչ բաներ պիտի հարցնեն արդեօք, կը մտածէի ինք իրենս:

ԱՌԱՄ. — Չգիտնալը ամօք չէ,

Չսորվիլը ամօք է:

ԲԱՌԵՐ ՈՒ ԲԱՑԱՏՐՈՒԹԻՒՆՆԵՐ

Հասակակից. — Տարեկից, նոյն տարիքը ունեցող:

Զուխայ. — Բուրդէ գործուածք, ասուի:

Տեսչարան. — Տեսուչին, տնօրէնին սենեակը:

Ծխատեր. — Ընտանիքի մը, թաղի մը քահանան:

ՀԱՐՑՈՒՄՆԵՐ. — Աստու մը ո՞ւր գնաց փոքրիկ տղան, ի՞նչ ընելու: — Ուրկէ՞ անցան, ո՞ւր բարձրացան: — Ո՞վ կար սեմեակին մէջ: — Ինչո՞ւ հաւաքուած էին ուսուցիչները: — Ի՞նչ հարցուց տնօրէնը: — Ինչո՞ւ պատասխան չկրցաւ տալ տղան: — Նոր դպրոց գացող տղաքը ինչո՞ւ կը բնանն: — Ձեր դպրոցին մէջ քանի՞ անգամ բնուրթիւմ կու տաք:

ՔԵՐԱԿԱՆՈՒԹԻՒՆ. — Անուն կամ գոյական կը կոչուիին այն բառերը, որոնք անձ, անասուն կամ իր կը ցուցնեն. օրինակ՝ ուսուցիչ, ոչխար, մատիտ:

2. ՔՆՆՈՒԹԵԱՆ ՇԱՐՈՒՆԱԿՈՒԹԻՒՆԸ

1

Տնօրէնէն ետք մեր ծխատէր քահանան էր, որ հարցումներ ուղղեց ինձի:

- Կրօնք սորված ես, - հարցուց ան ուղղակի աչքերուս մէջ նայելով:

Ես գլխով ըրի, թէ այո՛, սորված եմ:

- Գիտե՞ս ինչ է

կրօնքը:

- Գի՛րք, - սպաստախանցի ես վախ՝ վրիթելով:

Քահանան ժպտեալ, միւսները ծիծաղան: Ես չէի հասկըսար, թէ ինչո՞ւ կը ծիծաղին:

Յիսուսի մասին բան գիտե՞ս, - շարունակեց հարցնել տէր Գիւար:

Ես նորէն գլխով ըրի, թէ այո՛, գիտեմ:

- Ո՞վ է Յիսուս:

- Պատկե՛ր:

- Կ'ըսեն՝ «սուրբ», անշնորհք, ո՛չ թէ «պատկեր»:

- Կ'ըսեն՝ «սուրբ», անշնորհք, ոչ թէ «պատկեր», - կրկնեցի ես անէր հօր խօսքերը:



Ամէնքն ալ նորէն սկսան ծիծաղիլ: Ամօ-
թէս չէի կրնար հօրս երեսը նայիլ:

2

Ուսուցիչներէն մէկը հարցուց, թէ ի՞նչ էր
թեւիս տակ սեղմած գիրքս:

- Դասադիրքս է, - պատասխանեցի ես:

- Կրնա՞ս բան մը կարդալ:

Բացի գիրքս եւ սկսայ կարդալ առաջին
հանդիպած նիւթը. «Ծիտը ծառին կը ծըլւը-
լայ»:

- Լա՛ւ, - սիրտ տուաւ ուսուցիչը, - հի-
մա կրնա՞ս ըսել, թէ քսանի վրայ եթէ քսան
ալ գումարենք, քանի՞ կ'ընէ:

- Քառասուն, - պատասխանեցի ես հա-
մարձակ:

- Քառասունէն տասը հանե՞նք:

- Երեսուն:

- Լա՛ւ, - կրկնեց ուսուցիչը գոհունակ
դէմքով:

Ես հօրս նայեցայ: Ուրախ էր ան եւ մեղ-
միկ կը ժպտէր:

ԱՌ-ԱԾ -- Բարեկամը գլխուն կը նայի,
Թշնամին՝ ոտքին:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Ծիտ. - Ճնճուկ, փոքր թռչուն:

Ծըլւըլալ. - Ճնճուկներուն ծիւծիւ ձայն հանելը:

Մեղմիկ. - Մեղմօրէն, կամացուկ:

ՀԱՐՑՈՒՄՆԵՐ. - Ի՞նչ հարցուց փսիան: - Ի՞նչ պատաս-
խանեց տղան: - Ուսուցիչները ինչո՞ւ խնդացին: - Ճի՞շդ էին
տղուն պատասխանները: - Յետոյ ո՞վ շարունակեց ֆենուրիւնը:
- Կրնա՞յ յաջող համարուիլ այս ֆենուրիւնը: - Ինչո՞ւ ուրախ
էր տղուն հայրը:

ՔԵՐԱԿԱՆՈՒԹԻՒՆ. - Ձեր այսօրուան դասին մէջ
ցոյց տուէ՛ք մէկ անձի, մէկ անասունի եւ մէկ իրի
անուն:

3. ԱՂՈՒԷՍԻՆ՝ ՊԱՆԻՐ, ԱՐՁԻՆ՝ ԹԱԿԱՐԳ

Դաշտին մէջ, օր մը, աղուէսը նարպիկ
Տեսաւ պանիրի կտոր մը փոքրիկ.

Ա՛յ խելեղ սիրեմ, -

Ըսաւ ինք իրեն, -

Որսորդ ախպարը քակա՛րդ է լարեր...

Պանիրը քողուց եւ անտառ մըտաւ,
Մեծ կաղնիին տակ ծեր արջ մը գըտաւ,
Եւ գայն համոզեց աղուէսը մեր ֆաջ,
Բերաւ, կանգնեցուց պանիրին առաջ:
- Հա՛՛ֆ ըրաւ, խածաւ պանիրը դեղին,
Ու քակարդ ինկաւ մեր բրդոտ ֆեռին...

Աղուէսը փութով պանիրը կերաւ
Եւ յանկարծ հեռու որսորդ մը տեսաւ:
- Է՛հ, մնաս բարով, ա՛րջ եղբայր, - ըսաւ, -
Մեր բաժնուելու ժամանակն հասաւ:



— Ի՞նչպէս թէ, եզրա՛յր, այդ ինչե՛ր կ'ըսես,
 Զիս այսպէս փոսին մէջ անտէ՛ր կը ձգես...
 — Անտէրը ես եմ, որ փախուստ կու տամ.
 Իսկ քեզի անհա՛ լաւ տէրեր կու գան, —

Ըսաւ աղուէտը,
 Պանիրը առաւ
 Ու դէպի կանաչ
 Անուառ թըռաւ:

ՀԱՆՆԵԼՈՒԿ Ա. — Հնարամիտ, խորամանկ,
 Պոչը՝ երկար, մարբը՝ բանկ:

ԲԱՌԵՐ ՈՒ ԲԱՑԱՏՐՈՒԹՅՈՒՆՆԵՐ

- Թակարդ. — Մուշակ:
 Քեռի. — Մօրեղբայր, բրդոտ քեռի՝ փոխաբերաբար կը նշա-
 նակէ արջ:
 Փութրով. — Աճապարանքով, շուտ ճը:
 Թանկ. — Մուշ:

ՀԱՐՑՈՒՄՆԵՐ. — Օր մը ի՞նչ տեսաւ աղուէտը դաշտին մէջ:
 — Ի՞նչ ըսաւ ինք իրեն: — Ինչէ՞ն հասկցաւ, որ թակարդ լարուած
 է: — Համեղ սլանիրը ձեռք անցընելու համար ի՞նչ մտածեց: —
 Ի՞նչ պատահեցաւ անկէ ետք: — Արջերուն ինչո՞ւ «բրդոտ» կ'ը-
 սեն: — Ի՞նչ տեսակ կենդանի է աղուէտը. ա՞րջը: — Աղուէտի մա-
 սին ուրիշ պատմութիւններ գիտէ՞ք:

4. «Լ Ա ՚ Ի Խ Ե Լ Ք Է . . .»

1

Դպրոցին վերաբացումէն ետք, Մարգա-
 րիտ գրեթէ ամէն օր կ'ուշանար: Դասերը կը
 սկսէին, ասաջին պահուն կէսն ալ անցած կ'ըլ-
 լար, և յանկարծ գատարանէն ներս կը մտնէր
 ... ս՞ի. Մարգարիտ:

Ամօթահար, գլուխը կախ, դրան մօտ կը
 կենար: Ուսուցչուհին կը հարցնէր.

— Ինչո՞ւ ուշացար, Մարգարիտ:

Յանցանքը սրտունի է. ժամացոյցի՛ն, հար-
 կաւ: Ժամացոյցը սխալ է, կամ մայրիկը ուշ
 պատրաստած է նախաճաշը և կամ պղտիկ
 քոյրը ուշ արթնցած է...

Օր մըն ալ ուսուցչուհին թատ ճարահատ.

— Նայէ՛, Մարգարիտ, եթէ վաղն ալ ու-
 շանաս, հայրիկդ պիտի կանչեմ և զանդատիմ:

Մարգարիտին սիրտը զոյ ինկաւ, սրով-
 հետեւ հայրիկը շատ խիստ մարդ էր:

— Գիտե՞ս ինչ, — խորհուրդ տուաւ ընկե-
րուհին՝ Նուրիկը, — այսօր ձեր տան ժամա-
ցոյցը մէկ ժամ առաջ կը տանիս. առտուն տնե-
ցիները կանուխ կ'արթնան եւ քեզ ալ կ'ար-
թընցնեն:

— Լա՛ւ խելք է, — մտածեց Մարգարիտ:
Տուն վերադարձին՝ ժամացոյցը մէկ ժամ
առաջ տարաւ:

2

Հետեւեալ առտուն, Մարգարիտենց տան
մէջ մէկն ոք կանուխ արթնցած էր, բայց երբ
եկան զինք ալ արթնցնելու, ան մէկ կողմէն
միւսին վրայ դարձաւ եւ պատասխանեց.

— Չեմ ուշանար. ես զխեմ... .

Վերջապէս դժուարութեամբ կրցան ար-
թընցնել Մարգարիտը: Կամաց — կամաց հազ-
ուեցաւ, կամաց — կամաց նախաձաշեց եւ ա-
ռանց աճապարելու ճամբոյ ինկաւ դէպի զըս-
րոց:

Ճամբան կը մտածէր. «Ամբողջ ժամ մը
կայ դեռ դասերը սկսելու»: Ամէն քայլափոխի
կը կենար, անցորդները կը զիտէր, ցուցափեղ-
կերը կը քննէր:

Վերջապէս հասաւ զպրոց: Դուրսէն երբ
տեսաւ որ ո՛չ մարդ կար ներսը, ո՛չ ալ ձայն,
ինք իրեն ըսաւ.

— Ի՛հ, այս ո՛րքան աճապարեք եմ. դեռ
մարդ չէ եկած:

Եւ զանդազօրէն մտաւ ներս:

Երբ զասարանին զուռը բացաւ, զարման-

քէն ու վախէն քարացած մնաց: Երկրորդ դա-
սաժամը սկսած էր արդէն... .

Ա.Ռ.Ա.Ծ. — Անօրին երագին մէջ հաց կը տեսնէ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Վերաբացում. — նորէն բացուիլ (դպրոցը). կ'ըսուի նաև.
վերամուտ:

Ճարտիտ. — ճարր հատած, ամէն միջոց սպասած:

Գանգատիլ. — Գանդառ, դժգոհութիւն յայտնել:

Ամէն ուժ. — Ամէն մարդ:

Քայլափոխ. — Քայլ փոխել, ամէն մէկ քայլ առնելը:

Յուցափեղկ. — Մեծ խանութներու առջևի ապակիէ մասը,
որ զանազան ապրանքներ եւ իրեր կը ցուցադրուին:

ՀԱՐՑՈՒՄՆԵՐ. — Ի՞նչ տեսակ աղջիկ էր Մարգարիտ: — Ո՞րն
էր իր գլխաւոր յանցանքը: — Օր մը ի՞նչ պատահեցաւ: — Ի՞նչ
բանէ կը վախնար Մարգարիտ. ինչո՞ւ: — Ընկերուին ի՞նչ խրատ
տուտ իրեն: — Հետեւեցա՞ւ այդ խրատին. արդիւնքը ի՞նչ եղաւ:
— Գու՞թ ալ կ'ուշանա՞ր դպրոցէն. ի՞նչ պէտք է ընել չուշանալու
համար:

ՔԵՐԱԿԱՆՈՒԹԻՒՆ. — Ուսուցչուհի, մայրիկ, հայր,
բայր, ընկերուհի, — ինչի՞՞ անուններ են ասոնք: Գու՞թ
ալ գտէ՞ք երեք այսպիսի անուններ եւ քտէ՞ք, քէ ի՞նչ
ցոյց կու տան:

5. Կ Ա Ր Դ Ա Լ Ո Ւ Ս Է Ր Ը

Մանուկ հասակէս կարդալը շատ կը սիրէի: Մեր տան հաստափոր գերքերը հմայիչ բան մը ունէին իրենց մէջ: Ամենէն աւելի զիս կը վախցնէր Յայսմատուրքը. ինծի այնպէս կու գար, որ զայն կարդացողը արդէն մեծ գիտնական կ'ըլլայ:

Ես դժուարաւ կը վերցնէի կաշիէ կողքով այդ ասագին գերքը ու կը զնէի մօրս առջեւ: Մայրս կը բանար զայն երկիւղածութեամբ եւ կը սկսէր կարդալ, գլուխը հակած անոր լայն էջերուն վրայ: Հայրս, պատին տակ նստած, իր համբիշք կը քաշէր եւ կը ջանար հետեւիլ ընթերցումին:

— Է՛, կնի՛կ, ի՞նչ կ'ըսէ գերքը, — յանկարծ կը հարցնէր ան:

— Սուրբ բաներ, — կ'ըլլար մօրս պատասխանը:

Ես արդէն եօթը տարեկան էի, երբ հայրս փոքրիկ գերք մը բերաւ ինծի: Քերական մըն էր:

— Հիմա դուն ալ կը սկսիս կարդալ, — ըսաւ մայրս ժպտելով, — ես դաս կու տամ քեզի.

վերջն ալ, երբ բաւական յառաջգիմես, կը կարդաս այն մեծ գերքը:

Ես յանկարծակիի եկայ. կարդա՛լ այն ասագին գերքը, զոր հազիւ կրնայի վերցնել... Հաւատար չէր գար:

Իրիկունը անկողին մտայ. երկար տանն աչքս չէի հեռացներ Յայսմատուրքին վրայէն, որ կարծես հեղեանքով ինծի կը նայէր:

Քանի մը օր ետք սկսաւ իմ գոսո. այր, ժէ, ճէ, սո, բն, ինի, մեն, սէ: Անվերջ կը կրկնէի մեքենարար: Դժուար չէր, նոյնիսկ զտարճայի էր: Ե՞րբ արդեօք պիտի սկսիմ կարդալ Յայսմատուրքը, կը մտածէի ես:

Ամբողջ տարի մը աւելց քերականը: Այլ լես ջուրի սէս կը կարդայի զայն, թէ եւ շատ բան չէի հասկնար կարդացածէս:

Հայրս, իրիկունը սուն գարձին, կը նստէր իր սովորական տեղը, մեզի կը նայէր սքանչալից աս համբիշք քաշելով կը կրկնէր.

— Է՛, կնի՛կ, ի՞նչ կ'ըսէ գերքը:

— Սուրբ բաներ, — կ'ըլլար նորէն մօրս պատասխանը:

ԱՌԱՄ.— Եստ գիտցողը շատ կը սխալի:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Հաստափոր.— Հաստ, խոշոր:

Հմայիչ.— Գրաւիչ:

Յայսմաւորք.— *Հին ժամանակներէ մնացած զիրք մը, որուն մէջ սուրբերու վարքը կը պատմուի:*

Երկիւղածութեամբ.— *Ոտը յարգանքով:*

Հակած.— *Մասն:*

Հեզմանք.— *Մաղրանք:*

Սքանչացած.— *Հիացած, զմայլած:*

ՀԱՐՑՈՒՄՆԵՐ.— Այս գրուածքին հեղինակը ի՞նչ բան շատ կը սիրէր: — Միայն ի՞նչն էր, որ կը վախցնէր զինք. ինչո՞ւ: — Ի՞նչ կ'ըսէին իրարու հայրիկն ու մայրիկը: — Օր մը ի՞նչ բերաւ հայրիկը փոքրիկ տղուն: — Գու՞ք ալ ունի՞ք կարգաւոր սէր: — Ի՞նչ տեսակ գրուածքներ կը սիրէք ամենէն աւելի:

6. Ն Ա Ի Ա Ս Տ Ի Ն

Նաւաստի մը կը մեկնէր
Հեռո՞ւ, հեռո՞ւ երկիրներ:

«Կ'երթաս, — ըսաւ մէկն իրեն, —
Բայց չե՞ս վախճար ծովերէն.
Հայրդ, մեծ հայրդ ալ գացին
Ու գոհ եղան արկածից»:

«Իսկ քու մեծ հայրդ ո՞ւր մեռաւ»:

«Իր անկողնին մէջ, հարկաւ»:

«Հապա այնտեղ դուն ի՞նչպէս
Ամէն գիշեր կը նիրհես...»:

ՀԱՆՆԵԼՈՒԿ Բ.— Գորգ մը ունիմ, քօքուել չեմ կրնար,
Ոսկի ունիմ, համբել չեմ կրնար:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Նաւաստի.— *Նաւու մէջ ծառայող պաշտօնեայ:*

Նիրհել.— *Քնանալ, ննջել:*

ՀԱՐՑՈՒՄՆԵՐ.— Նաւաստին ո՞ւր կը մեկնէր. ինչո՞ւ: — Մէկը ի՞նչ ըսաւ իրեն: — Ի՞նչ պատասխան տուաւ նաւաստին: — Այս խօսակցութենէն ի՞նչ դաս կարելի է հանել: — Կրնա՞ք նաւու քանակ մը տեսակներ յիշել: — Նաւէն զատ ուրիշ ինչո՞վ կարելի է քանարդել:

7. Ա Ջ Գ Ա Յ Ի Ն Ե Ր Գ Ը


1

Ես ու ընկերս գացինք զխլզական գոլոցը
այցի: Ուսուցչին հետ ծանօթացած էինք ար-
զէն, կրակոտ երիտասարդ մըն էր:

Հասարակ զրտականներու առջեւ կարգով
նստած էին ու թ — ասար սարկական մանուկներ,
զուուդ մտկերով ու վառվառն աչքերով:

Երբ զաստպահէր վերջացաւ, ընկերս խընդ-
րեց ուսուցչէն, որ ամբողջ զասարանով ազ-
գային երդ մը երզեն: Ուսուցիչը թեթեւ մը
կարմրեցաւ, ապա յայտնեց, թէ ինք «բազա-
ձայն» ըլլալով երդ չէր սորվեցուցած իր աշա-
կերաններուն:

— Բայց լաւ կ'ըլլայ, որ աղաքը զսնէ ընդ-
հանուր ազգային երդ մը գիտնան, օրինակ՝



«Արաքսի արտասուքը», — դիտել տուաւ ընկերս:

Այս խօսքերուն վրայ՝ երիտասարդ ուսուցիչը վարձաւ աշակերաններուն.

— Հապա տեսնեմ, սիրելիներս, ամէնքդ մէկ շարուեցէք այստեղ:

Եւ ձեռքի քանակը վեր բարձրացնելով գոչեց.

— Բոլորդ միասին ինծի հետ երգեցէ՛ք՝ այր — բեն — դիմ:

Փոքրիկ աշակերանները բարձր ու եղանակաւոր ձայնով կրկնեցին. այր — բեն — դիմ, դա — եչ — գա...: Եւ այսպէս՝ մինչեւ վերջին դիրը:

Բոլորն ալ ուրախ էին. բոլորի դէմքին վրայ ալ ժպիտ կար: Նոյնքան ոգեւորուած էինք նաեւ մենք:

— Ահա ձեզի ընդհանուր ազգային երգ մը, — ըսաւ ուսուցիչը քրտնաթոր ճակատը սրբելով:

Ընկերս ու ես շնորհակալութիւն յայանեցինք, յուզումով սեղմեցինք երիտասարդ ուսուցչին ձեռքը եւ ուրախ տրամադրութեամբ մեկնեցանք զպրոցէն:

— Քանի հայը կ'ապրի, հայ դիրք չի մեռնիր, — լուսթիւնը խղելով ըսաւ ընկերս:

— Այո՛, — վրայ բերի ես, — քանի հայ դիրը կ'ապրի, հայը չի մեռնիր...:

ԱՌԱՄ.— Լաւագոյնը լաւիմ քշմամիմ է:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Գոուգ.— Ոլորուած, գանգուր:

«Քաղաճայն».— Փոխարեւորար՝ լաւ ձայն չունեցող:

«Արաքսի արտասուքը».— Արաքս դետի մասին գրուած ոտանուորի մը խորագիրն է:

Ոգեւորուած.— Խանդավառուած:

Խղել.— Կտրել, վերջ տալ (լուսթիւն):

ՀԱՐՑՈՒՄՆԵՐ.— Ո՛ւր գացիմ երկու ընկերները: — Անոնցմէ մէկը ի՞նչ խնդրեց ուսուցիչէն: — Ի՞նչ պատասխանեց ուսուցիչը: — Յետոյ ի՞նչ եղաւ: — Ինչո՞ւ ոգեւորուած էիմ երկու ընկերները: — Ի՞նչ ըսիմ իրարու: — Որո՞ւմ ըսածը ճիշդ է. ինչո՞ւ: — Ո՞վ գտաւ հայ գիրերը:

8. ԿՈՅՐԵՐՈՒՆ ԳԻՐՔԸ

1

Գիտունին մէկը, որ մը, եկեղեցիի մը դըրան առջեւէն կ'անցնէր. տեսաւ, որ կոյր աղքատ մը նստած է հոն եւ ողորմութիւն կը խնդրէ: Գիտունը ուղեց հինգ դրուչնոց մը տալ անոր, ձեռքը դրպանը տարաւ, հանեց դրամը եւ դրաւ աղքատին ափը:

Կոյրը շօշափեց դրամը եւ զարմացաւ. ոսկի մըն էր իրեն արուածը: Թէեւ աղքատ, բայց պարկեզա մարդ մըն էր. ուստի անմիջապէս պրոսաց անցորդին ետեւէն:

— Պարո՛ն, պարո՛ն, անչուչա սխալած էք. ինծի տուած դրամնիդ ոսկի մըն է:

Գիտունը ետ զարձաւ եւ տեսաւ, որ իրա՛ւ, փոխանակ հինգ դրուչնոցի, ոսկի մը տուած էր սխալմամբ:

— Բայց ի՞նչպէս գիտցար, որ տուածս ոսկի է, — հարցուց զարմանքով:

— Ի՞նչպէս գիտցայ, — պատասխանեց կոյրը, — մասներովս շօշափեցի եւ հասկցայ:

2

Գիտունը շարունակեց իր ճամբան, բայց մտքին մէջ լոյս մը ծագեցաւ: Եթէ, — մտածեց, — կոյր մը շօշափելով կրնայ ճանչնալ դրամը, ինչո՞ւ ուրեմն պիտի չկրնայ ճանչնալ գիրեր եւ թուանշաններ, եթէ անոնք շինուին ցցուած ձեւով:

Մտածե՛ց, մտածե՛ց եւ ձեռնարկեց շինելու այդ ձեւով գիրեր, այդ գիրերով ալ՝ գիրք մը: Եկեղեցիի մը դրան առջեւ կոյր պատանի մը գտաւ, տարաւ զայն իր տունը եւ սկսաւ կարդալ սորվեցնել անոր: Շատ չանցած՝ կոյրը սորվեցաւ կարդալ, մասները քսելով դուրս ցցուած գիրերուն վրայ:

Անկէ ետք գիտունը ամբողջ աշխարհին յայանեց իր գիւտը: Առաջին անգամ ինք բացաւ կոյրերու դպրոց մը. իրեն նայելով ուրիշներ ալ բացին, եւ այսօր բազմաթիւ քաղաքներու մէջ հաստատուած են կոյրերու յատուկ վարժարաններ:


ԱՌԱՄ -- Կոյրերու աշխարհին մէջ միակամին քազաւոր է:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

- Պարկեշտ -- Պատուաւոր:
- Չեռնարկել -- Չեռ գարնել, սկսել:
- Միակամի -- Մէկ աչք ունեցող:

ՀԱՐՑՈՒՄՆԵՐ -- Գիտունին մէկը ո՞վ տեսաւ օր մը: — Ի՞նչ տուաւ կոյր աղքատին: — Յետոյ ի՞նչ պատահեցաւ: — Կոյրը ի՞նչէ՞ն հասկցաւ, որ գիտունին տուածը ոսկի մըն էր: — Ի՞նչ մտածում ունեցաւ գիտունը: — Կոյրերու յատուկ գիրք տեսա՞՞մ է՞ք: — Ուրիշ ի՞նչ կարեւոր գիտերու ամուսներ գիտէք:

ՔԵՐԱԿԱՆՈՒԹԻՒՆ -- Գուռ, ձեռք, գրպան, դրամ, գիրք, կոյր, գիտուն, — ինչի՞՞ ամուսներ են ասոնք: Գուր ալ գտէք երեք այսպիսի ամուսներ եւ քտէք, քէ ի՞նչ ցոյց կու տան:



9. Կ Ո Յ Ր Ե Ր Ո Ի Կ Ա Ր Ծ Ի Ք Ը

Ցերեկ ատեն,
 Խարխափելէն,
 Չորս կոյր բնկեր եկան դրպան
 Փիղի մը մեծ, հսկայական:
 Մէկն, որ մարմնին դրպաւ ասեղ,
 - Զգոյ՛ջ, պոռաց, պատ կայ այստեղ:
 Միւսն, որ ոտքին հանդիպեցաւ,
 - Ի՛նչ պատ, կոնդ է, կոնդ է, ըսաւ:
 Երրորդին ձեռքը կննիթն էր ինկեր,
 - Օ՛ճ է, օ՛ճ, գոռաց: ա՛յ ի՞նչ էք կեցեր:
 Մինչ չորրորդը, որ պոչէն էր բռներ,
 Քահ - քահ խնդալով կը կրկներ անհոգ.
 - Իրաւ որ կոյր էք, եղբայրներ խելօք,
 Ո՛չ աս է, ո՛չ ան. կախուած թոկ է, թոկ...
 Ու պոռպոռալով չորսն ալ մէկ բերան,
 Ինչպէս որ փիղին
 Դէմն ելած էին,
 Այնպէս ալ կոյր - կոյր կրկին ետ դարձան
 Եւ լերան նըման
 Փիղը չընանչցան...:

ՀԱՆՆԵԼՈՒԿ Գ.— Աչքեր ունի, ոտքեր չունի,
 Մարդ կը սպաննէ, ձեռքեր չունի,
 Հակիք կ'ածէ, փետուր չունի,
 Ծապիկ ունի, կար չունի:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

- Խարխափելի.— Շօշափելով քաշել:
- Ահեղ.— Վախնալիք:
- Կոնդ.— Մառի բուն:
- Կննիք.— Փիղին քիթը, պատիւ:
- Թոկ.— Չուան:

ՀԱՐՑՈՒՄՆԵՐ.— Չորս կոյրերը ի՞նչ բանի դպան օր մը: -
 Ամէն մէկը ի՞նչ ըսաւ: - Ինչո՞ւ տարբեր բաներու նմանցուցիմ
 փիղը: - Ի՞նչ էր պատճառը, որ չկրցան նանչնալ զայն: - Դուք
 փիղ տեսած էք, ո՞ր: - Կրնա՞ք նկարագրել փիղ մը:

10. Փ Ի Ղ Ը

1

Յամաքային ամենամեծ կենդանին է փի-
 ղը: Մանր եւ խոշոր մարմին մը ունի, բայց
 դիւրաշարժ է: Մորթը հաստ է, զիմացկուն եւ
 առանց մազի:

Այս հսկայ կենդանին ամենէն աչքի զար-
 նող մասը երկայն քիթն է, պատիճը, զոր ա-
 մէն բանի կը գործածէ: Անով կը շնչէ, կ'ուտէ,
 կը խմէ եւ զանազան առարկաներ կը վերցնէ,

խոտ եւ պտուղ կը բաղէ, տերեւներ կը փրցնէ,
վերջապէս ինքզինք կը պաշտպանէ դարձեալ
այդ ահապին պատիճով:

Պատիճը, ուրեմն, ո՛չ միայն նուրբ եւ ճը-
կուն ձեռք մըն է, այլեւ զօրաւոր բաղուկ մը:
Փիղը պատիճի մէկ հարուածով կրնայ գետին
տապալել առիւծ մը կամ վաղը մը. կրնայ ծա-
ռեր արմատախիլ ընել, պղտիկ հիւղեր քան-
դել, ծանր բեռներ վերցնել:

2

Հնդիկները զանազան աշխատանքներ կա-
տարել կու տան փիղերուն. օրինակի համար՝
անոնց կը սորվեցնեն պատիճով հաստ պարան-
ներու կապը քակել, բանալին դարձնելով դուռ-
ներ բանալ, կարուած փայտեր կարգով իրա-
րու վրայ դիզել եւ այլն:

Փիղերը կը զործածուին նաեւ վաղը եւ
ուրիշ վայրի կենդանիներ որսալու համար:

Ամէն կերպով օգտակար կենդանի մըն է
փիղը: Դիւրաւ կ'ընտանենայ, բայց ոխակալ
է: Իր ժանիքներէն, որոնք փոսկր կը կոչ-
ուին, սանար, կոճակ, գաւազանի կոթ եւ այլ
զարդեղէններ կը շինեն:

Փիղը կ'ապրի Ասիոյ եւ Ափրիկէի մէջ: Կը
անանի խոտով, պտուղներով եւ տերեւով:
Խիտ շատակեր է, օրական մինչեւ հարիւր
քիլօ խոտ կրնայ ուտել:

ԱՌԱՄ — Քիչ բարձիր, շուտ դարձիր:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

ձկուն.— Դիւրաւարժ, կակուզ:

Տապալել.— Գետին փակել:

Արմատախիլ ընել.— Արմատէն հանել, փրցնել:

Հիւղ.— Պղտիկ տուն:

Պարան.— Հաստ չուան:

Դիզել.— վրայէ վրայ դնել:

Ոխակալ.— Ոխ, քէն պահող:

ՀԱՐՑՈՒՄՆԵՐ.— Ի՞նչ տեսակ կենդանի է փիղը: — Ո՞րն է
անոր ամենէն աչքի գարնոց մասը: — Ի՞նչ բաներու կը գործածէ
իր պտիկը: — Հնդիկները ի՞նչ աշխատանք կատարել կու տան
փիղերուն: — Փղոսկրէն ի՞նչ կը շինուի: — Ի՞նչով կը սնանի փի-
ղը: — Ո՞ր կ'ապրի: — Ընդր փիղերը ընտանի՞ են:

ՔԵՐԱԿԱՆՈՒԹԻՒՆ.— Երկու տեսակ անուն կայ՝
յատուկ եւ հասարակ: Յատուկ կը կոչուին այն անուն-
ները կամ գոյակահները, որոնք իրենց տեսակին մէջ
մէկ հատ են. օրինակ՝ Յակոր, Մասիս, Հայաստան:
Յատուկ անունները գլխագիրով կը սկսին:

11. Ո՞Վ ԻՐ Ա Ի ՈՒ Ն Ք ՈՒ Ն Ի

Բերանը բառ.— Ես ամէն ինչ կ'ուտեմ, կը
խմեմ:

Չեւքը բառ.— Ես ամէն ինչ կը շինեմ, կը
քանդեմ:

Լեզուն բառ.— Ես ամէն բան կ'ըսեմ, կը
պատմեմ:

Ոտքը բառ.— Իսկ ես ամէն տեղ կ'եր-
թամ, կը պարտիմ:

Գլուխը մտիկ ըրաւ եւ ծիծաղեցաւ:
Բերանը, ձեռքը, լեզուն եւ ոտքը ըսին
գլուխին.— Ինչո՞ւ կը ծիծաղես:

Գլուխը պատասխանեց.— Ինչ որ ընէք,
առաջ ինձի պիտի հարցնէք: Առանց ինձի բան
չէք կրնար ընել:

Բերանը բաց մնաց, իսկ լեզուն կմկմալով
յարեց.

— Հա՛, իբրաւ է, իբրաւունք ունի գլուխը:
Իսկ ի՞նչ ըսին ձեռքն ու ոտքը:

ԱՌԱՄ.— Հեռուի սուրբը գորաւոր կ'ըլլայ:

ԲԱՌԻՐ ՈՒ ԲԱՅԱՏՐՈՒԹԻՒՆՆԵՐ

Պանդել.— Կործանել, փցնել, աւերել:

Յարել.— Վրայ բերել, ըսել:

ՀԱՐՅՈՒՄՆԵՐ.— Ի՞նչ ըսին բերանը, ձեռքը, լեզուն, ոտքը:
— Ինչո՞ւ ծիծաղեցաւ գլուխը: — Ի՞նչ պատասխան տուաւ ան: —
Բերանը եւ լեզուն ինչո՞ւ իբրաւում տուին գլուխին: — Իսկ ի՞նչ
պիտի բտր ականքը, երէ ներկայ ըլլար այս խօսակցութեամ: —
Որո՞նք են մեր հիմզ գայարամները:

ՔԵՐԱԿԱՆՈՒԹԻՒՆ.— Հասարակ կը կոչուին այն
անունները կամ գոյականները, որոնք իրենց տեսակին
մէջ շատ են. օրինակ՝ մատիտ, գիրք, տետրակ:



12. ԶԵՆՈՎ, ՕՀԱՆ ԵՒ ԿՈԶԲԱԴԻՅՑ

Համբար հասաւ Մարայ Մելիփին.
— Հապա չե՞ս բտր, Դաւիթը կրկին
Հօր վանքը շինեք, իշխան է դարձեք,
Դուն եօթը տարուան հարկը չես գանձեր:

Մելիփ գայրացաւ.

— Շո՛ւտ, գացէ՛ք, ըսաւ,
Բադի՛ն, Կո՛զբադին,
Սի՛ւդին, Զա՛րխադին,

Սասնայ քար ու հող տակն ու վեր քրէ՛ք,
Իմ եօթը տարուան հարկն առէ՛ք բերէ՛ք:

Ու Կոզբադին առաւ գորփեր,
— Գլխո՛ւս վրայ, ըսաւ, ի՛մ տէր,
Ելլեմ երթամ, քանդեմ Սասուն,
Զնչեմ տեղը հայոց ազգին:

Այսպէս երգով
Զօրով ~~գորփով~~

Երբ Կողբադին մըտաւ Սասուն,
Օհան լքեց, չորցաւ լեզուն:

Աղ ու հացով,
Վախ ու լացով
Առջեւն ելաւ
Խնդիրք բրաւ.
- Ինչ որ կ'ուզես, ա'ն, տա'ր, ամա'ն,
Վարդ աղջիկներ, կանայք Սասւան,
Ու մեր շահած դեղին ոսկին...
Միայն գրքա' մեր խեղճ ազգին,
Մի' կոտորեր, մի' տար մահուն.
Վերը' Աստուած, իսկ վարը' դուն...

ՀԱՆՅԵԼՈՒԿ Դ. — Երկու սար գիրար կը կրծեն:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

- Հարկ. — Տուրք:
- Զայրանալ. — Սաստիկ բարկանալ:
- Զօրով. — գորութիւնով, ուժով:
- Կանայք. — կիներ:
- Կոտորել. — Զարգել:
- Մի' տար մահուն. — Մի' մեղքներ, մի' սպաններ:

ՀԱՐՅՈՒՄՆԵՐ. — Ինչո՞ւ գայրացաւ Մարայ Մելիքը: — Ի՞նչ
բաւ իր գօրապետներուն: — Ո՞ր գնաց Կողբադին. ի՞նչ բնելու:
— Զէնով Օհան ինչո՞ւ վախցաւ. ի՞նչ բաւ: — Ո՞վ է Զէնով Օ-
հան: — Ի՞նչ տեսակ մէկն էր ան: — Կրնա՞ք բսել, քէ ո՞վ էր
Դաւիթի հայրը:

13. ԱՇԵԱՐՀԱԳՐՈՒԹԵԱՆ ԴԱՍԸ

1

Մեր աշխարհազրութեան ուսուցիչը, դա-
սարան մտնելու ատեն, վայրկեան մը կը կե-
նար դրան առջեւ, դննող ու խիստ ահնարկ մը
կը նեւէր մեր վրայ, ծանր քայլերով կը մօտե-
նար ամպիոնին ու կը հարցնէր.

- Պատրա՞ստ էք:
- Այո՛, — կը պատասխանէինք մենք տե-
սակ մը երկիւղով:
- Պետրոսեա՛ն, սկսէ՛, — կը հրամայէր
ուսուցիչը նստելով աթոռին վրայ:
- Խե՛ղճ Պետրոսեան... միշտ վախով կը
պատմէր իր դասը, կը շփոթէր, կը շուարէր եւ
չուտ — չուտ այս ու այն կողմը կը նայէր՝ ըս-
պասելով, որ ընկերները օգնեն իրեն: Ինք այն-
պէս հաւատացած էր, թէ ինչ որ բռէին անոնք,
անպատճառ ճիշդ կ'ըլլար: Եւ ատար համար ալ
սխալ սխալի ետեւէ կ'ընէր:

2

Անդամ մը, Պետրոսեան նորէն շուարեցաւ
դասի ատեն. չկրցաւ բսել, թէ ո՛րն էր Պելճի-
քայի մայրաքաղաքը: Օգնութեան սպասելու
ձեւով սկսաւ աջ ու ձախ նայիլ:

- Պուքրէ՛չ, — բսի քովէն կամայ մը:
- Պուքրէ՛չ, — կրկնեց Պետրոսեան վստա-
հութեամբ:
- Ուսուցիչը, որուն սրատես աչքէն բան չէր

փախչեր, հանդարտ քայլերով մօտեցաւ ինձի, բռնեց ազանջէս եւ տարաւ զիս գրասեղանին մօտ:

— Կեցիր հոս մինչեւ դասին վերջը, որպէս զի հասկնաս, թէ Պելճիքայի մայրաքաղաքը ո՛չ թէ Պուքրէշ է, այլ Պրիւքսէլ:

Ամբողջ կէս ժամ ոտքի վրայ մնացի գրասեղանին առջեւ: Երանի կու տայի ընկերներուս, որոնք հանգիստ նստած էին եւ ուշադրութեամբ կը հետեւէին ուսուցչի ըսածներուն:

Կրած պատիժս դաս մը եղաւ ինձի համար. անկէ ետք ա՛լ բնաւ չփորձեցի ընկերներուս քովէն ծուռ — շիտակ բաներ ըսել:

ԱՌԱՄ.— Ծուռ քանակէն շիտակ գիծ չ'ելլեր:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Զննող.— Քննող, գիտող:


Ակնարկ.— Նայուածք:

Երկիւղ.— Վախ:

Սրատես.— Աչքը սուր, շուտ տեսնող:

ՀԱՐՑՈՒՄՆԵՐ.— Աշխարհագրութեան ուսուցիչը ի՞նչ կ'ընէր դասարան մտնելու առեմ: — Պետրոսեան ինչո՞ւ վախով կը պատմէր դասը: Ի՞նչ կը սպասէր իր ընկերներէն: — Անգամ մը ի՞նչ պատահեցաւ: — Ի՞նչ էր պատճառած տղուն յանցանքը: — Պէ՞տք է օգնել դաս պատմողին:

ՔԵՐԱԿԱՆՈՒԹԻՒՆ.— Հետեւեալ անուաններէն որո՞նք յատուկ են եւ որո՞նք հասարակ. ըսէ՛ք, քէ ճիշդ գրուա՞ծ են.— վարդան, լեռ, արարատ, քաղաք, ծով, միջերկրական, ընկեր, գրասեղան, եգիպտոս, գրչածայր, երուսաղէմ, քանակ, կիպրոս, սոնա:



14. Խ Օ Ս Ա Կ Ց Ո Ի Թ Ի Ի Ն

1

Եղնիկը պարծենալով ըսաւ.

— Ես արագ կը վազեմ:

Ծիծեռնակը, անկէ ետ չմնալու համար, աւելցուց.

— Ես կը թռչիմ հովի պէս:

Զուկն ալ, ջուրին երեսը ելլելով, վրայ բերաւ.

— Իսկ ես կը լողամ ջուրին մէջ:

Մարդը լսեց այս խօսակցութիւնը եւ ահա, թէ ի՛նչ ըսաւ.

— Ես չողեկառք կը շինեմ ու եղնիկէն արագ կը վազեմ: Օգտնաւ կը շինեմ եւ բարձրերը կը թռչիմ: Նաւ կը շինեմ եւ ջուրերուն վրայէն կը ճամբորդեմ: Սուզանաւ կը շինեմ եւ ջուրերուն տակ կը թաղուիմ:

Եղնիկը տեսաւ շողեկառքը ու զարմացաւ :
 Ծիծեռնակը տեսաւ օղանաւը ու ամչցաւ :
 Զուկը տեսաւ շողենաւը եւ խելքը գլխէն
 գնաց :

Հապա սուղանա՞ւր... ո՞վ կրնար խելք
 հասցնել անոր :

ԱՌԱՄ.— Ամէն մօրուքէ մազ մը, կ'ըլլայ մօրուք մը :

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Եղնիկ.— Արագավազ եւ Լղջիւրաւոր կենդանի մը :

Պարծենալ.— Մէծ — մէծ խօսիլ, ինքզինք դովել :

Սուղանաւ.— Զուրին տակէն գացող նաւ, ընդձովկայ :

ՀԱՐՑՈՒՄՆԵՐ.— Ի՞նչ ըսին եղնիկը, ծիծեռնակը, ձուկը : —
 Մարդը ի՞նչ պատասխան տուաւ : — Դուք տեսա՞՞՞ք էք շոգեկառք,
 շոգենաւ, օղանաւ, սուղանաւ : — Ատենցմէ ո՞րը անլի զարմանք
 պատճառած է ձեզի : — Ի՞նչ ըսել է «խելքը գլխէն գնաց» :



15. ՍԱՍՈՒՆՑԻ ԴԱԻԻԹ ԵՒ ԿՈԶԲԱԴԻՆ

Վար իչաւ Դաիթ Մարութայ սարէն,
 Տեսաւ իրենց տան կիսաբաց դռնէն՝
 Կոզբադին նրատեր կը չափէ ոսկին,
 Սիւդին, Զարխադին պարկերն են բռներ,
 Զէնով Օհանն ալ շրլինքը ծրոներ,
 Զեռքերը ծոցը՝ կեցեր է հեռուն :

Տեսաւ, աչքերը լեցունեցաւ արիւն.
 — Ե՛ս պիտի չափեմ, ելի՛ր, Կո՛զբադին,
 Հօրքս ոսկին է, դուն քաշուէ անդին :

Կոզբադին ըսաւ.— Ե՛յ, Զէնո՛վ Օհան,
 Կու տաս՝ տուր հարկը այս եօթը տարուան,
 Եթէ ոչ կ'երթամ, արեւըս վըկայ,

Մարայ Մելիֆին կը պատմեմ, կու գայ
Ձեր Սասմայ երկիր քարուքանդ կ'ընէ,
Տեղը կը վարէ, շաղգամ կը ցանէ:

— Դո՛ւրս կորսուեցէք, դո՛ւք՝ կատաղած շուներ,
Էհէ՛յ, չէք նանչնար դեռ Սասմայ քաղեր.
Արդեօք մեզ մեռա՞ծ թէ շուք կը կարծէք,
Կ'ուզէք մեր երկիր հարկի տակ դրնէք...
Բարկացաւ Դաւիթ, չափը որ նետեց,
Դըսպաւ, Կոզբաղնի գլուխը ջարդեց,
Չափի փշրանքը պատն անցաւ, գրնաց,
Ու մինչեւ օրս ալ դեռ կ'երթայ թրոած:
Ու ելան, քափած ոսկին հոն մոռցան,
Հայոց աշխարհէն դուրս կորսուեցան
Բաղին, Կոզբաղին,
Սիւղին, Չարխաղին:

ՀԱՆՆԵԼՈՒԿ Ե. — Չորս եղբայրներ կան,
Իրարու ետեւէ կը վազեն,
Բայց չեն հասնիր իրարու:

ԲԱՌԵՐ ՈՒ ԻԱՅԱՏՐՈՒԹՅՈՒՆՆԵՐ

Սար. — Լեռ:

Շլիմբ. — Վեղ:

Շողգամ. — Տեսակ մը բանջար, որուն արմատը կ'ուտուի:
Կ'բուսի նաև չաղգամ:

ՀԱՐՑՈՒԹՆԵՐ. — Ի՞նչ ըրաւ Դաւիթ, երբ տեսաւ Կոզբաղինը
իրենց տան մէջ: — Ինչո՞ւ բարկացաւ. — Ի՞նչ ըսաւ Կոզբաղին: —
Վերջը ի՞նչ եղաւ: — Ի՞նչ բան կը պաշտպանէր Դաւիթ:

16. Ճ Ա Մ Բ Ո Ր Դ Ն Ե Ր


1

Օր մը, աքլորը բարձրացաւ տան կտուրը՝
աշխարհ տեսնելու համար: Վիզը երկարեց ա-
ռաջ, սակայն բան չտեսաւ. դիմացի լեռը ար-
դեւք կ'ըլլար:

— Քուչի՛ աղբար, կարելի է դուն գիտես,
այն լեռան ետեւը ի՞նչ կայ, — հարցուց բակին
մէջ պառկած շան:

— Ես ալ չեմ գի-
տեր, — պատասխանեց
քուչին:

— Հապա մինչեւ
ե՞րբ այսպէս տգէտ
պիտի մնանք. եկուր
միասին երթանք տես-
նելու, թէ ի՞նչ կայ չը-
կայ աշխարհի մէջ:



Շունը համաձայ-
նեցաւ եւ միասին ճամ-
բայ ելան աշխարհ տեսնելու: Գացի՛ն, դա-
ցի՛ն, հասան անտառ մը: Գիշերը մնացին այն-
տեղ: Շունը պառկեցաւ թուփի մը տակ, իսկ
աքլորը կծկուեցաւ մօտիկ ծառին վրայ:

Քիչ ետք երկուքն ալ քնացան:
Շատ քնացան թէ քիչ, յայտնի չէ. մէկ ալ

տեսան, որ լոյսը բացուեր է: Աքլորը արթըն-
ցաւ եւ կանչեց.— Կուկուլիկո՛ւ:

2

Աղուէս մը, որ անտառին մէկ անկիւնը
պառկած կը քնանար, լսեց աքլորին ձայնը:

— Վա՛հ, ուրկէ՞ դուրս եկաւ այս աքլորը:
է՛հ, է՛հ, լաւ նախաճաշ պիտի ընենք այսօր, —



մտածեց խորամանկ կեն-
դանին ու վազեց առաջ:

Գնաց, կեցաւ ծառին
տակ ու ըսաւ.

— Բարի լոյս, սանա-
հա՛յր աքլոր, ի՞նչ ընելու եկեր ես այս կողմե-
րը:

— Կ'երթանք աշխարհ տեսնելու, — պա-
տասխանեց աքլորը

— Օ՛, ի՛նչ լաւ եւ մտածեր. շատոնց է ես
ալ յարմար ընկեր մը կը փնտռէի: Ի՛նչ լաւ
եղաւ, որ հանդիպեցանք իրարու: Դէ՛հ, վար
իջիր, որ չուշանանք:

— Ես համաճայն եմ, — ըսաւ աքլորը, —
տե՛ս, եթէ ընկերս ալ համաճայն է, երթանք:

— Ո՛ր է ընկերդ, — հարցուց աղուէսը:
— Հոն, թուփին տակ:

«Ընկերն ալ իրեն պէս աքլոր մը ըլլալու
է», մտածեց աղուէսը եւ վազեց թուփին կող-
մը: Բայց երբ յանկարծ շունը դուրս եկաւ
պառկած տեղէն, աղուէսը՝ պո՛ւ՛՛ փախաւ,
ի՛նչպէս փախաւ:

— Մի՛ աճապարեր, աղուէ՛ս աղբար, մենք
ալ պիտի դանք. այդպէս ալ ընկեր կ'ըլլա՞յ, —
ծաղրանքով կը կանչէր. աքլորը փախչող աղ-
ուէսին ետեւէն:

ԱՌԱՄ.— Անամօթին երեսը բքին,
ըսաւ՝ «ամօթի կու գայ»:

ԲԱՌԵՐ ՈՒ ԲԱՑԱՏՐՈՒԹԻՒՆՆԵՐ

Կտուր.— Տանիք:

Թուփ.— Գլխիկ ծառ:

Սամահայր.— Կնքուած մանուկին հայրը:

ՀԱՐՅՈՒՄՆԵՐ.— Աքլորը ի՞նչ ըսաւ օր մը: — Ի՞նչ էր իր
նպատակը: — Ի՞նչ ըսաւ փուչիին: — Վերջը ի՞նչ որոշում տուին:
— Ո՛ր գացին: — Ո՞վ հանդիպեցաւ աքլորին եւ ի՞նչ ըսաւ: —
Ի՞նչ ըսաւ աղուէսը, երբ իմացաւ ընկերոջ ո՞վ ըլլալը: — Ո՞վ
աւելի խորամանկ է, աղուէ՞սը թէ աքլորը:

ՔԵՐԱԿԱՆՈՒԹԻՒՆ.— Կագնեցէք նախադասութիւն
մը, որուն մէջ անձի մը, անասունի մը եւ իրի մը ա-
նունները գտնուին. օրինակ՝ «Նորայրս ձի մը եւ հրա-
ցան մը ունի»:

17. Կ՝ ՈՒԶԵՄ, ՉԵՄ ՈՒԶԵՐ...

1

Թոռնիկները հաւաքուել էին մեծ մայրիկին շուրջ եւ կը խնդրէին, որ լաւ հեքիաթ մը պատմէ իրենց: Մեծ մայրիկը այսպէս սկսաւ.

«Կաուցը սուր՝ մեր Սուրիկին քիթին նրման, փետուրները գանգուր՝ Արմիկին մազերուն նման, թեւերը փափկիկ՝ Արփիկին ձեռքերուն նման. ահա այսպէս էր սիրուն արտուտիկը»:

— Ինծի նման բան չունէ՞ր, — ընդմիջեց Վանիկը:

— Հապա ինծի՞, — ձայն տուաւ Շուշիկը:

— Ինծի ալ բան չըսիր, մե՛ծ մայրիկ, — բողոքեց Նազիկը:

— Սպասեցէք է՛, դեռ չեմ վերջացուցեր: ամենուզ ալ բաժին կայ, — հաստատեց մեծ մայրիկը եւ շարունակեց կէս ձգած հեքիաթը:

2

«Աչուկները այնպէս նախշուն էին, ինչպէս Վանիկին աչքերը. կատարն այնպէս կարմիր էր, ինչպէս Շուշիկին այտերը. ոտքերն ալ այնպէս բարակ էին, ինչպէս Նազիկին մատները»:

— Ես ոտքերը չեմ ուզեր, — գանգատեցաւ Նազիկը:


— Հապա ի՞նչ կ'ուզես, Նազիկ, — հարցուց մեծ մայրիկը:

— Ես աչուկները կ'ուզեմ:

— Աչուկները ինծի էտուեր մեծ

մայրիկը, քեզի չեմ տար, — գոչեց Վանիկը:

— Նազիկ, կ'ուզես կատարը դուն առ, տոտիկները ես կ'առնեմ, — համաձայնեցաւ Շուշիկը:



— Ես կատարը չեմ ուզեր, աչուկները կ'ուզեմ, — պնդեց Նազիկը:

— Վանիկ, դուն կատարը առ, ես տոտիկները կ'առնեմ, Նազիկն ալ թող առնէ աչուկները, — խնդրեց Շուշիկ, ուզելով հաշտեցնել քոյրն ու եղբայրը:

— Ես ի՞նչ ընեմ կատարը, մեծ մայրիկը ինչ որ տուեր է ինծի, ես այն կ'ուզեմ, — յամառեցաւ Վանիկը:

Նազիկը գոհ չմնաց, ու վէճը շարունակուեցաւ: Բայց մեծ մայրիկը չէր լսեր, դուրսը բարձին դրած քնացեր էր արդէն:

ԱՌԱՄ — Ամէն մարդու իր կանգունով
կտաւ չեն տար:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Արտոյտ, արտուտիկ — Փոքր թռչուն մը, գորշ կարմրորակ
փետուրներով եւ սուր ճաշով:

Կատար — Գլուխ, զապաթ:

Նախշուն — Սիրուն, ազուր:

ՀԱՐՑՈՒՄՆԵՐ — Թռնիկները ի՞նչ կ'ուզէին: — Մեծ մայրիկը
կը ի՞նչ կեփար պատմեց: — Ի՞նչ բոխ վանիկը, Շուշիկը, Նա-
զիկը: — Ի՞նչպէս շարունակեց սեծ մայրիկը իր կեփարը: — Ո՞վ
էր տղոց մէջ ամենէն յամառը: — Մեծ մայրիկը ի՞նչպէս պիտի
կարգադրէր զեճը, եթէ բնացած չըլլար:

18. Գ Ի Տ Ո Ւ Ն Ա Ղ Ո Ւ Է Ս Ը

Անձրե՛ւ, անձրե՛ւ, ցուրտ ձրիկե՛ն...
Նլայ գացի Սիփան լեռ,
Տեսայ՝ այնտեղ հարսնիք կար,
Մեր աղուէսն ալ կը լսաղար:

Ճիշդ կէսին էր Յունուարի.
Աղուէսն առի, տուն տարի,
Ըսի. — «Աղուէ՛ս, կարծեմ դուն
Խօսքեր գիտես իմաստուն:



Պատմէ՛ սարէն ու ձորէն,
Պատմէ՛ եւ ձեր աշխարհէն.
Հարկ է, որ մարդ ամէն օր
Սորվի բաներ հին ու նոր»:

Աղուէսն ըսաւ. — «Արժէ՛քով
Գիտելիք շա՛տ կայ իմ քով:
Գիտցածս պոչիս վրայ է,
Պոչս ալ հիմա քրջած է...»:

ՀԱՆՆԵԼՈՒԿ Զ — Առանց մաղի կը մաղուիմ,
Հողին մէջը կը շաղուիմ,
Գետնին տակը կը քաղուիմ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Սիփան — Հայաստանի բարձր լեռներէն մէկն է, կը գտնուի
Վանայ նահանգին մէջ:

Իմաստուն — Խելացի:

Հարկ է — Պէտք է:

ՀԱՐՑՈՒՄՆԵՐ — Ի՞նչ կար Սիփան լեռան վրայ: — Աղուէսը
ի՞նչ կ'ընէր իր: — Ո՞վ տուն տարու գայն: — Ի՞նչ կարցոց ա-
նոր: — Ի՞նչ պատասխան տուա աղուէսը: — Ի՞նչի՞ մէջ է ամոր
իմաստութիւնը: — Ուրիշ պատմութիւններ գիտե՞ք աղուէսի մա-
սին:

19. Գ Ն Դ Ա Կ Խ Ա Ղ Ա Ց Ո Ղ Ն Ե Ր Ը

1

Խաղը սկսաւ: Բայց ոչ ոք գիտէր, թէ ինք ո՛ր խումբէն էր, որո՛ւ հետ էր եւ որո՛ւ դէմ վերջապա՞հ էր թէ յառաջապահ, ա՞ջ թեւ էր թէ ձախ. բերդապա՞հ էր, ի՞նչ էր:

Հինգ — վեց հոգի իրարու ետեւէ վազելով կը փնտռէին գնդակը, որուն ուր ըլլալը յայտնի չէր: Մէյ մըն ալ, չես գիտեր ուրիշ՛, յանկարծ երեսն էլաւ ան: Խաղացողներէն մէկը ուղեց ոտքով զարնել, բայց գնդակին տեղ ընկերոջը գլխուն զարկաւ:

Ի՛նչպէս եղաւ՝ անտէր գնդակը ինկաւ Արամի ոտքերուն առջեւ: Ամբողջ խումբը վազեց առաջ: Արամ սարսափահար սկսաւ փախչիլ, առանց ուշադրութիւն ընելու գնդակին: Միւսները կը հալածէին զինք թշնամի մը հալածելու պէս:

Ամբողջ հինգ վայրկեան հոս ու հոն վազելէ ետք, Արամ ինքզինք զտաւ բերդին առջեւ. մէկ ստուամով ցատկեց ձողերէն մէկուն վրայ եւ հոն կծկուեցաւ: Հալածողներու խումբը ետ դարձաւ ու հասաւ գիմացի բերդին մօտ այն առեն, երբ գնդակը ներս կը մտնէր անկէ վեցերորդ անգամ ըլլալով:

2

Վերջապէս խաղացողներէն մէկը կրցաւ ձեռք անցընել փոշիով ու ցեխով ծածկուած

գնդակը, դրաւ զայն թելին տակ ու սկսաւ առաջ վազել: Յանկարծ առջեւը կարեց իր խումբին անդամներէն մէկը եւ պռոսնց սպառնական ձայնով:

— Գնդակը ինծի տուր:

— Չեմ տար, — պատասխանեց միւսը:

— Քեզի կ'ըսեմ՝ տուր:

— Քեզի կ'ըսեմ՝ չեմ տար:

— Տո՛ւր, քիչ մըն ալ ես գլորեմ:

Ըսաւ եւ դուրս քաշեց գնդակը ընկերոջը թելին տակէն, բայց իր ձեռքէն ալ վար ինկաւ եւ գլորելով գնաց առաջ: Այն առեն, ինք իրմէ ելած, յարձակեցաւ ընկերոջը վրայ եւ սկսաւ անխնայ ծեծել զայն:

— Գնդակը չես տար, հա՞: Բերդս ձգեր կ'կեր եմ եւ չե՞ս թողուր, որ քիչ մըն ալ ես գլորեմ, հա՞...:

Եւ կը շարունակէր զարնել:

Հանդիսատեսները, քանի մը հազար հոգի, խնդալէն կը մարէին:

Յանկարծ լուեցաւ սուլիչին ձայնը, եւ



խաղը դադրեցաւ: Բայց ի՞նչ խաղ... խաղ
չէր, պատերազմ էր:

Լաւ որ շուտ վերջացաւ:

ԱՌԱԾ.— Ահր վեր է, քան մահը:

ԲԱՆԵՐ ՈՒ ԲԱՅԱՏՐՈՒԹԻՒՆՆԵՐ

վերջապահ.— Գնդակ խողպոցներու խումբին մէջ Ետեւը
կեցողներ:

Յառաջապահ.— Խումբին առջեւը կեցողներ:

Յերդապահ.— Յերդը պահպանող:

Ոստուճ.— Վեր ցատկել:

Անխնայ.— Ատանց ինտյելու, առանց մեղքնալու:

Համդիսատես.— Հանդէսին ներկայ եղող:

ՀԱՐՑՈՒԹՆԵՐ.— Ի՞նչ կը խաղային տղաքը: — Գիտէի՞ն խա-
ղին կանոնները: — Ի՞նչ ըրաւ Արամ, երբ գնդակը իր ստեղծում
առջեւ ինկաւ: — Ինչո՞ւ իր ընկերները կը հալածէին գիւնք: — Ո՞ւր
գնաց Արամ, ինչո՞ւ: — Յետոյ ի՞նչ եղաւ գնդակը: — Յերդապահը
ի՞նչ ըրաւ, ինչո՞ւ ծեծեց իր ընկերը: — Հանդիսատեսները ինչո՞ւ
կը խնդային:

ՔԵՐԱԿԱՆՈՒԹԻՒՆ.— Կազմեցէ՛ք նախադասութիւն
մը, որուն մէջ յատուկ անուն մը եւ հասարակ անուն
մը գտնուին. օրինակ՝ «Սեւանայ կղզիին մէջ վանք
կայ»:

20. ԻՄ ԱՄԵՆԱՄԵԾ ՀԱՃՈՅԻՍ

1

Ես ութ տարեկան էի արդէն, երբ սկսայ
քերական կարդալ: Անոր մէջ գտնուած նկար-
ները շատ կը զուարճացնէին զիս, բայց շարաթ
մը ետք կը դադրէին այլեւս հետաքրքրական
ըլլալէ:

Իմ ամենամեծ հաճոյքս էր եղբորս աղգա-
յին պատմութեան զիրքը, որուն նկարները
զիտելէ չէի կշտանար: Ամէն մէկ նկարին առ-
ջեւ կը կենայի, անվերջ հարցումներ ուղղելով
եղբորս, որ անսպաս
համբերութեամբ կը
պատմէր ինձի մեր
թաղաւտը ն եր ու ն
կեանքն ու կատարած
գործերը:



Անոնց մէջ ա-
մենէն շատ կը սի-
րէի Հայկն ու Արա-
մը: Կը հիանայի
Տրդատի ութին վը-
րայ: Բարեկամ էի
Արտաշէսին եւ կը
պաշտէի արկածա-
խնդիր ու հպարտ Արտաւաղը: Կը սիրէի իր
երկար բաշերով ձին եւ հաւատարիմ շուները,
որոնք կը դողացնէին գայլերը իրենց սուր գո-
չիւններով:

Ներքոյն օղնութեամբ կախաղան կը հանէի
դաւաճան Մերուժանը եւ կը զլխաաէի Վասակ
Սիւնին ու Վեսա Սարգիսը:

2

Բայց ամենէն աւելի իմ սրտիս կը խօսէր
կարմիր Վարդանը, որ սակայն կարմիր չէր
ներկուած պատկերին մէջ: Մեր գունաւոր մա-
տիտներով կը սրբազրէինք այդ մեծ սխալը,
մինչեւ որ աղ-
գային հերոսը
բոլորովին ան-
ճանաչելի դաւ-
նար:



Կերեւակա-
յէինք Տղմուտ
գեար, Աւարայ-
րի դաշտը, լայն
ահանջներով հսկայ փիղերը, Վարդանի սրա-
թուիչ ձին, Ղեւոնդ Նրէցի երկար մօրուքը եւ
ահագին խաչը: Ու մենք մեզի կը ասէինք
հայկական բանակին յաղթանակը:

Ապա ոգևորուած կը դարձնէինք զրքին
էջերը, կանգ առնելու համար մեր հին ու շէն
մայրաքաղաքին՝ Անիի պարիսպներուն առ-
ջեւ: Հոն, այդ պարիսպներուն տակ, թշնամի-
ները կը հալածուէին ու կը ջարդուէին, մեր
քաջարի բանակներուն կողմէ:

Ի վերջոյ կը փակէինք զերբը եւ կը սկը-

սէինք թաղաւոր մը փնտռել Անիի դահուն վը-
րայ նստեցնելու համար: Բայց կ'ուզէինք, որ
այդ թաղաւորը անպատճառ մեր գիւղացի ըլ-
լար...

ԱՌԱՄ — Ագահէն բա՞ն ուզեցիր,
Զուրին մէջ ծակ փարեցիր:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

- Անպառ — Զհամոզ, վերջ չունեցող:
- Արկածախնդիր — Արկածներ փնտռող:
- Գլխատել — Գլուխը կտրել:
- Տղմուտ — Աւարայրի մէջէն անցնող գետակ մը:
- Աւարայր — Արտաղ գաւառին մէջ գիւղ եւ դաշտ, ուր տեղի
ունեցաւ Վարդանանց պատերազմը 451ին:
- Սրաքուիչ — Շատ արագ վազող

ՀԱՐՑՈՒՄՆԵՐ — Ի՞նչ էր փոքրիկ տղուն ամենամեծ հաճոյ-
քը: — Մեր քաղաւորներէն եւ իշխաններէն որո՞նք կը սիրէր եւ
որո՞նք չէր սիրէր. ինչո՞ւ: — Ամենէն աւելի ո՞վ կը խօսէր իր
սրտին: — Գիրքը գոցելու ատեն ի՞նչ կը փնտռէին փոքրիկ տղան
եւ իր եղբայրը: — Ինչո՞ւ կ'ուզէին, որ իրենց գիւղացի ըլլար
Անիի քաղաւորը:

ՔԵՐԱԿԱՆՈՒԹԻՒՆ — Յոյց տուէ՛ք ձեր այսօրուան
դասին մէջ գտնուած յատուկ եւ հասարակ անունները:
Նախադասութիւններ կազմեցէ՛ք հետեւեալ անուննե-
րով: Գահիրէ, դերձակ, դասարան, Պէյրութ:



21. Հ Ա Յ Ե Լ Ի Ն

Չեմ գիտեր ինչո՞ւ այսֆան անպիտան
 Եւ խուլ է կարծես հայելին մեր տան...
 Ես ի՞նչ եմ քրած, որ զիս չի սիրեր.
 Ինձմէ ի՞նչ կ'ուզէ, ես ալ չեմ գիտեր:

Ամէն անգամ որ կը նայիմ իրեն,
 Ուրիշ տրդայ մը կ'երեւայ մէջէն,
 Մագերը՝ ցրբիւ, երկար, զրզգրուած,
 Չեռերն՝ անլուայ, շապիկը՝ սպտուած,
 Աչքերը՝ կարմրած, երեսը՝ կեղտոտ.
 Ո՞վ է այդ տրդան ինձի անծանօթ...

Կը զանգատիմ ես, բարկութեամբ կու լամ,
 Իսկ իմ դիմացըս, նոյն կեղտոտ, լալկան
 Տըղան է կանգնած, անխօս ու դժկամ:

Իսկ հապա ինչո՞ւ այդ նոյն հայելին
 Սիրուն ցոյց կու տայ դէմքը Կարէնին.
 Երբ մեծ եղբայրս անոր մէջ նայի,
 Ամէն ինչ լաւ է եւ հիանալի,
 Հագուստը՝ կարգին, մագերը՝ սանտրած,
 Չեռք ու երեսը՝ մաքուր լուացուած:

Մայրիկը կ'ըսէ, թէ ի գուր այսպէս
 Բարձրաձայն կու լամ, կը բարկանամ ես,
 Թէ բընաւ չար չէ հայելին մեր տան,
 Հաւասար աչքով կը նայի միշտ ան,
 Իր տեսածն է, որ ցոյց կու տայ միայն...

ՀԱՆՆԵԼՈՒԿ Է -- Աչքդ գոց՝ կ'երեւի,
 Աչքդ բաց՝ կը փախչի:

ԲԱՆԵՐ ՈՒ ԲԱՅԱՏՐՈՒԹԻՒՆՆԵՐ

Յրիւ -- Յրուած, տարտղուած:

Գզգրուած -- Կստն ի խուռն:

Կեղտոտ -- Ազտա:

Դժկամ -- Դժգոհ:

ՀԱՐՁՈՒՄՆԵՐ -- փոքրիկ տղան ի՞նչ կ'ըսէր հայելին հա-
 մար: - Ի՞նչ կը տեսնէր անոր մէջ: - Ինչո՞ւ կը զանգատեր ու
 կու լար: - Յանցուորը ո՞վ էր. հայելի՞ն: - Ի՞նչ կ'ըսէր մայ-
 րիկը: - Ո՞վ իրաւունք ունի, փոքրիկ տղա՞ն թէ մայրիկը: -
 Կրնա՞ք ըսել, թէ դուք ի՞նչ տպաւորութիւն ունեցաք, երբ առա-
 ջին անգամ ձեր դէմքը տեսաք հայելին մէջ:



22. ԱՆԼԵԶՈՒ ՊԱՀԱԿԸ

1

Անգամ մը, շէնքի մը բակը մտնելու ատեն, ուշադրութիւնս դրաւեց հինգ — վեց տարեկան տղայ մը, որ հեծանիւ նստած՝ կը խաղար փողոցին մէկ անկիւնը: Բայց դեռ անվարժ էր. երբեմն հեծանիւը կը քշէր փողոցին կեդրոնը, ուր ինքնաշարժներ կ'երթեկէին:

— Հիմա՛ ինքնաշարժի տակ կ'իյնայ, — վախով մտածեցի ես եւ կ'ուղէի մօտենալ անխոհեմ տղուն, զայն զգուշացնելու համար:

Յանկարծ տան բակէն դուրս վազեց ահա՛ զին դորը շուն մը, ետ ու առաջ նայեցաւ եւ, տղան տեսնելով, մօտեցաւ անոր ու անշարժ կեցաւ հեծանիւին առջեւ:

— Ճամբա՛յ տուր, — բարկացած գոչեց տղան:

Շունը տեղէն չշարժեցաւ սակայն. կեցած էր փողոցին մէջտեղ եւ իր մարմնով կը պաշտպանէր փոքրիկ անխոհեմ տղան: Երբ տեսաւ, որ ան կը յամառի մնալ հոն, փողոցին կեդրոնը, ահոաներով բռնեց թեւէն եւ հեծանիւին հետ միասին փորձեց տանիլ դիմացի տան բակը:

Տղան կը շարունակէր պոռալ.

— Թո՛ղ տուր... Թո՛ղ տուր...

Շունը կը քաշէր տղուն թեւէն եւ պոչով ալ կը հարուածէր, որպէս զի հետեւի իրեն: Ինքնաշարժ անցած ատեն կանգ կ'առնէր, ապա կը նայէր աջ ու ձախ եւ զգուշութեամբ կը շարունակէր ճամբան: Վերջապէս մտաւ տան բակը:

2

Յաջորդ օրը ես դարձեալ հանդիպեցայ նոյն տղուն՝ իր շանը հետ: Տղան կը խաղար շէնքին դուրսի բակին մէջ, խիչ շունը, ահանջը սրած, պահակութիւն կ'ընէր:

Ես մօտեցայ տղուն՝ քանի մը հարցումներ ընելու համար իր խելացի շան մասին: Բայց շունը յանկարծ վեր թռաւ, կեցաւ իմ եւ փոքրիկ տղուն մէջտեղ եւ սպառնազին նայեցաւ ինձի: Ես հեռացայ:

Քիչ ետք, կրկին նոյն փողոցէն անցնելու ատեն տեսայ, որ կին մը պատուէրներ կու տար շան. յետոյ շոյեց անոր դուռը, կտոր մը շարքոր նետեց բերանը եւ ձգեց գնաց:

Եւ հետոյն հարցուցի աղուն.

— Մայրդ ի՞նչ կը պատուիրէր ձեր շանը:

— Կ'րսէր՝ լա՛ւ պահեա մեր Սուրբիկը, — պատասխանեց փոքրիկ աղան եւ շարունակեց հեծանիւով խազալ փողոցին մէջ:

Շունը ու շարքոր թեամբ կը հետեւէր անոր շարժումներուն, երբեմն ալ կասկածանքով ինձի կը նայէր:

— Քիչ առաջ ձեր շունը ախտաներով բրտնած կը քաշէր թեւք, չցուցո՞ւց, — կրկին հարցուցի ես:

— Ո՛չ, շատ սուր ախտաներ ունի, բայց այնպէս կը բռնէ, որ չցուցնէ, — պատասխանեց Սուրբիկը եւ շարունակեց իր խազը:

Շունը աչալուրջ կը հետեւէր աղուն, — չբլլա՛յ որ յանկարծ փողոցին կեղրոնը երթայ եւ ինքնաշարժի տակ մ'նայ, կամ չբլլա՛յ որ մէկը շար զխաւորութեամբ մօտենայ անոր:

Հաւատարիմ շունը անդիզու պահակի դերը կը կատարէր:

ԱՌԱՄ.— Ուրիշին հասցը փոք չի կշտացներ:

ՌԱՌԵՐ ՈՒ ԲԱՅԱՏՐՈՒԹԻՒՆՆԵՐ

Պահակ.— Պահապան:

Երբեւեկի.— Երթալ դալ:

Գորշ.— Ծերմակով սեւ խառն:

Յամառիլ.— Ըսածին վրայ պնդել:

Աչալուրջ.— Աչքը բացած, ուշադիր:

ՀԱՐՑՈՒՄՆԵՐ.— Ո՞վ է շանկզու պահակը: — Ի՞նչ գիտէք հեծանիւի եւ ինքնաշարժի մասին: — Փոխադրութեան ուրիշ ի՞նչ միջոցներ կան: — Կրնա՞ք պատմել ձեր այսօրուան դասը: — Ուրիշ ի՞նչ պատմութիւններ գիտէք շուներու մասին: — Ո՞ր կեանքներ կը սիրէք ամենէն աւելի. ինչո՞ւ:

ՔԵՐԱԿԱՆՈՒԹԻՒՆ.— Բանի մը որո՛ւ պատկանիլը, որոշեալ կամ անորոշ ըլլալը ցոյց տալու համար կը գործածուին ս, դ, ն եւ շ գիրերը, որոնք յօդ կը կոչուին եւ բառերուն ծայրը կը դրուին. օրինակ՝ գիրքը, տետրակդ, մատիտը, մեղուն:

23. ՓԱՅԼՈՒՆ ԿՈՃԱԿՆԵՐՈՎ ԶԳԵՍՏԸ

1

Պատերազմի տարին սպայ մը կ'ապրէր մեր տունը: Մեկնելու ատեն իր հնամաշ մէկ զգեստը նուէր տուաւ մեզի: Կատոյտ կերպասէ կարուած, փաշլուն կոճակներով համազգեստ մըն էր:

Մայրս պզտիկուց դայն, իմ հասակիս յարմարցուց, եւ ես տէրը եղայ այդ փաշլուն, ոսկեղոյն կոճակներով զգեստին: Հայրս ալ զոյդ մը նոր կօշիկ տուաւ ինձի համար: Ես հպարտ էի ու երջանիկ:

Կիրակի առտու մը, սպայի զգեստն ու նոր

կօշիկներս հազամ, դուրս եկայ փողոց: Կ'ուզէի, որ ընկերներս ալ տեսնէին զիս իմ նոր հագուստ-կապուստիս մէջ:

Առաջին անգամ զխմացս ելաւ Թաղոսը, որ իմ սխերիմ հակառակօրդս էր:

2

Դէմ առ զէմ կանգնած էինք ես ու Թաղոսը, ան իր ազատա ցնցոտիներով, իսկ ես իմ նոր հագուստներովս: Կատուի հանդարտ ու վասնդաւոր քայլերով մօտեցաւ ինծի, նայեցաւ սուքէս մինչեւ զլուխս, ապա մատով շօշափեց սակեղոյն կոճակները:

— Ոսկի՞ են, — հարցուց չարութեամբ:

— Հա՛րկա: Ոսկի ալ չըլլան, սակեղօ՞ծ են,

— պատասխանեցի ես:

— Ի՛նչ սակի, պղի՛նձ են, — ըսաւ արհամարհոտ շեշտով:

— Ոսկեջուր են կ'ըսեմ քեզի, — պնդեցի ես:

— Ես ալ կ'ըսեմ, որ պղինձ են, — կրկնեց ան նոյն չարութեամբ:

Զգացի, որ կոխ կը փնտռէ: Ինք մեծ էր ինձմէ, կրնար ծեծել զիս: Որոշեցի կամաց մը տուն գառնալ: Բայց ժամանակ չձգեց ինծի, սուքերովը կոխկռակեց նոր կօշիկներս եւ փռչի նետեց անոնց վրայ:

Ես ծռեցայ փռչին մաքրելու համար. ճիշդ այդ պահուն յանկարծ ուժգին հարուած մը տուաւ ետեւէս: Ես զետին փռուեցայ երեսս ի

վար: Երբ կրկին սաքի ելայ, ան շատոնց հեռացած էր արդէն:

Տուն դարձայ վրաս — զլուխս փռչոտած, աչքերս արցունքով լեցուն, չրթունքս արիւնտաւած: Հանեցի փայլուն կոճակներով զգեստս ու նորէն հազայ իմ հին, կարկանուած բաձկունս:

Այն ժամանակ միայն համոզուեցայ, թէ զօրաւոր ըլլալու համար բաւական չէր փայլուն կոճակներով զգեսար:

Ուրիշ բան պէտք էր:

Ա.Ռ.Ա.Ծ. — Թշնամիդ մրջիւն ալ ըլլայ, դարձեալ զգոյշ կեցիր:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Հնամաշ. — Հինցած — մաշած:

Ոխերիմ. — Անհաշա, կատաղի:

Յնցոտի. — Հին հագուստ:

ՀԱՐՑՈՒՄՆԵՐ. — Սպան ի՞նչ նուէր տուաւ մեկնելու ատեն:

— Փոքրիկ տղան ինչո՞ւ կարքա ու երջանիկ էր: — Կիրակի առտու մը որո՞ւ կամեցայեցաւ: — Ի՞նչ բանի համար կը վիճէին երկու հակառակորդները: — Վերջը ի՞նչ եղաւ: — Ի՞նչ պիտի է զօրմոր ըլլալու համար:

ՔԵՐԱԿԱՆՈՒԹԻՒՆ. — Հետեւեալ բառերուն ծայրը դրէ՛ք յարմար յօդեր. — իմ մայրիկ, քու գրիչ, իր տետրակ, մեր դպրոց, իրենց այգի, ձեր եկեղեցի:

24. Ն Ո Ր Տ Ա Ր Ի

Խաղով ու տաղով,
 Ծափ ու ծիծաղով
 Ահա՛ եկաւ նոր տարին,
 Բերաւ երգեր,
 Անոյշ միրգեր
 Մեր երջանիկ աշխարհին:
 Կ'ապրինք ուրախ ու խնդուն
 Տօնածառին շուրջ - բոլոր,
 Տօնածառն է փայլփրլուն՝
 Իր աչքերով բխրաւոր:

Կ'երգենք ահա՛ ցնծագին,
 Մենք՝ դեռատի պարիկներ.
 Կարծես աստղերն երկրնքին
 Մեր բակին մէջ են ինկեր:
 Հագած ներմակ վերարկուն՝
 Ձրմեռ պապին մեր բարի
 Կ'ըսէ՛ ձայնովն իր հրնչուն.
 - Շքնորհաւո՛ր նոր տարի...

ՀԱՆՆԵԼՈՒԿ Ը. — Չեռֆեր չունի՝ ծափ կու տայ,
 Հովի երգին չափ կու տայ:

ԲԱՆՆԵՐ ՈՒ ԲԱՅԱՏՐՈՒԹԻՒՆՆԵՐ

- Տաղ. — երգ:
 Միրգ. — Ձոր պատու:
 Խնդուն. — Ուրախ, խնդալով:
 Շուրջ - բոլոր. — Բարբախտ, շուրջ:

- Բխրաւոր. — Անթիւ, անհամար:
 Յնծագին. — Ուրախութեամբ, ուրախ - զուարթ:
 Գեռատի. — Տարիքով փոքր:
 Պարիկ. — Բարի ոգի, փերի, յաւերժահարս:

ՀԱՐՑՈՒՄՆԵՐ. — Նոր տարին ի՞նչ կը բերէ մեզի: - Ի՞նչ է տօնածառը: - Ի՞նչ իմաստ ունի հոս «բխրաւոր աչքեր» բացատրութիւնը: - Իրա՞ւ աստղեր ինկած են բակին մէջ: - Գու՞ր ի՞նչ պէս կը տօնէ՛ք նոր տարին: - Նայն բանե՞րն են նոր տարին եւ կաղանդը:

25. Յ Ո Ւ Ր Տ Ե Ր Ը Ս Կ Ս Ա Ն

1

Երբ աշունը դար, մեծ հայրս կը հազնէր
 մուշտակէ հաստ վերարկուն եւ կ'ուզէր, որ
 վառարանին մէջ կրակը անպակաս ըլլայ:

- Մեծ հայրիկը վերարկուն հագեր է,
 ձմեռը եկեր է, - ձայն կու տային մեր տնեցի-
 ները իրարու:

- Այո՛, ցուրտերը սկսան, - կը հաստա-
 տէր մեծ հայրս վերարկուն փէշերը ծունկե-
 րուն վրայ քաշելով: - Է՛, պարապ խօսք չը-
 կարծէք, եկողը հայկական ձմեռն է:


Ու մեր խնդրանքին վրայ կը պատմէր,
 թէ ի՛նչ բան է հայկական ձմեռը:

2

«Մեր երկրին մէջ, - կը սկսէր իր պատ-
 մութիւնը մեծ հայրս, - ընդհանրապէս ամա-
 որ շատ տաք կ'ընէ, ձմեռն ալ՝ շատ ցուրտ:

Տեղեր կան, ուր ցուրտը կը հասնի գերոյէն վար մինչեւ 35 աստիճանի: Այնպէս կ'ըլլայ, որ մարդուն շունչը կը սառի: Ամէն ինչ կը ծածկուի ձիւնի տակ: Կը ախրէ բուք ու բորան: Մարդիկ տուներէն դուրս չեն կրնար ելլել:

«Հիւսիսային Հայաստանի մէջ ձիւնը այնքան առատ կ'ըլլայ, որ յաճախ ճամբորդները կը թաղուին անոր տակ: Նախզդուչութեան համար իրենց հեռ կը տանին երկար ձողեր. ձիւնակոյտերու տակ մնալու պարագային ծա-



կեր կը բանան անոնցմով, որպէսզի օդ մանէ ներս: Ասիկէ զատ՝ ձողերը ծակերէն դուրս կ'երկարեն՝ ցոյց տալու համար, որ ձիւնին տակ մարդիկ կան»:

— Պը՛ռո, — յանկարծ կը բացայայտէի ես, բնդհատելով մեծ հօրս պատմութիւնը, — այդ ցուրտին մարդ ի՞նչպէս կը գիմանայ ձիւնին տակ:

— Փա՛յտ նեակեցէք վատարանը, — կը հրամայէր մեծ հայրս հասա վերաբերուին փէշերը ծունկերուն վրայ քաշելով նորէն:

ԱՌԱՄ.— Մեծ լեռը մեծ ալ շուք ունի:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Մուշասկ.— Կարգ մը վայրի կենդանիներու մորթ:

Բուք ու բորան.— Ձիւնախտան հով:

Ձիւնակոյտ.— Ձիւնի կոյտ, իբրտու վրայ գիպուած ձիւն:

ՀԱՐՅՈՒՄՆԵՐ.— Երբ աշունը գար, ի՞նչ կ'ընէր մեծ հայրիկը: — Ի՞նչ կ'ընէին տնեցիները իրարու: — Ի՞նչ կը պատմէր մեծ հայրիկը: — Ուրիշ ո՞ր երկիրներուն մէջ ձմեռը խիստ կ'ըլլայ: — Ո՞ր երկիրները բարեխտան կլիմայ կ'ունենան:

ՔԵՐԱԿԱՆՈՒԹԻՒՆ.— Յոյց տուէ՛ք ձեր այսօրուան դասին մէջ գտնուած յօդերը: Գուք ալ գրեցէ՛ք վեց բառ ու յարմար յօդեր դրէ՛ք անոնց ծայրը:

26. Հ Ա Յ Կ Ա Կ Ա Ն Չ Մ Ե Ռ Ը

1

— Բայց դեռ չվերջացուցի, — կը շարունակէր մեծ հայրս իր պատմութիւնը:

Մենք ահանջնիս սրած մտիկ կ'ընէինք:

«Մտիկ բրէք, որ հասկնաք, թէ ի՞նչ կը նշանակէ հայկական ձմեռը:

«Դուք գիտէ՞ք, թէ ս'վ է Բսենուփոն: Չէ՞ք գիտեր: Յոյն գօրավար մըն է, որ Քրիստոսէ չորս հարիւր տարի առաջ Պարսկաստան զնաց կրտսերն կիւրսսի օդնութեան: Յետոյ, իր տասը հազար զինուորներուն հետ, Հայաստա-

նի մէջէն անցաւ իր հայրենիքը վերադառնալու համար»:

— Քսենոփոս՛ն, Քսենոփոս՛ն... փո՛ն — փո՛ն,
— կը կրկնէինք մենք կատակի համար:

Սակայն մեծ հայրս իր պատմութեան թելը չէր կորսնցնէր:

2

«Զիւնը, կը պատմէ այս յսյն զօրավարը, մինչև ձիերուն կուրծքը կը հասնէր: Զինուորները շատ չարչարանք կրեցին, շատ տանջուեցան, մինչև իսկ շատերը մեռան ցուրակէն:

«Զիւնի ընդարձակ տարածութիւնները կը մնասէին մանաւանդ տեսողութեան: Զինուորները ստիպուած էին իրենց աչքերուն առջև սև առարկայ մը բռնել, որպէս զի չկուրնան:

«Քայց ձմրան խստութիւնը միայն բարձր զիրք ունեցող տեղերու յատուկ չէ: Մեր Տիգրան Մեծ թագաւորի օրով հռոմայեցիները պաշարած էին Արտաշատը, որ հայոց մայրաքաղաքն էր: Միայն սաստկաչունչ ձմեռն էր, որ ազատեց Արտաշատը հռոմայեցիներու ձեռքը իյնալէ:

«Արարատեան նահանգի սահմաններուն մէջ, Արածանի գետին վրայ յանկարծ ձիւն եկաւ աշնան, եւ սկսան սաստիկ ցուրտն ու սառնամանիքը: Հռոմայեցի զինուորները չկրցան զիմանալ եւ մերժեցին աւելի առաջ երթալ: Հրամանատարը ստիպուեցաւ տեղի տալ. առաւ իր բանակը եւ հեռացաւ Հայաստանէն:

«Այսպէս է հայկական ձմեռը»:

Երբ մեծ հայրս վերջացուց իր պատմութիւնը, մենք աւելի եւս սկսանք դողալ:

Հայկական ձմեռը կարծես մեր դուռն էր եկեր:

ԱՌԱՄ.— Անոյշ ուտո՛ղը գիտէ լեղիին համը:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Կրտսերն կիրոս.— Պարսիկ իշխան մը, որ իր եղբոր դէմ սպասամբեցաւ, բայց յաղթուելով սպանուեցաւ Քրիստոսէ 401 տարի առաջ:

Արտաշատ.— Հայաստանի հին մայրաքաղաքներէն մէկը, որուն հիմնադիրն է մեր Արտաշէս Բ. թագաւորը:

Տիգրան Մեծ.— Կամ Մեծն Տիգրան, թագաւոր Հայաստանի (Քրիստոսէ առաջ (95 — 55), հիմնադիր՝ Տիգրանակերտ քաղաքին:

Սաստկաչունչ.— Ուժղին փշոզ (հոգ):

Սառնամանիք.— Սառոյցի պէս պազ (օգ) :

ՀԱՐՑՈՒՄՆԵՐ.— Մեծ հայրիկը ուրիշ ի՞նչ ըստ հայկական ձմրան մասին: — Ո՞վ է Քսենոփոն: — Ի՞նչ կը պատէ ան: — Գիտէ՞ք անոյ՞ գիրքին անունը: — Հռոմայեցի զինուորները ինչո՞ւ հեռացան Հայաստանէն: — Ուրեմն ի՞նչ տեսակ կլիմայ ունի Հայաստան:

ՔԵՐԱԿԱՆՈՒԹԻՒՆ.— Յօղը երկու տեսակ է, որոշիչ եւ անյուշ: Որոշիչ յօղերն են *ս*, *դ*, *ն* եւ *ը* գիրքերը. օրինակ՝ *գիրքս*, *գրիչդ*, *այգին*, *պարտէզը*:

27. Կ Ռ Ո Ի Ի Պ Ա Տ Ր Ա Ս Տ Ո Ի Թ Ի Ի Ն

— Ապրի'ս, ապրի'ս, քաջ Կոզրադին, —
Ըսաւ Մելիքն իր աթոռէն.—

Արժէ, որ ես վիզէդ կախեմ
Մեր արծիւի մեծ նըշանը,
Պարգեւ՝ քու մեծ յաղթութեանը:
Ո՞ւր են հապա, առջեւս բեր
Սասմայ ոսկին ու աղջիկներ:

Ըսաւ Մելիք, ու Կոզրադին
Գլուխ տուաւ մինչեւ գետին.

— Այրած կեանս, մե'ծ քաջաւոր,
Հագիւ փախայ ես ձիաւոր,
Ո՞ւր բերէի Սասմայ ոսկին:
Խեղդ մ'է ծըներ հայոց ազգին,
Ո՛չ ահ գիտէ, ո՛չ տէր ու մեծ,
Այսպէս գլխուս գարկաւ, ջարդեց.
«Չեմ տար, ըսաւ, հորս ոսկին,
Չեմ տար կանայքն իմ հայ ազգին,
Սասմայ երկիր ձեզ տեղ չըկայ...
Քու քաջաւորդ, ըսաւ, քող գայ,
Թէ որ քաջ է, ուժով առնէ»:

Կատրեցաւ սաստիկ քաջաւորն հրգօր.
— Կանչեցէք, ըսաւ, իմ գօրքը բալոր,
— Կանչեցէ՛ք, քող գան, հագնին գէնք, գրահ.
Ես կուռի կ'երթամ Դաւիթի վրայ,

Սասունն աւերեմ,
Հեղեղեմ, բերեմ :

ՀԱՆՆԵԼՈՒԿ Թ.— Մէկը կանգնած կը խօսի,
Երկուքն ականց կը դնեն,
Իսկ երկուքն ալ կը նային:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Պարգեւ.— Նուէր, ընծայ:

Ահ.— Վախ:

Ջրահ.— Երկաթէ կամ սուրի մետաղ չհնուած (զհնուորի հարուստ):

Հեղեղել.— Հեղեղել պէս բռն տանել:

ՀԱՐՑՈՒՄՆԵՐ.— Ի՞նչ ըսաւ քաջաւորը Կոզրադինին: — Իրա՞ւ պատմանշան պիտի տար անոր: — Կոզրադին ի՞նչպէս արդարացուց ինքզինք: — Որո՞ւ համար է ըսուած «խենդ մ'է ձեռք»: — Ինչո՞ւ կատրեցաւ քաջաւորը եւ ի՞նչ հրաման տուաւ: — Չեղի համար ո՞վ է այս պատմութեան ամենէն սիրելի դէմքը. ինչո՞ւ:

28. Պ Ջ Տ Ի Կ Մ Հ Ե Ր

1

Պղտիկ Մհեր, Դաւիթի որդին, ելաւ հե-
ծաւ հօրը ձին, հասաւ Վանայ դաշտը:

Օր մը, պտոյտի առնն, տեսաւ ազոաւ մը.
աղեղը լարեց, նշան առաւ եւ դարկաւ վերա-
ւորեց խեղճ թռչունը:

Քշեց ձին, հասաւ քարայրի մը առջեւ.

տեսաւ՝ վերաւոր
ազոաւը մտաւ քա-
րայրին բաց դուռ-
նէն ներս: Ինքն ալ
մտաւ անոր ետե-
ւէն: Հոս նայե-
ցաւ, հոն նայե-
ցաւ, բայց ազոա-
ւը չկար ու չկար:

Մհեր ուղեց ետ
դառնալ, սակայն
ձիւն սաքերը խը-
րեցան հողին մէջ.
փորձեց քալել, չը-

կրցաւ: Կրկին հեծաւ ձին եւ քշեց առաջ, բայց
ձիւն սաքերը նորէն խրեցան կախուղ հողին
մէջ:

— Առտուն, լոյսը բացուելուն, կ'ըլլեմ
դուրս, — ըսաւ ինք իրեն:

Ձին կապեց հոն. յանկարծ քարայրին եր-



կու դուռները փակուեցան, և Մհեր մնաց ներ-
սը:

Այդ քարայրը հիմա կը կոչուի Մհերի
Դուռ:

2

Դարերէ ի վեր մեր քաջ իշխանը կը մնայ
այդ քարանձաւին մէջ փակուած. դուրս չի
կրնար դալ: Աւանդութիւն մը կ'ըսէ, թէ տա-
րին անգամ մը կը բացուի դուռը, երկինքէն
մանանայ կ'իջնէ, Մհերն ու ձին կ'ուտեն եւ
ամբողջ տարին ա'լ չեն անօթեկար:

Մինչեւ ե՞րբ պիտի շարունակուի այսպէս,
ո՛չ ոք գիտէ: Գիտենք միայն, որ Դաւիթի որ-
դին օր մը կրկին լոյս աշխարհ պիտի դայ, պի-
տի առնէ թուր — կայծակին, պիտի հեծնէ իր
հրեղէն ձին եւ պիտի պատժէ թշնամիները:

ԱՌԱՅ — Լայն օրը նեղ ապրէ,
որ նեղ օրը լայն ապրիս:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Երկը — Աւաղի կամ հողի մէջ մտնել

Քարայր, Բարանձաւ — Քարի կամ ժայռի մէջ փորուածք:

Մամանայ — Մեղրի համ ունեցող ձերմակ հիթ մը, որ կը
ստացուի կարգ մը ծառերէ եւ բոյսերէ:

Հրեղէն — Կրակի պէս, կրակոտ:


ՀԱՐՑՈՒՄՆԵՐ. — Ո՞վ է Պղտիկ Միւր: — Օր մը ի՞նչ պատա-
հեցաւ: — Վերջը ի՞նչ եղաւ: — Աւանդութիւն մը ի՞նչ կ'ըսէ: —
Մեր պատմութենէն ուրիշ աւանդութիւններ գիտե՞ք:

29. Չ Ո Ւ Կ Ե՛ Ր Ը, Չ Ո Ւ Կ Ե՛ Ր Ը . . .

1

Թռչունները օդին մէջ կը թռչին, սրովհետեւ թևեր ունին, խոյ ձուկերը ջուրին մէջ կը լողան, սրովհետեւ լողակներ ունին: Պիտի ըսէք, որ մարդիկ ալ օդին մէջ կը թռչին եւ ջուրին մէջ կը լողան, թէև ո՛չ թևեր ունին, ո՛չ լողակներ: Է՛՛, շիտակ խօսքին ո՛վ ինչ կրնայ ըսել:

Չուկերը ինչո՞ւ կրնան պիտու թեամբ ձեղքել ջուրը, պատճառը շատ պարզ է. սրովհետեւ տանց մարմինն երկու




ծայրերը սուր են, կրնան արագօրէն դառնալ ջուրին մէջ եւ ետ ու ստաջ շարժիլ: Պոչը դեկի գեր կը կառարէ այս շարժումներուն մէջ:

Չուկերը ջուրէն դուրս չեն կրնար ասլիլ, կը մեռնին: Ինչո՞ւ տանն տանն ջուրին երեսը կ'ելլեն եւ օդ կը շնչեն իրենց խոթիներով:

Չուկերու բազմաթիւ տեսակներ կան: Կան մանրերը, հապի մատի մը չափ: Կան նաև խոշորները, որոնք կրնան նաև անգամ չըջել: Աշխարհի ամենէն մեծ կենդանին կէտ ձուկն է, որ կ'ապրի ավիիանտաներու մէջ:

2

Չուկերուն մէջ ամենէն վտանգաւորը եւ ամենէն վայրազը շանաձուկն է, որ չորսէն վեց մեթր երկարութիւն ունի: Ահռանքը շատ սուր են եւ զօրաւոր. կատաղութեամբ կը յարձակի մարդուն վրայ եւ կը խածնէ, մէկ հարուածով կը փրցնէ անոր թեւը կամ ոտքը եւ կտոր կտոր ընելով կ'ուտէ: Յաճախ պատահած է, որ ամբողջ մարդ մը կլլէ:



Այս զարհուրելի կենդանին, որ ծովային դազան կը կոչուի, երբեմն օրերով կը հալածէ նաւերը: Երկաթէ սուր կեռերով կ'որսան դայն: Իր կարծր մորթը եւ իւզոտ լեարդը միայն կ'օգտագործուին:

Չուկերը ընդհանրապէս իրարմով կը սնանին. մեծերը կը յարձակին փոքրերուն վրայ եւ կը կլլեն զանոնք: Փոքրերն ալ որդերով, ջրային միջատներով եւ ուրիշ զանազան ուտելիքներով կ'ապրին: Կան ձուկեր ալ, որոնք կրիայ, օձ, մուկ եւ նոյնիսկ բազ կ'որսան:

ԱՌԱՄ.— Գործ դրին՝ վախաւ, հաց դրին՝ հասաւ :

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Լողակ.— *Չուկերուն թեւը :*

Խոխկ.— *Չուկերուն շնչառութեան գործարանը, որ կը գտնուի ականջին մէջ :*

Վայրագ.— *Վայրենի, անգութ :*

Զարկուրելի.— *Սարսափելի, խիստ վախնալիք :*

Կեռ.— *Երկաթէ ճանկաւոր գործիք մը :*

Օգտագործել.— *Օգտակար կերպով գործածել :*

ՀԱՐՑՈՒՄՆԵՐ.— Թռչունները ինչն՞վ կը բռչին : — Չուկերը ինչն՞վ կը լողան : — Ինչն՞ը դիւրութեամբ կը նեղեն ջուրը : — Ի՞նչ տեսակ ձուկեր ծանօթ են ձեզի : — Ո՞րն է աշխարհի ամենէն խոշոր կենդանին : — Ի՞նչ գիտէք շանձուկի մասին : — Չուկերը ինչն՞վ կը սնանին : — Յամաբային կենդանիներուն մէջ ո՞րն է ամենէն վայրագը. ամենէն ուժովը. ամենէն մեծը :

ՔԵՐԱԿԱՆՈՒԹԻՒՆ.— Անորոշ յողմ է մը կամ մըն, որ անորոշ իմաստ ունի. օրինակ՝ մարդ մը, մարդ մըն է :

30. Ի Մ Հ Ա Յ Ր Ե Ն Ի Ք

Հին, փառաւոր իմ հայրենիք,
Նորէն կանգներ ես անահ.

Աւերներէդ բիր վարդենիք
Ծըլած — ծաղկած են հիմա :

Հազար անգամ աւեր տեսար,
Շղթայուեցար բիր անգամ.
Հազար անգամ ոտքի ելար,
Իմ հայրենիք արնաբամ :

Քու երկաթէ խօսքդ ես նետեր
Անցնող բոլոր դարերուն :
Ստրկութեան միշտ անընտել՝
Պիտի պանծաս կրկին դուն :

ՀԱՆՆԵԼՈՒԿ Ժ.— Անտառը կը մեծնայ,
Քաղաքը կ'երգէ :

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Անահ.— *Ա՛, վախ չունեցող. անվախ :*

Արնաբամ.— *Արիւնը բամուած. ճիշդ՝ արիւնաբամ :*

Ստրկութիւն.— *Գերութիւն :*

Անընտել.— *Չընտելացած, չվարժուած :*

Պանծալ.— *Փառաւորուիլ :*

ՀԱՐՑՈՒՄՆԵՐ.— Ինչն՞ը «ինն» ու «փառաւոր» կը կոչենք մեր հայրենիքը : — Որո՞նք աւերեցին կամ շղթայեցին մեր երկիրը : — Միշտ աւերուած մնաց ան : — Ի՞նչ կը նշանակէ «երկաթէ խօսք» : — Ստրկութեան վարժուած՞ ազգ մըն ենք մենք : — Կրնա՞ք պատմութենէն օրինակներ յիշել մեր ազատասիրութեան մասին :

31. Կ Ա Մ Ո Ւ Ր Զ Շ Ի Ն Ո Ղ Ն Ե Ր Ը

1

Անգամ մը կենդանիները խորհուրդի նըստան անառախ մեծ կաղնիին տակ: Ոսոք առաւ առիւծը:

— Գիտէ՞ք, աղանե՛ր, այս ժողովը ինչո՛ւ ենք գումարեր:

Գայլը ոռնաց, արջը մուլաց, բոլորն ալ ըսին, թէ պատճառը չեն գիտեր: Այն ատեն անտառներու թագաւորը այսպէս ըսաւ.

— Դուք բոլորդ գիտէք, թէ այս անտառը նեղ կու գայ մեզի: Աղուէսը կը գանդատի, որ երկու տարի է բերանը հաւու միս չէ մտած. գայլը բորոտութիւն է առեր, եւ բօխկները պատուիրեր են, որ գառնուկի արիւն լակէ: Բայց ի՞նչպէս լակէ, իշխա՛ններ, երբ անառախ մէջ ո՛չ նախիր կը մտնէ, ո՛չ ալ



ոչխար մը հիւր կու գայ: Պատճառը շատ պարզ է. սա մեր քովի անիծեալ գետը աշխարհէն կտրած է մեզ: Այսպէս որ մնայ, ամէնքս ալ կորսուած ենք: Պէտք է ասոր մէկ ճարը գտնենք:

Կենդանիները մռնչեցին, ոռնացին, ճչացին, եւ ամէնքն ալ իրաւունք տուին առիւծին:

2

Շատ խորհեցան, քիչ խորհեցան, վերջապէս որոշեցին կամուրջ մը ձգել գետին վրայէն:

— Աղուէսը թող ճարտարապետ ըլլայ, — խօսք ստաւ առիւծը, — եւ թող պատրաստէ կամուրջին յատակալիծը: Ի՞նչ կ'ըսէք, իշխա՛ններ, աղուէսին քուէ կու տա՞ք այս պաշտօնին համար:



— Հրամա՛նք է, հրամանք է, — մուլացին ժողովականները ամէն կողմէ:

— Շատ լաւ, — ըսաւ առիւծը, — հիմա աշխատանքը բաժնենք մէջերնիս.

թող ամէն մէկը պաշտօն մը առնէ եւ սկսինք շինութեան:


Կապիկը ժողովին քարտուղարը եղաւ եւ արձանապրեց որոշումները: Վազըը դործին վարիչը պիտի ըլլար, արջը անտառէն գերան պիտի կարէր, փեղը կնճիթով ջուր պիտի կրէր, էջն ալ կանախով կիր ու աւազ:



Կենդանիները կը պատրաստուէին գետին մօտ երթալ՝ որոշելու համար ձգուելիք կամուրջին տեղն ու պարագաները: Այդ միջոցին առաջ անցաւ էջը, խոնարհութիւն մը բրաւ առիւծին առջև եւ ժողովականներուն գառնալով յարեց.



— Աղա՛ներ, շատ աղէկ ըրիք, շատ լա-
որոջեցիք, — սակայն բան մը կայ, որուն խելքս
չպատկեցաւ: Ըսէ՛ք, կ'ա-
ղաչեմ, այս կամուրջը որ
պիտի շինենք, գետին եր-
կայնքի՞ն պիտի ձգենք
թէ լայնքին...:



ԱՌԱՄ.— Էջն ի՞նչ գիտէ՛
Նուշն ի՞նչ է:

ԲԱՌԵՐ ՈՒ ԲԱՑԱՏՐՈՒԹԻՒՆՆԵՐ

- Լակել.— Լակել:
- Նախիր.— Եղնբու, կովերու խումբ:
- Ճարտարպետ.— Շէնքի մը յատակադիծը պատրաստող եւ
շինութեան վրայ հսկող:
- Յատակագիծ.— Շինուելիք շէնքի մը ծրագիրը, գծադրուած
պատկերը:
- Քարտուղար.— Գրագիր:


ՀԱՐՑՈՒՄՆԵՐ.— Անգամ մը ի՞նչ ըրին կենդանիները: — Ի՞նչ
ըստ աղիւծը: — Ժողովը ի՞նչ որոշում տուաւ: — Ի՞նչ պաշտօն-
ներ բաժնուեցան կենդանիներուն միջեւ: — Էջը ի՞նչ կարցուց: —
Ի՞նչ կ'ըսէք այդ կարցումին: — Կամուրջը շինուեցա՞ւ:

ՔԵՐԱԿԱՆՈՒԹԻՒՆ.— Յայց տուէք ձեր այսօրուան
դասին մէջ գտնուած որոշիչ եւ անորոշ յօդերը:

Չարն, մեր բարեկամ շունը, փողոց կ'ել-
լէր դուարթ հաջիւն մը արձակելով: Կը խառ-
նըէր զպրոցէն տուն վերադարձող տղոց,
դունչը կը քսէր անոնց ձեռքերուն, կը մօրը-
տար, աջ ու ձախ կը դառնար, սրջը կ'երեքցը-
նէր, ետ ու առաջ կը վազէր:

Գիւղին սղաքը շատ կը սիրէին զայն: Ա-

նոր ընտանի ձայ-
նը, միշտ ուրախ
զիմաղիծը, մա-
նուանդ կատակի
հանդուրժող ընա-
ւորութիւնը բա-
ւական էին, որ
սղաքը անոր հետ
բաժնէին իրենց
հացն ու սղանիւրը:
Երբեմն վրան կը



հեծնէին ձիու պէս, սրջը կամ սկանջները կը
քաշէին, բերանը լաթ կը թիմէին:

Յանկարծ հեռուէն կը լսուէր շուներու
զգուրտուքի ձայն մը. այն սառն Չարն ա-
կանջները կը ցցէր, վար կը նետէր իր վրայ
հեծնողները եւ կը վազէր կռուի վայրը:

Կը պատահէր, որ այս իրարանցումի պա-
հուն ապու մը գլուխը գետին զարնուէր, տղան
խկոյն դանդատի կ'երթար մօրը:

- Ո՞վ գարկաւ, գաւա՛կս, - կը հարցնէր մայրը:

- Չալոն, - կը պատասխանէր տղան եւ միտքը կը դնէր այլեւս Չալոյին հետ չխօսիլ, քէն պահել:

2

- Չա՛լօ, Չա՛լօ, - կը կանչէր ճպրտտ աչքերով Սերգոն:

Չալոն, պատերուն տակէն քալելով, ուրախ - ուրախ կը մօտենար տղոց ու անոնց քով կը նստէր հին բարեկամի մը պէս: Սերգոն պայտասկէն կը հանէր քերականը եւ Չալոյի քիթին դէմ բռնելով կ'ըսէր.

- Կարդա՛, Չալօ՛, այր - բեն - գիմ:

- Այր - բեն - գիմ, - կը կրկնէին միւսները:

Չալոն, լեզուն դուրս ձգած, տղոցը երեսին կը նայէր ծոյլ աշակերտի մը նման: Սերգոն կը բարեկանար եւ՝ շրա՛խկ՝ ուժգին ապտակ մը կ'իջեցնէր խեղճ Չալոյի դունչին, ճիշդ ինչպէս վարժապետը յաճախ կ'իջեցնէր իր քիթ ու բերնին:

Ամէն ատու, երբ տղաքը խումբ - խումբ դպրոց կ'երթային, Չալոն ալ անոնց հետ կը վաղէր մինչեւ դպրոցին դուռը: Յետոյ, մուտքը կախ, կը դառնար ետ, երբ դպրոցին դուռը գոցէին իրեն դէմ:

Այսպէս էր Չալոն, ուշիմ, խելացի, ամէն բան հասկցող: Միայն խօսիլն էր պակաս:

ԱՌԱՄ. - Շուները կը գգուրտին իրարու հետ, բայց գայլին դէմ կը միանան միշտ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Գումչ. - Կենդանիներուն կգահը, քիթ ու բերանը:

Ընտանի. - Մտերիմ, մօտիկ:

Ճպրտտ. - Աչքերը պատտ. ճիպո՛ աչքի ազտեղութիւն:

Մուր. - Վարի շրթանքը, մուտքը կախ՝ դժգոհ:

ՀԱՐՑՈՒՄՆԵՐ. - Ի՞նչ կ'ընէր Չալոն: - Գիւղին տղաքը ինչո՞ւ կը սիրէին գայն: - Երբեմն ի՞նչ կը պատահէր: - Սերգոն ի՞նչ կ'ըսէր Չալոյին. չի՞նչ ու կ'ապտակէր գայն: - Ի՞նչ տեսակ շուն էր Չալոն: - Աչքի գարնոյ ի՞նչ յատկութիւններ ունին շուները:

ԲԵՐԱԿԱՆՈՒԹԻՒՆ. - Որակական ամականը բառ մըն է, որ գայականին բով կը դրուի եւ անոր ինչպէս բլլալը ցոյց կու տայ. օրինակ՝ քաղաքաւար տղայ, աշխատատէր աղջիկ: Բաղաքաւար եւ աշխատատէր բառերը որակական ամական են:

33. Ա Ն Ո Ի Ր Ը

Շուն մը, ճանճրացած, օր մ'անտառ ելաւ,
Հոս — հոն շրջեցաւ ու գայլ մը տեսաւ:
Գայլը նիհար էր, քաղցած ու նրկուն,
Անյոյս ման կու գար մինչեւ իրիկուն:

Շունը գիրուկ էր, լեցուն, քաւամագ,
Կոնակը տափուկ, քալուածքը նագ—նագ.
Երբ գայլը տեսաւ, մէկէն կանգ առաւ,
Պոչը ժողվըտեց ու մը՛ն — մը՛ն ըրաւ:

«Բարեւ քեզ, եղբայր, — ըսաւ մեր գայլը.
Ի՞նչ է վիզիներդ, այդ կարծրը բանը»:
«Անուր է, — յարեց շունն ամչնալէն.
Ասով կը կապեն զիս, երբ որ ուզեն:

Ատոր փոխարէն, — ձայնը բարձրացուց, —
Կը կերակրեն զիս»: Ու փորը ցուցուց:
«Ես պարարտ ու գէր՝ ժուռ կու գամ հոս հոն,
Դուն խեղճ ու քաղցած՝ կ'ոռնաս միշտ
անփուն»:

Գայլը, այն ատեն, կուշտ ու կուռ խնդաց.
«Ա՛յ խեղճուկ եղբայր, — ուժով մը պոռաց, —
Աւելի լաւ է պտըտիլ քաղցած,
Քան քէ ըլլալ կուշտ, բայց անուր կապած...»:

ՀԱՆՆԼՈՒԿ ԺԱ.— Տնակ մը կայ, դուռ չունի,
Վրան արծաթ, մէջն ոսկի:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Անուր.— Երկաթէ օղակ:

Քաղցած.— Անօթի:

Նկուն.— Խոնարհ, նուաստացած:

Թաւամագ.— Խիտ, առատ մաղ ունեցող:

Նագ—նագ.— Նազանքով, նազ ընելով:

Պարարտ.— Գէր:

Ժուռ գալ.— Շրջիլ, պտըտիլ, ման գալ:

ՀԱՐՑՈՒՄՆԵՐ.— Ո՞ր գնաց շունը եւ ո՞վ տեսաւ: — Կրճա՞ք
նկարագրել շունն ու գայլը: — Ի՞նչ ըսին անոնք իրարու: — Ինչո՞ւ
ամչցաւ շունը: — Իսկ ինչո՞ւ խնդաց գայլը: — Դուք ո՞ր մէկուն
իրատմեք կու տաք, գայլի՞նք քէ շունի՞նք:

34. Կ Ա Տ Ղ Ա Ծ Շ Ո Ի Ն Ը

1

— Լսեցի՞ր, Վա՛րդան, — Հարցուց Մարտոն,
— մեր գեղի շունը՝ Չալոն՝ կատուեր է:
Երէկ յանկարծ յարձակեր է հովիւին վրայ եւ
ուզեր է խածնել. հովիւը հազիւ կրցեր է ինք-
զինք ազատել: Այսօր գիւղացիները հաւաք-
ուեր են, որ սպաննեն Չալոն:

— Մեղք չէ՞ Չալոյին, ինչո՞ւ կը սպաննեն:

— Խե՞նդ ես, ի՞նչ ես, — ըսաւ Մարտոն,

— եթէ չսպաննեն, կը խածնէ գիւղացիները:

Վարդան չէր գիտեր, թէ ի՛նչ ըսել է չան

կատղիւր: Մարտոն ալ շատ բան չէր գիտեր: Սօսելով — խօսելով դացին դպրոց:

2

Ուսուցիչը ինք ալ իմացեր էր Չալոյին կատղիւր: Տղաքը ամէնքն ալ կատղած շան վրայ կը խօսէին եւ շատ կ'ափսոսային, որ խեղճ Չալոն պիտի սպաննեն:



— Այո՛, գաւա՛կներս, մեղք է Չալոյին, —
բաւ ուսուցիչը,
— բայց գիտէ՞ք,
թէ ի՛նչ գէշ բան է
չուներուն կատղի-
ւր: Չալոն հիմա
հանդիպած մարդը
խածնել կ'ուզէ եւ
անգամ մը որ խա-
ծաւ, ա՛լ այդ

մարդուն կեանքը վտանգի տակ է:

— Ի՞նչպէս, ի՞նչպէս, — հարցուցին սը-
ղաքը:

— Ըսեմ, թէ ի՛նչպէս. օրինակի համար,
եթէ Չալոն խածնէր հովիւ Սահակը, Սահակն
ալ կը կատղէր քանի մը շարաթ ետք, կը յար-
ձակէր գէմը ելլողին վրայ, կը խածնէր, կը
փարատէր: Բայց ինք այլեւս չէր աղատեր եւ
մեծ տանջանքներով կը մեռնէր:

3

Տղաքը մտիկ ըրին այս խօսքերը, յետոյ
հարցուցին.

— Դարձան չկա՞յ այս հիւանդութեան:

— Հա՛րկաւ կայ: Կատաղութիւնն ալ հի-
ւանդութիւն մըն է ուրիշ ամէն հիւանդութեան
պէս: Այդ հիւանդութեան թոյնը կը գանուի
կատղած շան շողիքին մէջ. երբ շունը խածնէ,
շողիքը կը խառնուի մարդուն արեան հետ եւ
մարդն ալ կը վարակուի: Փասթէօն անուն ֆը-
րանսացի գիտուն մը գտաւ կատաղութեան
դարձանը: Անոր դատած գեղը հեղուկ մըն է,
որ շիճուկ կը կոչուի:

— Ի՞նչ կ'ընեն այդ շիճուկը:

— Կը ներարկեն վարակուած մարդուն
մարմնին մէջ: Այս ձևով մարդը կ'աղէկնայ:
Բայց ժամանակ կորսնցնելու չէ, պէտք է որ
հիւանդը անմիջապէս բժիշկին տարուի:

— Հապա մեր գիւղին մէջ որ շիճուկ չկա՞յ
... ի՞նչ պէտք է ընենք, — հարցուց Սարգիս:

— Այն ատեն ուրիշ ճար մը խորհելու է, —
բաւ ուսուցիչը, — կա՛մ անմիջապէս տաղելու
է խածուած աեղը եւ կամ շուտով քաղաք տա-
նելու է հիւանդը:

— Այդ շիճուկը գտնուելէ առաջ ի՞նչ կ'ը-
նէին, — հարցուց Գէորդ:

— Ի՞նչ պիտի ընէին, գաւա՛կս, բան մըն ալ
չէին կրնար ընել: Հաղարաւոր մարդիկ կը
մեռնէին պարտապ աեղը: Գիտուն Փասթէօն գե-
ղը գտաւ եւ ամբողջ աշխարհի բարիք բրտաւ:
Անոր համար է, որ անիկա մէկն է մարդկու-
թեան մեծ բարերարներէն:

ԱՌԱՄ. — Հաջան շունը խածան չ'ըլլար:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Ափսոսալ.— Մեղքնալ, ցաւ զզալ:

Փարատել.— Բզիկ-բզիկ, կտոր-կտոր ընել:

Շողիւք.— Թուք, լորձուք:

Վարակուիլ.— Հիւանդութենէ բուժուիլ:

Փասրէօս.— Յրանսացի գիտուն մը, որ կարգ մը վարակիչ հիւանդութիւններ դարմանելու յատուկ դեղեր գտաւ (1822-1895):

Ներարկել.— Մարմնին մէջ մտցնել:

ՀԱՐՑՈՒՄՆԵՐ.— Ինչո՞ւ պիտի սպաննէին Չալոն: — Տղաքը ինչո՞ւ կը մեղքնային գայն: — Ի՞նչ հարցուցին ուսուցչին: — Ուսուցիչը ի՞նչ բացատրութիւն տուաւ: — Ո՞վ գտաւ կատաղութեան դարմանը: — Եթէ շինուկ չգտնուի, ի՞նչ պետք է ընել: — Ուրիշ ի՞նչ հիւանդութիւններ կը դարմանուին շինուկով:

ՔԵՐԱՎԱՆՈՒԹԻՒՆ.— Յարմար գոյականներ դրէք հետեւեալ որակական անականներուն քով եւ անոնցմով խօսքեր կազմեցէք.— քաղ, մաքուր, բարձր, փայլուն, խոշոր:

35. ԲԵՐՆԻՆ ՀԱՄԸ ԳԻՏՅՈՂ ՇՈՒՆԸ

1

Մեծ քաղաքի մը մէջ, որ մը, ճամբորդին մէկը հաց կը դնէր հացադործի մը խանութէն: Յանկարծ խոշոր շուն մը եկաւ, կեցաւ իր առջեւ եւ սկսաւ պոչը երեւցնել բան մը խնդրելու ձեւով:

Ճամբորդը կտոր մը հաց նետեց անոր:

— Այս շունը ձե՞րն է, — հարցուց ապա հացադործին:

— Ո՛չ, — պատասխանեց հացադործը, —

բայց մեր խա-

նութին առջե-

ւէն անդին

չ'երթար եւ

անցնող — դար-

ձողէն դրամ

կը մուրայ:

— Դրա՛մ կը

մուրայ, — դար-

մացաւ ճամ-

բորդը: — Շունը

ի՞նչ պիտի ընէ



դրամը:

— Օ՛, պարո՛ն, շատ լաւ գիտէ, թէ ի՞նչ պիտի ընէ. կը մտնէ հացադործի մը խանութը եւ կարկանդակ կը դնէ, — բացատրեց հացադործը:

Ճամբորդը շատ դարձացաւ և ուղեց ստու-
գել ինչ որ հացադործը ըսած էր իրեն: Սկսաւ
քայլել փողոցն ի վար, շունը հեռեւեցաւ իրեն:
Կանոց ստաւ քիչ մը անդին, շունն ալ կանոց ա-
ռաւ ևւ աչքերով կը հասկցնէր, թէ բան կ'ու-
ղէ:

2

Այն ատեն ճամբորդը պղինձէ գրամ մը
նետեց դեախն: Շունը խածաւ դրամը ևւ սկսաւ
քալել, հասաւ փուռի մը առջև, երկու թաթե-
րը դրաւ հաշուեսեղանին վրայ ևւ դրամը եր-
կընցուց հացադործին:

Հացադործը հասկցաւ ևւ փոքր կարկան-
դակ մը առաւ շան: Շունը ուրախութեամբ
ձգեց դրամը հաշուեսեղանին վրայ, առաւ
կարկանդակը ևւ պոչը երեւցնելով սկսաւ ու-
տել:

Ճամբորդը սպշած կը նայէր ևւ չէր հաւա-
սար աչքերուն:

ԱՌԱՄ.— Մինչեւ անուն ջուր կու գայ,
Գորտին աչքը դուրս կու գայ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

- Կարկանդակ.— Խմորեղէնի տեսակ մը:
- Ստուգել.— ձշղել, հաստատել:
- Հաշուեսեղան.— Հաշիւ բնելու սեղան, որուն մէջ խնուր-
պանները կը պահեն նաեւ իրենց դրամը:

ՀԱՐՑՈՒՄՆԵՐ.— Օր մը ի՞նչ տեսաւ նամբորդը: — Ի՞նչ խո-
սակցութիւն տեղի ունեցաւ իր ևւ հացադործին միջեւ: — Ճամ-

բորդը ի՞նչպէս ստուգեց հացադործին ըսածը: — Շունը ի՞նչ ըրաւ
յետոյ: — Ինչո՞ւ գարնացաւ նամբորդը: — Շուներու մասին ու-
րիշ պատմութիւններ գիտէ՞ք:

ՔԵՐԱԿԱՆՈՒԹԻՒՆ.— Որակական ամականներ դրէք
հետեւեալ գոյականներուն քով եւ անուցմով խօսքեր
կազմեցէք.— նամբորդ, հաց, խանութ, շուն, դրամ:

36. ՄԻԱՄԻՏ ԱԿՆԱՐԿՈՒԹԻՒՆ

Շինական մը, գայրագին,
իր մտրակով էշը սաստիկ կը ծեծէր:
Պալատական մ'անցաւ քովէն դիպուածով,
Գաւազանը վերցուց իսկոյն,
Յարձակեցաւ խեղճին վրայ՝ պոռալով.
«Կը սպաննեմ քեզ, վա՛տ անասուն,
Եթէ դպչիս այս էշուն,
Որ քեզ բարիք ըրաւ անվերջ,
Երբեք չարիք՝ կեանքին մէջ»:

Շինականը ցուպը ձեռքէն ձգեց վար,
Ծունկի եկաւ առջեւն էշուն.
«Մեղա՛յ, ըսաւ, ես քեզ մեղա՛յ,
Ձէի գիտեր, Ա՛ստուած վրկայ,
Թէ պալատին մէջ բարեկամ ունիս դուն...»:

ՀԱՆՆԵԼՈՒԿ ԺԲ.— Նեղ նամբայ, լայն պոռուկ:

ԲԱՌԵՐ ՈՒ ԲԱՑԱՏՐՈՒԹԻՒՆՆԵՐ

- Շինական.— Գիւղացի:
- Զայրագին.— Սաստիկ բարկացած:
- Մտրակ.— Խարազան:
- Յուպ.— Փոքր զաւազան:

ՀԱՐՑՈՒՄՆԵՐ.— Շինականը ինչո՞ւ կը ծեծէր իր էշը: — Ո՞վ անցաւ այդ պահունքն եւ ի՞նչ ըսաւ: — Այն ատեն ի՞նչ ըրաւ շինականը: — Ո՞րն է «միամիտ ակնարկութիւն»ը ըսուած խօսքերուն մէջ: — Ի՞նչ պատասխան կը կարծէք, որ տուաւ պալատականը: — Որո՞ւն իրաւունք կու տաք դուք, պալատականի՞նք թէ գիւղացիին. ինչո՞ւ:

37. Մ Ա Ս Ի՛ Ս Ը, Մ Ա Ս Ի՛ Ս Ը...

1

Մասիսը հայ ժողովուրդի սրտազան լեռն է, մեր երկրին նահապետն է: Դարերէ ի վեր կը հսկէ մեր վրայ եւ կարծես ըսել կ'ուզէ.
— Քանի ես այստեղ եմ, մի՛ վախճաք:
Անիկա կը նմանի սպիտակ բաշով առիւծի: Հսկայի մը պէս կը բարձրանայ Արարատեան դաշտին վրայ, Արագածի հետ դէմ — դիմաց:
Ճամբորդ ու անցորդ հիացումով կը դիտեն զայն, կը նային անոր զոյգ զազաթներուն,



խորունկ պատկառանքով, ու կարծես կը սպասեն, որ անխօս լեռը յանկարծ լեզու ելլէ ու սկսի խօսիլ:
Մինչեւ Արաքսի ափերը ու քիչ մըն ալ անդին, Մասիսը միշտ զոյգ է, հայր ու զաւկի պէս կողք-կողքի:

2

Հայկական աւանդութիւն մը կ'ըսէ, թէ ջրհեղեղի ատեն Նոյի տապանը կը ծփար անսահման ջուրերուն վրայ եւ ի զուր կայան մը կը փնտռէ:
Վերջապէս տապանը կ'անցնի Գրգուռ լեռան ջրվէն եւ կանգ կ'առնէ Փոքր Մասիսի առջև: Նոյ նահապետ կ'ըսէ անոր. «Սի՛ս, Սի՛ս, ա՛ն դիս»: Փոքր Մասիսը կը պատասխանէ. «Գնա՛ Մասիս, ան մեծ է քան դիս»:
Տապանը կ'ուղղուի դէպի Մեծ Մասիս եւ կը կենայ անոր զազաթին վրայ:

Այս աւանդութիւնը ցոյց կու տայ, որ մեր նախահայրերը յարգանք ունէին մեծին, բարձրին ու վսեմին հանդէպ: Անոնք կ'ուզէին, որ իրենց որդիներն ալ ըլլան իրենց պէս, սիրեն ու յարգեն ինչ որ մեծ է ու վսեմ:

Մասի՛ւր, Մասի՛ւր... սն հիմա ալ կարծես ըսել կ'ուզէ.
— Քանի ես այստեղ եմ, մի՛ վախնաք:

ԱՌԱՄ.— Դարվերը դարվար ալ ունի:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

- Նահապետ.— Ընտանիքի մը մեծը, պետը:
- Պատկառամբ.— Խոր յարգանք:
- Կողք — կողքի.— Քով — քովի:
- Տապան.— Նոյի շինած նաւը:
- Ծփալ.— Ձուրերուն վրայ շարժել:
- Կայան.— Կենտուռ տեղ:
- Գրգուռ.— Հայկական լեռ մը Մշոյ գաւառին մէջ:

ՀԱՐՑՈՒՄՆԵՐ.— Մասիար ինչո՞ւ նահապետ կը կոչուի: — Ինչո՞վ պատկառամբ կ'ազդէ ան: — Հայկական աւանդութիւն մը ի՞նչ կ'ըսէ: — Ի՞նչ է այս աւանդութեան իմաստը: — Հայաստան լեռնայի՞նք քէ դաշտային երկիր մըն է: — Ուրիշ ի՞նչ լեռներ կան մեր երկրին մէջ:

ՔԵՐԱԿԱՆՈՒԹԻՒՆ.— Բացի որակականէն, կան նաեւ քուական, ցուցական, ստացական եւ անորոշ անականներ:

38. Ի՞նչ ջ Պ Է Ս Դ Ա Ր Բ Ի Ն Ե Ղ Ա Յ

1

Ես կը սիրէի հօրս դարբնոցը, կը սիրէի մորձերը, կը սիրէի սալը, սրուն վրայ կը դընեն շիկացած երկաթը ու կը ծեծեն տաք-տաք:

Հնոցին մօտ կար ուրիշ սալ մը, միւսներէն աւելի փոքր. կը սիրէի անոր վրայ երկաթ ծեծել իմ փոքրիկ մորձովս:

— Դարբի՞ն կ'ուզես ըլլալ, — հարցուց օր մը հայրս ժպտելով:

— Այո՛, հայրիկ, կ'ուզեմ վարպետ դառնայ քեզի պէս, — վրայ բերի կս ուրախութեամբ:

— Հասակդ փքոցին չի հասնիր, տղա՛ս:

— Կը հասնի՛: Բայց պէտք է զբամ տես:

— Կու տամ, — համաձայնեցաւ հայրս, — օրը տասը փարս:

— Պիտի տաս, հա՛, չխարես:

Մեծ եզրայրս՝ Գասպարը քահ — քահ խրնդաց եւ հնոցին ետեւ տարաւ զիս, սաքերուս տակն ալ հասաւ կոճոյ մը զբաւ, որպէսզի ձեռքս հասնի փքոցին:

2

Երբ իրիկուն եղաւ, արդէն բոլորովին յոյնած կի: Վերադարձայ տուն, շուտ մը ընթրե-

ցի և անմիջապէս անկողին մտայ: Յաջորդ օրը առատն կանուխ գործիս գլուխն էի դարձեալ:



և այսպէս՝ ամբողջ շաբաթ մը: Ափերուս մէջ փոքրիկ բշտիկներ գոյացած էին, մօրթը ուսած էր ու սաստիկ կը ցաւէր:

Շաբաթ օր հայրս վեց հատ տասը փարանոց տուտը ինձի շաբաթականս էր: Ո՛րքան ուրախ էի: Կիրակի առտու, անկողնէն

ելածիս պէս, վաղեցի մանրավաճառին խանութը, գնեցի բնկոյղ, շաքար, չամիչ ու կապին, և գրգանս ալ դեռ բաւական դրամ մը նայ:

Բայց յաջորդ երկուշաբթի այլևս բնաւ փափաք չունէի գործի սկսելու:

— Թող ափերս սղէկնան, նորէն կու գամ, — ըսի հօրս:

— Չէ՛, աղաս, կոտանն ու փքոցը քու գործդ չեն, դուն գիրքերդ կարդա, — յարեց հայրս:

Այսպէս վերջացաւ իմ դարբնութիւնս:

Չեմ գիտեր ըս՞ու եղաւ թէ գէջ:

ԱՌԱՄ.— Գոց ձեռքով ցանն չի բռնուիր:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Սալ.— Դարբիններու յատուկ երկաթէ գործիք մը, որուն վրայ մետաղ կը ձեռնէ:

Շիկացած.— Կրակի պէս կարմրած:

Հնոց.— Երկաթագործի կրակարան:

Փեղց.— Կրակը արծարծելու գործիք:

Կոնդ.— Ծասի բուն:

Բշտիկ.— Փոքր ուռեցք:

Մանրավաճառ.— Մանր — մուր բաներ ծախող:

Կոան.— Երկաթ ձեռնելու յատուկ մուրճ:

ՀԱՐՑՈՒՄՆԵՐ.— Փոքրիկ տղան ի՞նչ բան կը սիրէր: — Օր մը ի՞նչ խօսակցութիւն ունեցաւ իօրը հետ: — Ի՞նչ կամաճայնութեան եկան հայր ու որդի: — Շաբաթական քանի՞ փարս ստացաւ փոքրիկ տղան: — Ի՞նչ ըրաւ այդ դրամը: — Շարունակե՞ց գործը ինչո՞ւ: — Արեւո՞տը լաւ է քէ ուսումը: — Գու՞ր ի՞նչ կ'ուզէք ըլլալ ապագային:

39. Գ Ա Ր Ն Ա Ն Ե Ր Գ

Գարնան անոյշ աղմուկով,
Գարնան երգով դու եկար:
Փայլով, փառքով ու շուքով,
Խնդութիւնով դու եկար:

Սիրտըս լի էր մութ մէգով,
Սիրտըս քոյլ էր ու տրկար.
Գարնան անոյշ աղմուկով,
Գարնան երգով դու եկար:

Արեւալառ ֆու հուրով,
Գեղեցկութեամբ դու եկար.
Փայլով, փառֆով ու շուֆով,
Խնդութիւնով դու եկար:

ՀԱՆՆԵԼՈՒԿ ԺԳ. — Ծակեմ, ծակեմ, ծակը ձգեմ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

- Շուֆ. — Այստեղ կը նշանակէ չփեղտիթիւն:
- Մէգ. — Մշուշ. մատախուղ:
- Արեւալառ. — Արեւի պէս վառուող, խիստ տաք:
- Հուր. — կրակ:

ՀԱՐՑՈՒՄՆԵՐ. — Ո՞վ է գարնան երգով, փայլով ու փառֆով եկողը: — Այս ոտամատորը գրողին սիրտը լնչո՞ւ տխուր էր: — Ան կը սպասե՞ր, որ մէկը պիտի գար: — Ինչո՞ւ անպատճառ փառֆ ու խնդութիւն կը տեսնէ եկողին մէջ:

40. Ա Յ Ո Ե Ի Ո Չ

1

Այսին փոքրիկ աշխոյժ աղջիկ մըն էր, ժրպտունն աչքերով, զուարթ ու բարեկիրթ: Երբ մայրիկը ըսէր իրեն «երեսդ լուա, զգեստներդ մաքրէ», փոքրիկ աղջիկը կը պատասխանէր իսկոյն.

— Այո՛, մայրիկ:

Անոր երեսը մաքուր էր միշտ, մազերը սանաւրուած, հագուստները կոկիկ եւ արդուկուած:

Ոչը պզտիկ դանդաղ տղայ մըն էր, յոնքերը կախ, աչքերը մուայլ, շրթունքը ուռած: Երբ մայրիկը ըսէր «երեսդ լուա, զգեստներդ մաքրէ», փոքրիկ տղան կը պատասխանէր կոպտութեամբ.

— Ո՛չ, չեմ ուզեր:

Անոր երեսը մրոտ էր, մազերը խառն ի խուռն, հագուստները փոշոտ ու թափթփած:

Երբ մայրիկը ըսէր Այո՛ին «գնա թաշկիւնակս բեր», փոքրիկ աղջիկը կը պատասխանէր զուարթ չեչաով մը.

— Այո՛, մայրիկ, հի՛մա:

Եւ կը վաղէր բերելու մայրիկին թաշկիւնակը:

Ոչը երբեք մեծերուն խօսքը մտիկ չէր ըներ: Երբ հայրիկը ըսէր «գնա ջուր մը բեր», անիկա ուսը վեր կը քաշէր եւ կը մըթմըթար.

— Ո՛չ, չեմ երթար. ո՛չ:

2

Ճաշի ժամանակ, երբ մայրիկը Այո՛ին ըսէր «անձեռոցդ կապէ, նստէ կերակուրդ կեր», փոքրիկ աղջիկը կը պատասխանէր անմիջապէս.

— Այո՛, մայրիկ: Ա՛խ, այս ի՛նչ լաւ կերակուր է:

Իսկ երբ Ոչին ըսէին «անձեռոցդ կապէ, նստէ կերակուրդ կեր», կոշտ ու կոպիտ կերպով կը պոռար ան.

— Ո՛չ, չեմ կապեր, ո՛չ: Ո՛ւֆ, այս ի՛նչ գէշ կերակուր է:

Երբ մութը կոխէր եւ մայրիկը ձայն տար Այոին «Ժամանակ է քնանալու, զնա պառկէ», բարեկիրթ աղջիկը խեղոյն ոտքի կ'ելլէր եւ կ'ըսէր.

— Այո՛, այո՛, երթամ պառկիմ: Գիշեր բարի, հա՛յրիկ, գիշեր բարի, մա՛յրիկ:

Իսկ Ոչը երբեք առանց լացի չէր երթար քնանալու, ոտքերը գետին կը զարնէր, կը պոռար — կը կանչէր.

— Ո՛չ, չեմ պառկիր. ո՛չ, չեմ քնանար:

Դժուարաւ կը հանէին հազուատները եւ կը տանէին պառկեցնելու:

Ամէնքը կը սիրէին Այոն, իսկ Ոչին երեսն անգամ չէին ուզեր տեսնել:

ԱՌԱՅ.— Մարդ կայ՝ վարդ է,

Մարդ կայ՝ յարդ է:

ԲԱՌԵՐ ՈՒ ԲԱՑԱՏՐՈՒԹԻՒՆՆԵՐ

Կոպտութեամբ.— Կոչուութեամբ, անկրթութեամբ:

Մրտ.— Մուր՝ մախի եւ ծուխի ձգած սև արտաբ. մրտ՝ աղտոտ:

Անհետոյ.— ճաշի ատեն գործածուած սրբիչ:

ՀԱՐՑՈՒՄՆԵՐ.— Ի՞նչ տեսակ աղջիկ էր Այոն: — Ի՞նչ տեսակ տղայ էր Ոչը: — Ի՞նչ առաւելութիւններ ու բերութիւններ ունէին ամոնք: — Ոչը չէ՞ր նանչնար իր բերութիւնները. ինչո՞ւ չէր սրբագրեր: — Դուք որո՞ւմ պիտի ուզէիք նմանիլ, Այոի՞ն քե՛ Ոչին:

ՔԵՐԱԿԱՆՈՒԹԻՒՆ.— Բայ կը կոչուին այն բառերը, որոնք բան մը ընել կամ ըլլալ կը ցուցնեն, օրինակ՝ պատուել, հիւանդանալ:

41. ԱՌԱՋԻՆ ԵՒ ՎԵՐՋԻՆ ԱՆԳԱՄԸ

1

Ես հապիւ չորս — հինգ տարեկան կայի այն ատեն, բայց այսօրուան պէս կը յիշեմ մեր սենեակին մէկ անկիւնը դրուած այն անագին պահարանը, որուն մէջ մայրս ու հօրեղբորս կինը կը պահէին մեզը, կարագ, մածուն, թարմ պանիր, միրգեր եւ ուրիշ զանազան ուտելիքներ:

Օր մը, մանկական հետաքրքրութենէ մղուած, բացի պահարանը եւ աղէկ մը քննեցի մէջն ու դուրսը: Աչքիս դարկաւ շաքարամանր. մասայ ներս, դուռը դոցեցի վրայէս, առի կտոր մը շաքար եւ սկսայ ուտել:

Յանկարծ բացուեցաւ պահարանին դուռը, ու ես տեսայ հօրեղբորս մօրուսաւոր դէմքը:

— Ա՛յ դու... Ի՞նչ կ'ընես հոս:

Եւ իր շար կանաչ աչքերով ծուռ — ծուռ նայեցաւ ինձի:

Ես ամուր մը դոցեցի բերանս, որպէս զի ինչ ուտել չտեսնէ: Բայց անօգուտ. ան ամէն ինչ հասկցած էր արդէն:

2

— Ուրեմն դուն այսպէս կը մտնես այստեղ եւ շաքար կ'ուտես հա՞, — պոռաց հօրեղբայրս մեծ-մեծ բանալով իր կանաչ աչքերը: Ապա, ցաւցնելու աստիճան սեղմելով ձեռ-

քրս, դուրս քաշեց զիս պահարանէն, տարաւ սենեակին մէջտեղը եւ աւելցուց.

— Բերանդ ըս'ց նայիմ:

Վախէս աւելի ուժով սեղմեցի բերանս, սակայն ան ձեռքը խոթեց ներս, մատներով դուրս հանեց շաքարը եւ յանկարծ... երեսիս վրայ զգացի ծանր հարուած մը ու ինկայ գետին:

Ամբողջ կեանքիս մէջ իմ առաջին ու վերջին գողութիւնս եղաւ ասիկա:

Բայց ես շատ դարմացած էի հօրեղբորս խելքին վրայ եւ կը մտածէի, թէ ի'նչպէս առանց տեսնելու հասկցաւ, որ կերածս շաքար էր:

ԱՌԱՄ. — Սուրին վերքը կ'անցնի,
Լեզուին վերքը չ'անցնիր:

ԲԱՌԵՐ ՈՒ ԲԱՏԱՏՐՈՒԹԻՒՆՆԵՐ

Միրգ. — Չոր պտուղ:

Մօրուստոր. — Մօրուք ունկոյղ:

ՀԱՐՑՈՒՄՆԵՐ. — Փոքրիկ տղան ի՞նչ կը յիշէր իր մանկութենէն: — Օր մը ի՞նչ պատահեցաւ: — Ո՞վ եկաւ յանկարծ: — Ի՞նչ ըրաւ հօրեղբայրը: — Իսկ ի՞նչ ըրաւ փոքրիկ տղան: — Ամենէն աւելի ի՞նչ զարմանք կը պատճառէր իրեն:

ՔԵՐԱԿԱՆՈՒԹԻՒՆ. — Բայերը իրենց ծայրը կ'ունենան *ԷԼ, ԻԼ, ալ* վերջաւորութիւնները, որոնք լըծորդութիւն կը կոչուին. օրինակ՝ *երգԷԼ, նստիԷԼ, կարդաԷԼ:*



42. Ե Ս Ի Մ Ա Շ Ե Ա Ր Հ Ի . . .

Ես իմ աշխարհի գարունը կ'ուզեմ,
Զուարթ ու վրսեմ,
Գետակը փրփուր, հաւքերը կայտառ,
Ծաղիկը պայծառ:

Այս օտար երկրի գարունն է մրոայլ,
Ծաղիկը անփայլ,
Արեւը կրրակ, գետակը տըխուր,
Թռչունները լուռ:

Մեր սիրուն ձորի գեփիւռն է քնքուշ,
Արեւը անոյշ:

Ա՛յս, իմ աշխարհի գարնանն եմ կարօտ,
Նախշուն ու ծաղկոտ:

ՀԱՆՆԵԼՈՒԿ ԺԻՒՑ ԲՈՂՈՐԲԸ ՓՈՒԶ,
ՄԷՉԻՆԸ ՆՈՒԶ:

ԲԱՌԵՐ ՈՒ ԲԱՑԱՏՐՈՒԹԻՒՆՆԵՐ

Հաւք.— Թուչուն:

Կայտառ.— Աշխոյժ, Կոստանդուն:

Ձեփիւռ.— Մեղմ հով:

Նախշուն.— Ձարդարուն, Կեղեցիկ:

Մաղկոս.— Մաղկած, ծաղիկներով լեցուն:

ՀԱՐՑՈՒՄՆԵՐ.— Ինչո՞ւ մեր երկրի գարունը կը փնտռեմք միշտ: — Օտար երկիրներու գարունը ինչո՞ւ ամփայլ կ'երեւայ մեզի: — Ամէն երկրի գարունն մո՞յնը կ'ըլլայ: — Ո՞ր ամսուն կը սկսի գարունը. ամա՞ռը. աշո՞ւնը. մե՞նը: — Եղամակներուն մէջ ո՞րն է ամենէն հաճելին:

43. Ա Ռ Ա Ջ Ի Ն Ա Ռ Ո Ի Տ Ո Ի Ր Ը

1

— Ա՛ր, մայրիկ, ե՛ս երթամ շուկայ, ե՛ս երթամ բերեմ, — կ'ըսէր փոքրիկ Սիւսակը իր մայրիկին:

Այդ օրը Սիւսակին մայրիկը լուացք կ'ընէր եւ յանկարծ օճառն էր պահսեր: Է՛, ի՞նչ ընէր, լուացքը կիսա՞տ թողուր:

— Հա՞, մայրիկ, ե՛ս երթամ շուկայ, ե՛ս երթամ, — միշտ կը պնդէր Սիւսակ:

— Է՛, լաւ, — ըսաւ մայրիկը ճարահատ, — տեսնեմ պիտի կրնա՞ս ըսածներս բերել: Ա՛ն զամբիւղը, ա՛ն սա տասը զահեկաննոցն ալ. կը գնես մէկ օխա օճառ, մէկ տուփ լեղակ եւ չորս զահեկան ալ ետ կը բերես, հասկցա՞ր: Անդամ մը կրկնէ տեսնեմ, ի՞նչ պիտի բերես:

— Մէկ օխա օճառ, մէկ տուփ լեղակ, չորս զահեկան ալ ետ, — արագ — արագ կրկնեց Սիւսակ:

— Լա՛ւ, ապրիս. չո՛ւտ, վաղէ՛, բայց չուշանաս, — պատուիրեց մայրիկը:

Սիւսակ իսկոյն զամբիւղը գլուխն անցուց եւ ուրախ — ուրախ դուրս թաւ տունէն:

— Մէկ օխա օճառ, մէկ տուփ լեղակ, չորս զահեկան ալ ետ, — կը կրկնէր ճամբան, աշխատելով որ չմոռնայ:

2

Քիչ մը անդին դէմն ելաւ Մարիամը, դըրացիկնց աղջիկը: Սիւսակ, ցոյց տալով գլուխն անցուցած զամբիւղը, ըսաւ հպարտութեամբ.

— Տե՛ս, Մարիամ, շուկայ կ'երթամ:

— Եկուր, որ ես ալ աիկնիկս ցուցնեմ քեզի, տեսնե՛ս, ի՞նչ սիրուն է, — վրայ բերաւ Մարիամ:

— Ձէ՛, չէ՛, կ'ուշանամ, — պատասխանեց Սիւսակ եւ շարունակեց վազել:

— Մէկ օխա լեղակ, չորս տուփ օճառ, չորս զահեկան ալ ետ, — արագ — արագ կը կրկնէր միտքէն:

ԱՌԱՄ — Մինչեւ որ հաստը բարակնայ,
բարակին հոգին կ'ելլէ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Զամբիւղ — կողով:

Լեղակ — Մանիշակագոյն ներկ մը, որ լուացքի համար կը
գործածուի:

ՀԱՐՑՈՒՄՆԵՐ — Սիսակին մայրիկը ինչո՞ւ շուկայ դրկեց
գիւնք: — Ի՞նչ ըսաւ անոր: — Ճամբան ո՞վ հանդիպեցաւ: — Ինչո՞ւ
կպարտ էր Սիսակ: — Մարիամէն բաժնուելէ ետք ի՞նչ կը կրկնէր
ինքն իրեն: — Ճիշդ էր ըսածը: — Ինչո՞ւ մոռցեր էր:

ՔԵՐԱԿԱՆՈՒԹԻՒՆ — Յայց տուէք ձեր այսօրուան
դասին մէջ գտնուած բայերը եւ ըսէք, քէ ո՞ր լծոր-
դութեան կը պատկանին:

44. Ի՞ՆՉ ԸՍԵՐ ԷՐ ՄԱՅՐԻԿԸ

Սիսակ հաղիւ բաժնուեր էր Մարիամէն,
յանկարծ մօտիկ փողոցէն դուրս ելաւ բարձ-
րահասակ ու նիհար ծերունի մը, թեւին տակ
մեծ հաճանոց մը սեղմած: Դպրոցին ուսուցիչն
էր, պարոն Հայրապետը:

Տեսնելով իր ուսուցիչը, Սիսակ անմիջա-
պէս դամբիւղը հաննց գլխէն, քղանցքները
շակեց եւ մեծի պէս բարեւ տուաւ:

— Ա՛, շուկա՞յ կ'երթաս, Սիսա՛կ, — հար-
ցուց պարոն Հայրապետը:

— Այո՛, պարոն, մայրիկս դրկեց, — պա-
տասխանեց Սիսակ:

Յետոյ ինքն իրեն կրկնեց նորէն.

— Մէկ օրս գահեկան, մէկ տուփ օճառ,
չորս լեղակ ալ ետ:

Ու շարունակեց քալել արագ — արագ:

Շատ զնաց թէ քիչ, յանկարծ դիմացն ե-
լաւ գիւղին նախիրը: Եղ մը, կոտոջները արն-
կած, ուղղակի իր վրայ կու գար: Սիսակ վա-
խէն սկսաւ աւելի արագ քալել. քիչ մը վաղեց,
առանց ետ նայելու, յետոյ կեցաւ ու մտածեց:

Ի՞նչ ըսեր էր մայրիկը:

— Հա՛, — մտարերեց ուրախութեամբ,
— մէկ օրս լեղակ, մէկ տուփ գահեկան, չորս
օճառ ալ ետ:

Վերջապէս հասաւ խանութ: Ներս մտաւ
ու հպարտ—հպարտ բաւ խանութպանին.

— Մէկ գահեկան լեղակ, մէկ օճառ տուփ,
չորս օրս ալ ետ:

— Ի՞նչ, ի՞նչ, — խնդալով հարցուց խա-
նութպանը:

— Մէկ գահեկան օճառ, մէկ լեղակ տուփ,
չորս օրս ալ ետ, — կրկնեց Սիսակ:

— Երեւի մէկ օրս օճառ, մէկ տուփ լե-
ղակ, չորս գահեկան ալ ետ, — սրբազրեց խա-
նութպանը:

— Այո՛, այո՛, ճիշդ այդպէս, — կարծր-
լով հաստատեց Սիսակ:

Երջանիկ եւ ուրախ՝ տուն կը վերադառնար փոքրիկ Սիսակը. զգուշութեամբ բռնած էր դամբիւղը եւ ափին մէջ ամուր սեղմած չորս դահեկանը:

Վաղելով հասաւ տուն, ներս մտաւ խոհանոցէն եւ պտուղ գրեթէ չնչասպառ.

— Մայրի՛կ, մայրի՛կ, տե՛ս, բերի ամէնը. ա՛ն քեզի մէկ լեղակ օխա, մէկ օճառ տու՛ի, չորս դահեկան ալ ետ...:

ԱՌԱՄ. — Մարդ մը իբր տան քէ՛ աղան է, քէ՛ ծառան:


ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Քղանցք. — Զգեստին ծայրի մասը, փէշ:

Մտաբերել. — Միտքը բերել, յիշել:

Շնչասպառ. — Շունչը հատած:

ՀԱՐՑՈՒՄՆԵՐ. — Մարիամէն ետք ո՞վ հանդիպեցաւ Սիսակին:
— Յետոյ ի՞նչ պատահեցաւ: — Խանութպանէն ի՞նչ ուզեց Սիսակ:
— Ինչո՞ւ ուրախ էր տուն վերադարձած ատեն: — Ճիշդ կատարե՞ց մայրիկին պատուէրը. շնորհիւ հրո՞ւ: — Ձեր մայրիկն ալ շուկայ գրկած է ձեզ:



45. Ի Մ Ն Ժ Ո Յ Գ Ս

Ունի նժոյգս փրփրաբաշ
Երկու փունջ մագ իր նակատին.
Անոր քեւեր կու տայ քամին.
Ընկերս է ան արագավագ:

Երբ սուր ու լայն իր ականջին
«Հապա՛, Սեւո՛ւկ, քրո՛ի՛ր» ըսեմ,
Կը դռիէ հողը ցնծագին,
Հուր կը ցայտէ սեւ աչքերէն:

Կը սըլանայ հովէն արագ
Ճամբուն վրայ կանաչ դաշտին,
Բոժոժներն ալ կը զարնեն ծափ.

Զրբա՛նգ — զրբա՛նգ...

Զրբա՛նգ — զրբա՛նգ...

Թէն փոքրիկ ու մանկատի,
Քաջ հեծեալ եմ՝ սրտոտ, արի.
Իմ Սեուկիս մէջքին կրպած՝
Մենք կը թռչինք հովէն արագ:

Ոտերն ուժեղ, մէջքը բարակ,
Բոժոժներն ալ հրնչուն, զուարթ,
Կը զրրնգան
Զրրա՛նգ — զրրա՛նգ...
Իմ նժոյգս է արագավազ,
Ճակո՛ւն երկու փունջ ռսկի մագ:

ՀԱՆՆԵԼՈՒԿ ԺԵ. — Ես երկար կ'ուտեմ.
Անունս գիտե՞ք:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ


- Նժոյգ. — Ազնիւ ցեղէ ձի:
- Փրփրաբաշ. — Փրփուրի պէս բաշեր ունեցող:
- Քամի. — Հով:
- Դոփել. — Ոտքով զետիւնը զարնել:
- Բոժոժ. — Փոքր զանգակ:
- Մանկատի. — տարբերով փոքր:
- Արի. — Քաջ:

ՀԱՐՑՈՒՄՆԵՐ. — Ի՞նչ յատկութիւններ ունի փոքրիկ տղուն
նժոյգը: — Ի՞նչ էր անունը: — Ի՞նչ տեսակ մէկն էր փոքրիկ տղան:
— Իրա՞ն նժոյգ էր անոր ունեցածը. հապա ի՞նչ էր: — Ի՞նչ է
տարբերութիւնը նժոյգին, ձիուն եւ երկվարին:

46. Փ Ո Ք Ր Ի Կ Ե Ա Ն Ո Ի Թ Պ Ա Ն Ը

1

Փոքրիկ Երուանդը կ'ուզէր խանութ բա-
նալ, խանութպան ըլլալ: Բերաւ մէկ երկու ա-
թոռ ու դրաւ իրարու քով;
— Ասիկա սեղանն է, — ըսաւ ուրախ — ու-
րախ:



Վրան շարեց տուփեր, զիրքեր, լրագիր-
ներ, մէկ երկու շիշ, իր փայտէ ձին, մայրի-
կին տուած խնձորը, գրպանի զմեկին, հոլը եւ
ուրիշ խաղալիկներ: Սանութը պատրաստ էր:
Վաղեց քովի սենեակը եւ հոնկէ բերաւ
պապիկին գունաւոր մեծ թաշկինակը, կապեց
առջեւը գոգնոցի պէս, երկար մատիտ մը ան-

ցուց ականջին ետեւ ու կեցաւ խանութին առջեւ:

— Այս կողմ հրամեցէք, այս կողմ հրամեցէք: Ո՞վ կ'ուզէ լաւ խնձոր, խոշոր — խոշոր: Ո՞վ կ'ուզէ գինի, անոյշ գինի: Ո՞վ կ'ուզէ բողկ, կարմիր — կարմիր: Պա՛հ, պա՛հ, պա՛հ...:

2

— Շաքար ունի՞ս, խանութպա՛ն ախպար, — հարցուց մամիկը:

— Ինչքան որ ուզէք, — պատասխանեց փոքրիկ խանութպանը:

— Լա՛ւ, հինգ մեթր շաքար տուր ինձի:

Փոքրիկ խանութպանին խնդալը եկաւ, բայց կրցաւ զսպել իր խնդուքը:

— Ներեցէ՛ք, տիկին, մենք շաքարը մեթրով չենք ծախեր, քիլոյով կը ծախենք, — ըսաւ քաղաքավար կերպով:

— Քիլոյո՞վ: Լաւ հինգ քիլո շաքար տուր, երկու քիլո ալ հաւկիթ:

— Ներեցէ՛ք, տիկին, — ժպտեցաւ խանութպանը, — մենք հաւկիթը քիլոյով չենք ծախեր, հատով կը ծախենք:

— Հատո՞վ: աղէ՛կ, քսան հատ հաւկիթ տուր, հարիւր հատ ալ գինի:

Փոքրիկ խանութպանը այս անգամ արդէն չկրցաւ խնդուքը բռնել:

— Ներեցէ՛ք, տիկին, մենք գինին հատով չենք ծախեր, շիշով կը ծախենք:

— Հա՞, իրա՛ւ որ, — վրայ բերաւ մամիկը, — տա՛ւր ինձի երկու շիշ գինի, երեք շիշ ալ բողկ:

— Բայց, տի՛կին, ո՞վ է լսեր, որ բողկը շիշով ծախեն, — զարմացած գոչեց փոքրիկ խանութպանը:

— Բողկը կը ծախեն... բողկը... բողկը... — կմկմաց խանութպանը:

Ինքն ալ չէր գիտեր, թէ ինչո՞վ պէտք է ծախէր բողկը:

ԱՌԱՄ — Ուղտին հարցուցեր են...

Ինչո՞ւ վիզդ ծուռ է:

Ըսեր է: — Ո՞ր տեղս շիտակ է:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Պապիկ — Մեծ հայրիկ:

Բողկ — Տեսակ յը բոյս, որուն արմատը կ'ուտուի:

Մամիկ — Մեծ մայրիկ:

ՀԱՐՑՈՒՄՆԵՐ — Փոքրիկ Երուսմոյր ի՞նչ կ'ուզէր ըլլալ: — Ի՞նչ ըրաւ խանութ-բանալու համար: — Ո՞վ էր իր առաջին յանախորդը: — Ի՞նչ ուզեց գնել: — Մամիկը չէ՞ր գիտեր, որ շաքար քիլոյով կը ծախեն. հապա ինչո՞ւ սխալ ըսաւ: — Դուք՝ գիտե՞ք, թէ ինչո՞վ կը ծախեն բողկը:

ՔԵՐԱԿԱՆՈՒԹԻՒՆ — Հետեւեալ բառերուն ծայրը դրե՛ք իրենց յարմար լծորդութիւնները: — ծախ, ծամ, բարակ, սեղմ, ծեծ, գործ, նման, խօսք, յարգ, մեծ, փայլ:

47. Ի Մ Ս Ա Ն Ի Կ Ս

1

Արձանիկի պէս սիրուն մանչուկ մըն է իմ սանիկս, գոուղ մաղերով եւ փայլուն աչուկներով: Բաֆֆի է անունը: Դեռ հաղիւ երեք տարեկան կայ, բայց այնքան անառակ է, որ տընեցիները շարունակ կը պոռան երեսին.

— Հերթիք տունը տակն ու վրայ ընես, երեք տարեկան եղար. ա՛լ քիչ մը խօսք հասկըցիր:

Երբեմն իր մատդաշ թեւիկներով վիզս կը փաթթուի եւ ականջս ի վար կը փըսփըսայ:



— Դուրս երթանք, շաքար առնենք, ուլիկին տանինք:

Կ'երթանք տեսներու մեր բարեկամ ուլիկը: Բաֆֆին իր թուղթէ պայուսակին մէջէն կ'ընտրէ ամենէն ազուտը շաքարները եւ ափին մէջ դրած կը հըրամցնէ ուլիկին: Բայց ուլիկը կը մերժէ ուտել:

— Կարմիր շաքար տա՞մ, — կը հարցնէ կարծելով, որ ուլիկը շաքարի գոյնին չի հաւնիր:

Բայց կարմիրին տեղ դեղին մը կու տայ, իսկ ուլիկը քիթն անդամ չի մօտեցներ շաքարին:

— Ինչո՞ւ չ'ուտեր, — կը դանդատի Բաֆֆին՝ աղէկ մը չհասկնալով այս արհամարհանքին պատճառը:

2

Կ'երթանք մեր տան պարտէզը: Մեր սեւուկ հաւը իր ձագուկներով կը պտըտի հոն, ուտելիք փնտռելով: Բաֆֆին երեսս կը նայի հարցական ձեւով եւ կ'ըսէ.

— Հաւիկին ալ շաքար տա՞մ:
— Ձէ՛, — կը պատասխանեմ ես, — շաքարը խոշոր է, հաւիկները չեն կրնար ուտել:

— Է՛, կոտրեմ, կոտրեմ, վերջը տամ:
Այդպէս ալ կ'ընէ: Հաւն ու ձագուկները անմիջապէս կը վազեն ու շուտ մը կ'ուտեն կը լմնցնեն շաքարի մանր կտորները: Փոքրիկ Բաֆֆին, փոխն ի փոխ դիտելէ ետք մայր հաւըն ու վառեակները, կը հարցնէ դարձեալ.

— Ինչո՞ւ ան մէկ հաւիկը մեծ է:
— Անիկա մաման է, — կը պատասխանեմ ես:

Եւ որովհետեւ յոգնակիի կազմութեան կանոնին անտեղեակ է դեռ, բազմութեան գազափարը արտայայտելու համար մէկիկ — մէկիկ վառեակները ցոյց կու տայ եւ կը հարցընէ.

— Ինչո՞ւ ան մէկ հաւիկը պղտիկ է, ան մէկ հաւիկն ալ, ան մէկ հաւիկն ալ:

— Անոնք ալ պէպէ՞քներն են, — կը բացատրեմ ես:

— Է՛, ինչո՞ւ գոգնոց չունին:

*Չեմ կրնար սանիկիս բոլոր հարցումսն-
բուն պատասխան գտնել: Եւ ստիպուած կը լը-
ռեմ:*

ԱՌԱՄ.— Շատ մի՛ ատեր, սիրել կայ,
Շատ մի՛ սիրեր, ատել կայ:

ԲԱՌԵՐ ՈՒ ԲԱՏԱՏՐՈՒԹԻՒՆՆԵՐ

Հերիւք.— *Բաւական, հերիք է՝ կը բաւէ:*

Մատղաշ.— *Փափուկ, կակուղ, պզտիկ:*

Արհամարհամք.— *Բանի տեղ չընել:*

Հարցական.— *Բան մը հարցնելու ձեռով:*

ՀԱՐՑՈՒՄՆԵՐ.— Ի՞նչ տեսակ մանչուկ մըն էր Բաֆֆին: —
Տնեցիները ի՞նչ կ'ըսէին իրեն: — Ուլիկը ինչո՞ւ չէր ուտեր շա-
քարը: — Ի՞նչ բան կը սիրեն ուլիկները: — Ուրիշ որո՞ւ կ'ուզէր
շաքար տալ Բաֆֆին: — Բաֆֆի անունով հայ գրագէտ մը կը
նանչնա՞ք:

ՔԵՐԱԿԱՆՈՒԹԻՒՆ.— Գտէ՛ք հետեւեալ բայերուն
արմատները.— արհամարհել, հարցնել, աշխատիլ, ու-
սանիլ, կրթել, սիրել, անուանել, աղմկել, հանդար-
տիլ:

48. Տ Ղ Ա Ն Ո Ի Թ Ռ Զ Ն Ի Կ Ը

— Սիրո՛ւն քոչնիկ, ո՞ւր կ'երթաս դուն,
Այսպէս ձրգած բոյն, տեղ ու տուն.
Կեցի՛ր իմ մօտ, երգէ՛ երգեր,
Ապրէ՛ այստեղ ամբողջ ձըմեռ:

— Ձեր աշխարհն է աշուն, անձրեւ,
Ծառ ու ցիւղեր չունին տերեւ.
Զրկան արեւ, տափուկ օրեր,
Ի՞նչպէս երգեմ գուարթ երգեր:

Սիրո՛ւն տըղայ, ուրա՛խ տըղայ,
Երբ որ նորէն գարունը գայ,
Ես չեմ մոռնար իմ տունս ու բոյն,
Կու գամ, կ'երգեմ հոս օրն ի բուն:

ՀԱՆՆԵԼՈՒԿ ԺԶ.— Մարմինը՝ միսէ,
Հագուստը՝ ասեղէ:
Ի՞նչ է:

ԲԱՌԵՐ ՈՒ ԲԱՏԱՏՐՈՒԹԻՒՆՆԵՐ

Զուարթ.— *Ուրախ:*

Օրն ի բուն.— *Ամբողջ օրը:*

ՀԱՐՑՈՒՄՆԵՐ.— Ո՞վ է քոչնիկին հետ խօսողը: — Ի՞նչ կը
խնդրէ անկէ: — Թոչնիկը ի՞նչ պատասխան կու տայ: — Ի՞նչ տե-
սակ կլիմայ ունեցող երկիրներու մէջ կ'ապրին քոչուները: —
Գու՛ք ո՞ր քոչունը կը սիրէ՛ք ամենէն աւելի:

49. Օ Դ Ը , Հ Ո Վ Ը . . .

1

— Գիտէ՞ք, տղաք, բան մը կայ, որ մեզի հետ է տան մէջ, տունէն դուրս, դաշտին վըրայ, լեռան գլուխը, ամէն տեղ, ո՛ւր որ երթանք: Ըսէ՞ք նայիմ, ի՞նչ է այս անտեսանելի ու անչօջափելի բանը, — հարցուց ուսուցիչը աշակերտներուն:

Տղաքը սկսան մտածել, բայց չկրցան պատասխան մը տալ:

— Ա՛ռ այս տետրակը, Աւետի՛ս, եւ արագ — արագ շարժէ երեսիդ ստջեւ, — ըսաւ ուսուցիչը:

Աւետիս առաւ տետրակը եւ սկսաւ շարժել արագ — արագ:

— Ի՞նչ կը զգաս երեսիդ վրայ, — կրկին հարցուց ուսուցիչը:

— Հո՛վ, — պատասխանեց Աւետիս:

— Հիմա դուն բռէ, Եղուա՛րդ, երբ ուժով փազեա փողոցին մէջ, ի՞նչ կը զգաս դէմքիդ վրայ:

— Հո՛վ, — պատասխանեց Եղուարդ:

— Լա՛ւ, ի՞նչ բան է հովը:

Տղաքը նորէն լռեցին, սրովհետեւ չէին գիտեր, թէ ի՞նչ է հովը:

2

— Հիմա մտիկ ըրէք, որ ըսեմ ձեզի, թէ ի՞նչ է հովը:

«Հովը պարզապէս օդ է, իսկ օդը թեթեւ ու թափանցիկ նիւթ մըն է, որ չի տեսնուիր: Ո՛չ համ ունի, ո՛չ ձեւ: Երկրի վրայ չկայ տեղ մը, ուր օդ դոյութիւն չունենայ:

«Մենք օդ կը շնչենք քիթով: Ձեռքերնիդ մօտեցուցէք ձեր բերնին եւ հօ՛ւրէք. ձեր ներս քաշած օդն է, որ դուրս կու տաք: Եթէ օդ չըլլայ, ո՛չ մարդ կրնայ ապրիլ երկրի վրայ, ո՛չ կենդանի, ո՛չ բոյս:

— Յետո՞յ, յետո՞յ . . . , — կը հարցնէին տղաքը հետաքրքրութեամբ:

— Պէտք է գիտնաք, որ մաքուր օդը միայն օգտակար է, — շարունակեց ուսուցիչը: — Փակ տեղերու մէջ, ուր թարմ օդ չի մտներ, տնկարելի է ապրիլ: Վնասակար է երկար աւտեն մնալ տեղ մը, որ լեցուած է մեր արտաշնչած օդով: Այսպէս է, օրինակ, դասարաններուն օդը, մեր ննջասենեակներուն օդը, շարժանկարի սրահներուն օդը: Այս պատճառով ալ պէտք է շուտ — շուտ բանալ լուսամուտները, որպէսզի թարմ ու մաքուր օդ մտնէ ներս:

«Ով որ անմաքուր ու ապականած օդի մէջ մնայ երկար աւտեն, անպատճառ կը հիւանդանայ: Մաքուր օդի մէջ ապրողները առողջ կ'ըլլան: Հացի ու ջուրի չափ անհրաժեշտ է մաքուր օդը մարդոց համար»:

Տղաքը ուրախ էին, որ նոր բաներ սորվեցան այդ օրը:

ԱՌԱՄ.— Ծատախօս մարդը ամլսելի կ'ըլլայ:

ԲԱՌԵՐ ՈՒ ԲԱՑԱՏՐՈՒԹԻՒՆՆԵՐ

Թափանցիկ.— Թափ եւ անցնիլ բառերէն կաղմուած բարդ բառ. մէկ կողմէն միւսը անցնիլ: Օրինակ՝ ազակին թափանցիկ է, մէկ կողմէն միւսը կը տեսնուի:


Փակ.— Գոց, զոցուած:

Արտաշնչած.— Դուրս տուած (օդ): Ներշնչել՝ ներս քաշել (օդը), արտաշնչել՝ դուրս տալ (օդը):

Լուսամուտ.— Լոյս մտնելու տեղ, պատուհան:

ՀԱՐՑՈՒՄՆԵՐ.— Հիմա կրնա՞ք ըսել, քէ ի՞նչ է օդը, ի՞նչ է հովը: — Չմեռ ատեն ձեր արտաշնչած օդը կը տեսնէ՞ք. ամա՞ռ ատեն: — Ո՞ւր աւելի մաքուր է օդը: — Ի՞նչ պէտք է ընել մաքուր օդ ունենալու համար:

ՔԵՐԱԿԱՆՈՒԹԻՒՆ.— Բայերը կը խոնարհուին, այսինքն անոնց վերջաւորութիւնը զանազան փոփոխութիւններու կ'ենթարկուի. օրինակ՝ կը գրէի, եքէ գըրեմ, քող գրէ, գրեցի, պիտի գրեմ, գրած եմ:



50. Մ Ա Ն Կ Ո Ւ Թ Ե Ա Ն Օ Ր Ե Ր

1

Մտարերելու ատեն իմ մանկութիւնս, ես կը լեցուիմ անբացատրելի յուզումով: Աչքիս առջեւ կը պատկերանան ծնողքս, մեր գիւղը, ջրառատ առուն, զայն եզերող ուռիները, կապտորակ երկինքը, սրուն աստղերը կը սիրէի համբել գիշեր ատեն:

Չեմ մոռցած գիւղին շուները, հինաւուրց եկեղեցին, դպրոցն ու դպրոցակից ընկերներս:

Կը յիշեմ Սուրբիկին ծուռ քիթը, Բիւզանդին չէկ մագերը եւ կապոյտ տարատը, որ շարունակ վար կ'իյնար: Կը յիշեմ Կարոյին խոշոր սեւ աչքերը եւ Վաչէին ծաղկաւեր դէմքը, որ չափահաս մարդու խրոխտ կերպարանք մը կու տար իրեն:

Այս չորսը իմ սիրած ընկերներս էին. միշտ միասին կը խաղայինք, միասին կը մտնէինք այգիները խաղող գողնալու, ծեծ կ'ուտէինք

միասին եւ կ'երգէինք կամ կու լայինք դարձեալ միասին:

2

Կիրակի եւ տօն օրերուն, դպրոցէն եկեղեցի կը տանէին մեզ աղօթելու: Ես մինչեւ հիմա ալ կը յիշեմ իմ շատ սովորական աղօթքս:

«Աստուած պապ, — կ'ըսէի աչքերս կէս մը դոցելով, — հայրիկիս ու մայրիկիս երկար կեանք տուր: Հայրիկիս դրամ տուր, որ շաքար դնէ ինծի: Այն հաստ գաւազանը, որով մայրիկըս կը ծեծէ զիս ատեն — ատեն, դրան ետեւն է. ա՛ն, օճախը նետէ ու վառէ: Կլորիկենց թուճիկը վէգս ու լուցկիի տուփս գողցաւ. անկէ ա՛ն եւ ինծի տուր. կամ, եթէ դուն չես առնէր, ինծի ուժ տուր, որ ես առնեմ. ամէն»:

3

Անգամ մըն ալ եկեղեցին կնունքի ներկայ գանուեցանք: Կարոն ու Վաչէն էին հետս, իսկ Բիւզանդին փորը կը ցաւէր շատ սեխ կերած ըլլալուն համար:

Քահանան պատիկ տղուն ձեռքերէն ու ոտքերէն բռնած ջուրը կրխեց, ապա հարցուց ձերմակ ժամաչապիկ հազած կնքահօր.

— Երախան ի՞նչ կը խնդրէ:

— Հաւատք, յոյս եւ սէր, — պատասխանեց կնքահայրը:

— Հաւատքը Աստուծոյ հաւատայն է, սէրը չամիչն ու շաքարը սիրելն է, — թարգմանեց Կարոն:

— Հապա յո՞յսը...

Մեր մանուկ ուղեղներուն միացեալ ուժերով չկրցանք բացատրութիւն մը գտնել:

Ո՞վ ունէր այնքան իմաստութիւն քահանային ամէն ըսածն ու կարդացածը հասկնալու:

ԱՌԱՄ.— Կծծի մարդուն ծառան գոզ կ'ըլլայ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Ջրաատ.— Առատ ջուր ունեցող:

Հիմաւորց.— Հին օրերէ մնացած:

Եեկ.— Դեղինի զարնոզ կարմիր:

Ծաղիլաւեր.— Ծաղիկէն աւրուած («ծաղիկ»՝ հիւանդութեան մը անունն է):

Խրոխտ.— Հպարտ, անվախ, յանդուգն:

ՀԱՐՅՈՒՄՆԵՐ.— Փոքրիկ տղան ինչո՞ւ կը յուզուէր իր մանկութիւնը մտաբերած ատեն: — Ի՞նչ եւ որո՞՞մ կը յիշէր ամենէն աւելի: — Աստուծմէ ի՞նչ կը խնդրէր: — Եկեղեցիին մէջ ի՞նչ տեղի ունեցաւ անգամ մը: — Կրնա՞ք բացատրել հաւատք, յոյս եւ սէր բառերուն իմաստը:

51. Վ Ե Ր Ց Ո Ի Ր Զ Ի Ս

Կիրակի է. խաչ հանելէն
 Ներս կը մտնեմ ժամուն դրոնէն:
 Գոց խորանին առջեւ՝ քաւշեայ
 Վարագոյր մ'է՛ քաշուած հիմա.
 Ու քահանան ծունկի եկած
 Կը պաղատի. «Բա՛ց մեզ, Տէ՛ր, բա՛ց...»:

Ճիշդ նոյն պահուն, պզտիկ մ'աղուոր
 Այսպէս կ'ըսէր իր աղօթող մօր.
 «Գրկէ՛, մա՛յրիկ, շատ պզտիկ եմ,
 Վերցո՛ւր զիս, որ ես ալ տեսնեմ...»:

Անմեղունակ այդ մանկան պէս՝
 Կը մըրմընջէ՛ ձայն մը ներսէս,
 Մըշուշներու մէջ կորսուած.
 «Շատ փոքր եմ ես, վերցո՛ւր, Ա՛ստուած,
 Վերցո՛ւր զիս, որ տեսնեմ կապոյտ
 Խորհուրդները բարձունքներուդ...»:

ՀԱՆՆԼՈՒԿ ԺԷ.— Կը քաղուի՛ ապրելու համար:

ԲԱՌԵՐ ՈՒ ԲԱՏԱՏՐՈՒԹԻՒՆՆԵՐ

Պաղատիլ.— Խնդրել, աղաչել:

Անմեղունակ.— Անմեղ, մեղք չունեցող:

Բարձունք.— Բարձրութիւն, դաղաթ:

ՀԱՐՑՈՒՄՆԵՐ.— Այս ոտանաւորին հեղինակը Ե՞րբ գնաց Ե-
 կեղեցի: — Ի՞նչ տեսաւ հոն: — Քահանան ի՞նչ կը խնդրէր: — Նոյն
 պահուն պզտիկ մը ի՞նչ ըսաւ մօրը: — Իսկ ի՞նչ կ'ուզէր տեսնել
 ինք, այս ոտանաւորին հեղինակը: — Նկարագրուած եկեղեցական
 արարողութիւնը ո՞ր օրը տեղի կ'ունենայ:

52. Ա Մ Ե Ն Ա Պ Ի Տ Ա Ն Ի Բ Ա Ն Ը

1

Շատ դարեր առաջ Արեւելքի մէջ կ'ապրէր
 արդարամիտ եւ իմաստուն թագաւոր մը: Ու-
 նէր Երեք որդի:

Օր մը, կանչեց Երեք որդիները եւ ըսաւ ա-
 նոնց.

— Սիրելի՛ գաւակներս, կը տեսնէք որ ար-
 դէն ծերացեր եմ ու չեմ կրնար կառավարել եր-
 կիրը: Կ'ուզեմ իմ թագաւորութիւնս յանձնել
 ձեզմէ՛ անոր, որ կարենայ աշխարհի ամենա-
 պիտանի բանով լեցնել այս ահագին շտեմա-
 րանը:

Եւ ցոյց տուաւ ընդարձակ շտեմարան մը,
 որ տարիներէ ի վեր պարապ կը մնար պալա-
 տին ներքնայարկը:

Երեք եզրայրները համբուրեցին իրենց
 հօր ձեռքը եւ ճամբայ ինկան առանձին-առան-
 ձին, գտնելու համար աշխարհի ամենապիտա-
 նի բանը:

Յօթն անգամ եօթանասուն օր անոնք շրթ-
ջեցան երկրէ երկիր, ապա վերադարձան հայ-
րենիք, իրենց հօրը մօտ:

— Բարով էք եկեր, իմ անդի՛ն դաւակնե-
րըս, — ուրախացաւ հայրը.— դո՞ւմ՞ ք աշխար-
հի ամենապիտանի բանը:

Առաջ անցաւ անդրանիկ որդին:

— Հացն է աշխարհի ամենապիտանի բա-
նը, հա՛յր, — ըսաւ ան, — եւ ես հացով կը լեցը-
նեմ այս ահագին շտեմարանը: Ծառ թափա-
ռեցայ, շատ աշխարհներ տեսայ, բայց հացէն
աւելի անհրաժեշտ բան չգտայ:

Ապա մօտեցաւ միջնեկ որդին:

— Հողով կը լեցնեմ այս ահագին շտեմա-
րանը, հա՛յր, — ըսաւ ան, — առանց հողի հաց
չկայ: Ծառ թափառեցայ, շատ աշխարհներ
տեսայ, բայց հողէն աւելի անհրաժեշտ բան
չգտայ:

Կարգը եկաւ կրտսեր որդիին: Հասաւ
քայլերով մօտեցաւ ան, զրպանէն հանեց փոք-
րիկ մոմ մը, փառեց եւ ըսաւ.

— Լոյսով կը լեցնեմ այս ահագին շտեմա-
րանը, իմաստո՛ւն հայր: Ծառ թափառեցայ,
շատ աշխարհներ տեսայ, բայց լոյսէն աւելի
անհրաժեշտ բան չգտայ: Առանց լոյսի ո՛չ հաց
կայ, ո՛չ կեանք: Լոյսն է ամենապիտանի բա-
նը:

— Ապրի՛ս, — դռնեց ուրախացած հայրը,
— դո՛ւն միայն արժանի ես իմ դահլիս, քանի որ
լոյսով պիտի լեցնես քու երկիրդ ու թաղաւո-
րութիւնդ:

Եւ հայրը սիրով ողջագուրեց իր որդին,
անոր ուսերուն վրայ նետեց արքայական ծի-
րանին եւ նստեցուց իր դահլին վրայ:

ԱՌԱՄ.— Ծանր կեցիր, որ լիար գաս:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Ամենապիտանի.— Ամենէն աւելի պէտք եղած, պէտք ու:

Շտեմարան.— Ամբար, ուր ընդհանրապէս ցորեն կամ ալիւր
կը պահեն:

Ներքնայարկ.— Ներքեւի, վարի յարկը:

Անդրանիկ.— Առջինեկ:

Կրտսեր.— Փոքր:

Արքայական.— Թագաւորական:

Ծիրանի.— Թագաւորական դրեան:

ՀԱՐՑՈՒԹՆԵՐ.— Թագաւորը ի՞նչ ըսաւ իր որդիներուն: —
Անդրանիկ որդին ինչո՞վ կ'ուզէր լեցնել շտեմարանը, միջնե՞կը,
կրտսե՞րը: — Ի՞նչն է եղեր ամենապիտանի բանը: — Ի՞նչ տեսակ
մէկն էր ուրեմն քագաւորը: — Արի՜ ի՞նչ պիտանի բաներ գիտէք
դուք:

ՔԵՐԱԿԱՆՈՒԹԻՒՆ.— Բայը երեք ժամանակ ու-
նի, — ներկայ, անցեալ եւ ապառնի: Ներկայ ժամանա-
կը ցայց կու տայ ներկային մէջ ըլլալի՞ք գործողութիւ-
նը: օրինակ՝ կը գրեմ, կը գրես, կը գրէ:

1

Իրիկուն մը սանիկս ու ես տուն կը վերա-
դառնայինք ծովեզերքէն, ուր գացեր էինք քիչ
մը գով օդ չնչելու: Հանրահատքի կայարանը
հասնելու համար բնորեցի պողտայ մը, որ
եզերուած էր միայակը զեզեցիկ տուներու
չարքով:

Իւրաքանչիւր տան դրան սոջեւ ինքնա-
չարժ մը կեցած էր: Սանիկս ուշի ուշով աչքէ
անցուց աչք գոյնգոյն ինքնաչարժները, յե-
տոյ վերջնապէս հասնեցաւ անոնցմէ մէկուն:
Ասանց մտամտակ կորսնցնելու, փորձեց բա-
նալ զոնակը եւ ներս մտնել, իրր թէ իրենը ե-
զած բլլար ան:

Զինք հետացնելու բոլոր խնդրանքներս
անօրուտ անցան:

Ինքնաչարժին աչրր սպայ մըն էր եւ պա-
արչգամը կեցած մեզ կը պիտէր իր տիկնոջ
հետ:

— Ա՛լ բաւական է, — սաստեցի ես եւ քիչ մը
բիրտ շարժումով ուզեցի տունը տանել իմ ան-
հանգարտ սանիկս:

2

Բայց ան սկսաւ լալ, ոտքերը դետին զար-
նել, մինչեւ իսկ ձեռքս բերնին տանելով ուժով
մը խածաւ:


— Ի՞նչ կ'ուզէ այդ փոքրիկը, — հարցուց
այն ստեն սպան:

— Պարո՛ն սպայ, — պատասխանեցի ես, —
իմ սանիկս ձեր ինքնաչարժին հաւնեցաւ:

— Յետո՞յ:

— Բնակահարար կ'ուզէ մէջը նստիլ եւ
պալտիլ:

— Ես չատ իրաւացի կը գտնեմ իր պա-
հանջը, — ըսաւ
տիկինը:



Սպան կան-
չեց ինքնաչար-
ժին վարիչը եւ
յանձնարար է ց

մինչեւ տուն տանիլ մեզ:

Սանիկս հիմա ուրախ է այլեւս: Կառքին
բազմոցին վրայ կը ցատկոտէ, ծափիկ կ'ընէ:
Իսկ ես, ցոյց տալով իր ախտաներուն հետքը
ձեռքիս վրայ, կը յարեմ:

— Նայէ՛, խա՛յտառակ, ի՞նչ ըրիւ թա-
թիկս:

Կը նայի ձեռքիս եւ աչուկները արցուն-
քով կը լեցուին: Յայտնի է, որ ներողութիւն
կը խնդրէ ըրածին համար:

Դո՛ւք ըսէք, կարելի՞ է չներել ասանկ
մանչուկի մը:

ԱՌԱՄ -- Գէշ կ'ընես՝ քեզի կ'ընես,
Ադէկ կ'ընես՝ քեզի կ'ընես:

ՐԱՌԵՐ ՈՒ ԲԱՍԱՏՐԱՌԹԻՒՆՆԵՐ

Պողոտայ. — Լախն ու մեծ փողոց:

Միայակ. — Մէկ յարկով:

Սաստիլ.— Նեղանալ, յանդիմանել:

Բիրա.— Կոշտ, կոպիտ:

Հեւտ.— Նշան:

ՀԱՐՑՈՒՄՆԵՐ.— Իրիկուն մը տուն դառնալու ատեն ի՞նչ ան-
սան սանիկն ու կնճահայրը: — Ի՞նչ ըրաւ սանիկը: — Ի՞նչ ըսին
սպան ու տիկինը: — Վերը ի՞նչ եղաւ: — Ինչո՞ւ անպատեալ ինձ-
նաչարժ մտիլ կ'ուզէր սանիկը: — Ի՞նչ տեսակ տղայ մըն էր ան:

ՔԵՐԱԿԱՆՈՒԹԻՒՆ.— Բայերուն անցեալ ժամանա-
կը ցոյց կու տայ անցեալին մէջ կատարուած գործո-
ղութիւն մը. օրինակ՝ գրեցի, գրեցիր, գրեց:

54. Մ Ա Ն Ո Ի Կ Ն Ո Ի Ա Ր Ծ Ի Ի Ը

Մանուկը, ուզած՝ աչքերն օդն ի վեր,
Խիզախ արծիւին նապէս կը խօսէր.
«Ո՞ւր կ'երթաս, ա՛րծիւ, դուն այդքան հեռու,
Կը թռչիս միշտ վեր հովէն ու ծովէն,
Լուռ ու ամայի ծայրը սարերու.
Ի՞նչ գանձ, ի՞նչ վայելիք ըզքեզ կը թովեն»: —
Եւ արծիւն ըսաւ. «Ո՛չ վայելիք, ո՛չ գանձ
Զեն ազդեր երբեք իմ սրբոյիս նախանձ:
Իմ ծընած օրէս ըսաւ ինձ Աստուած.—
Աշխարհի մարդոց չըլլաս դուն գերի:
Եւ ես աշխարհը մարդոց եմ թռչած,
Լոկ ազատութիւնն եմ պահած ինձի...»:

ՀԱՆՆԼՈՒԿ ԺԸ.— Ան ի՞նչ է, որ ջուրէն կ'անցնի,
բայց ինձ անշարժ կը մնայ:

ԲԱՆԵՐ ՈՒ ԲԱՅԱՏՐՈՒԹԻՒՆՆԵՐ

Խիզախ.— Համարձակ, անվախ:

Ամայի.— Անմարդարնակ, հոն՝ ուր մարդ չի բնակիր:

Թովիլ.— Հրապուրեւ, հմայեւ, գերեւ:

Լսկ.— Միայն:

ՀԱՐՑՈՒՄՆԵՐ.— Մանուկը ի՞նչ ըսաւ արծիւին: — Ի՞նչ էր,
որ կը զարմացնէր զինք: — Արծիւը ի՞նչ պատասխան տուաւ: —
Ի՞նչ ըսած էր Աստուած իրեն: — Միայն արծիւնե՞րը կը սիրեն
ազատութիւնը:

55. Ա Ծ Ո Ի Խ, Հ Ա Ն Ք Ա Ծ Ո Ի Խ

1

— Քեռի՛ Օհան, — հարցուց Հայկ իր մօ-
րեղբոր, որ արհեստով ածխագործ էր, — դուք
ի՞նչպէս կը շինէք ածուխը:

Քեռի Օհան խնդաց:

— Է՛հ, առ ալ չգիտնալիք բա՞ն է. հապա
դարոցին մէջ ի՞նչ կը սորվեցնեն ձեզի:

— Դարոցին մէջ մենք ածուխ պատրաս-
տելու մասին դաս չենք առնիր, — վրայ բերաւ
Հայկ:

— Քանի որ այդպէս է, այդ դասն ալ ե՛ս
տամ քեզի. լսէ որ հասկնաս, — ըսաւ քեռի Օ-
հան եւ ստելցուց.— նախ անտառէն փայտ կը
կտրենք, յետոյ գետնին մէջ խոշոր փոս մը կը

բանանք: Այս փոսին մէջ կը շարենք կտրուած փայտերը, կրակ կու տանք եւ...

— Կրա՞կ կու տաք, — ընդմիջեց Հայկ զարմանքով:

— Այո՛ եւ անմիջապէս կը ծածկենք հողով: Փայտերը կը վառին, կը վառին եւ կը դառնան ածուխ:

— Բայց ինչո՞ւ հողով կը ծածկէք վառուած փայտերը, քեռի՛:

— Եթէ չծածկենք, փայտերը վառելով վառելով մոխիր կը դառնան:

2

Հայկ շատ հետաքրքիր տղայ էր. քիչ մը մամտաց եւ հարցուց նորէն.

— Ա՛յ ուրիշ տեսակ ածուխ չկա՞յ:

— Կա՛յ, ի՛նչպէս չէ. հանքածուխը կայ. բայց հանքածուխը մարդոց ձեռքով չի շինուիր. անիկա հանք է եւ կը գտնուի հողին տակ: Բանուորները կը փորեն դեռինը, խորունկ հորեր կը բանան եւ դուրս կը հանեն հանքածուխը:

— Յետոյ ի՞նչ կ'ընեն, — հարցուց Հայկ:

— Մասնաւոր գործարաններու մէջ կը մաքրեն, կը դառնն եւ շուկայ տանելով կը ծախեն: Մեծ մեքենաները, շոգեկառքը, շոգենաւրը հանքածուխի կրակով կը բանին: Շատ անգամ վառարաններու մէջ ալ հանքածուխ կը վառեն:

— Հայաստանի մէջ հապա ինչո՞ւ հանքածուխ չկայ:

— Ի՞նչպէս չկայ, կա՛յ. միայն թէ հողին տակն է եւ հանող չկայ: Օր մը դուն կ'երթաս կը հանես, — լրացուց իր խօսքը քեռի Օհան:

Երկուքը մէկ սկսան ինդալ:

Այդ օրէն Հայկ միտքը դրաւ Հայաստան երթալ եւ հանքածուխ հանել. միայն թէ շուտ մեծնար:

ԱՌԱՇ.— Օտար վարդեր հոտ չունին,
Օտար ազգեր լոյս չունին:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Քեռի.— Մօրեղբայր:

Զանկ.— Մաքրել, ածուխը հողէն զտել:

ՀԱՐՑՈՒՄՆԵՐ.— Օր մը ի՞նչ կարցուց Հայկ իր մօրեղբոր: — Ի՞նչպէս կը պարաստեն եղեր ածուխը: — Ինչո՞ւ հողով կը ծածկեն վառած փայտը: — Համբաժուխը ի՞նչպէս կը հանեն հողի տակ: — Հայաստանի մէջ ուրիշ ի՞նչ համբեր կան:

ՔԵՐԱԿԱՆՈՒԹԻՒՆ.— Բայերուն ապառնի եղանակը ցոյց կու տայ գալիք, դեռ կատարուելիք գործողութիւնը. օրինակ՝ պիտի գրեմ, պիտի գրես, պիտի գրէ:

56. ԿԵՆԴՈՒՆԻՆԵՐՈՒ ԱՇԽԱՐՀԻՆ

1

Փոքրիկ Արուսեակը ուշիմ եւ ուսումնասէր աղջիկ մըն էր, միշտ հարցումներ կ'ընէր եւ կ'ուզէր նոր - նոր բաներ սորվիլ: Օր մը



գնաց իր ընկերուհիին՝ Չապէլի մօտ եւ հարցուց անոր.

- Գուն գիտե՞ս, Չա'պէլ, ո՞վ աւելի երկար կ'ապրի, մա՞րդը թէ կենդանին:

Չապէլ չկրցաւ պատասխան մը տալ, որովհետեւ ինքն ալ չէր գիտեր: Որոշեցին ուսուցչին գիմել:

Այն օրը գիտութեան դաս ունէին. դասը ըսկրակէ առաջ, Արուսեակ հրաման

խնդրեց ուսուցչէն, թէ կրնա՞ր բան մը հարցընել:

- Գիտութեա՞ն վերաբերեալ բան մըն է, - ուզեց հասկնալ ուսուցիչը:

- Այո՛, պարոն, - ըսաւ Արուսեակ եւ աւելցուց. - ո՞վ աւելի երկար կ'ապրի, մա՞րդը թէ կենդանին:

- Ա՛, ես ալ ճիշդ այդ մասին պիտի խօսէի այսօր: Լսեցէք ուրեմն, - վրայ բերաւ ուսուցիչը եւ պատրաստուեցաւ այդ օրուան դասը բացատրել:

Աչակերաները լուռ ու մունջ մտիկ ըրին:

2



«Չաւա'կներս, - ըսաւ կըսաւ ուսուցիչը, - գիտո՞ւ թիւնը կրցած է աւելի կամ պակաս չափով ճշդել կենդանի ներ ու կեանքի տեւողութիւնը:

« Այսօր այլեւս հաստատուած է,

որ կենդանիները աւելի երկար կ'ապրին, քան մարդիկը:

«Սակայն բոլոր կենդանիները երկարակեաց չեն: Այսպէս՝ ճագարն ու խոզը 7 տարիէն աւելի չեն ապրիր, սիլուռն ու նապաստակը

կ'ապրին 8 տարի, կատուն՝ 9-10 տարի, շու-
նը՝ 10 - 12 տարի, կզը՝ 16 - 18, ձին եւ էշը՝
25 - 30, առիւծը՝ 30 - 40, ուղար՝ 40, փիղը՝
մինչեւ 200 տարի:

«Ձուկերը եւ թռչունները աւելի երկարա-
կեաց են: Գոյութիւն ունեցած են 103 տարի
ապրող արծիւներ, 108 տարի ապրող ազոաւ-
ներ եւ 120 տարի ապրող թութակներ: Սազը
կրնայ դար մը ապրիլ, կարապը՝ 200 - 250
տարի:

«Օձաձուկերը մինչեւ 60 տարի կ'ապրին:
Գերմանիոյ մէջ բոնուած է կոնկաձուկ մը, ո-
րուն վզին վրայ անցուած պղինձէ մանեակը
ցոյց կու տար, որ 261 տարի առաջ լիճը ձրգ-
ուած էր: Կը կարծուի, թէ հիւսիսային ծովե-
րու կէտ ձուկերը մինչեւ հազար տարի կրնան
ապրիլ:

«Պէտք կա՞յ աւելցնելու, թէ մարդկային
կեանքի սահմանը 90 - 100 տարիէն աւելի չէ:
Բացառութիւն են ասկէ աւելի ապրող մարդի-
կը»:

Դասը վերջացաւ: Արուսեակ զոհ էր եւ
մեղմիկ կը ժպտէր:

Ա.Ռ.ԱՄ. — Ծեր եզն է, որ շիտակ ակօս կը բանայ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Երկարակեաց. — Երկար ապրող:

Դար. — Հարիւր տարի:

Կոնկաձուկ. — Անոյ ջրերի մէջ ապրող ձուկ մը:

Մամեակ. — Մետաղէ կամ թանկագին քարէ շղթայ, որ օդակի
ձեւով կը կապուի վզին շուրջ:

ՀԱՐՑՈՒՄՆԵՐ. — Ի՞նչ տեսակ ազգիկ էր Արուսեակ: — Ի՞նչ
հարցոց ուսուցի՞ն. — Ուսուցիչը ի՞նչ պատասխանեց: — Ո՞վ է
ուրեմն աւելի երկարակեաց, մա՞րդը թէ կենդանին: — Կը յիշէ՞՞ք
ուրիշ կենդանիներ, որոնք նոյնպէս երկարակեաց են: — Բանի՞
տարի կ'ապրի կապիկը:

ՔԵՐԱԿԱՆՈՒԹԻՒՆ. — Ցոյց տուէ՛ք ձեր այսօրուան
դասին մէջ գտնուած բայերուն ժամանակները եւ ներ-
կան անցեալի, անցեալը ապառնիի վերածեցէ՛ք:

57. Մ Ա Ն Կ Ո Ի Թ Ի Ի Ն

Ամէն անգամ երբ կը նայիմ
Լուռ խաղերուն իմ գակիին,
Թէ ի՞նչ սիրով փարած է ան
Քարին, ջուրին ու հողին.

Լո՛ւռ կը խօսիմ իմ սրտիս հետ.
— Ե՛՛յ իմաստուն մանկութիւն,
Ունայն բան է խելքը մարդուս,
Եւ գործերը՝ մեծանուն:

Գատարկ բան է քաջի համբաւ,
Գանձ ու պատիւ հանապաղ.
Դո՛ւն ես ոսկին, ո՛վ մանկութիւն,
Դո՛ւն՝ իրական լոյս — երազ...

ՀԱՆՆԵԼՈՒԿ ԺԹ. — Աչուկնե՛ր, աչուկնե՛ր,
Ոսկի, արծաթ աչուկներ,
Յերեկը քուն,
Գիշերն արթուն:

ԲԱՆԻՐ ՈՒ ԲԱՑԱՏՐՈՒԹԻՒՆՆԵՐ

Փարիլ. — Փաթթուիլ, զուրգուրալ (բանի մը վրայ):

Ունայն. — Դատարկ, պարապ:

Համապագ. — Ծարունակ, ամէն անդամ:

ՀԱՐՑՈՒՄՆԵՐ. — Այս ստամաւորին հեղինակը ի՞նչ կ'ըտեր ինք իրեն, երբ գաւկիմ խաղերը կը դիտէր: — Ի՞նչ է կարծիքը մարդոց խելքին ու գործերուն մասին: — Ամեռէն աւելի ի՞նչն էր բանկազիմ իրեն համար: — Նոյն ձեռով կը մտածե՞մ փոքրիկ տղաքը:

58. Ո Ս Կ Ի Տ Ա Պ Ա Ր Ը

1

Փայտահատ մը, ծովուն եղերքը՝ բարձր ժայռի մը վրայ կեցած, փայտ կը կտորէր: Յանկարծ կացինը ձեռքէն ինկաւ եւ ջուրերուն մէջ կորսուեցաւ:

Խեղճ մարդը սկսաւ լալ ու ողբալ, որովհետեւ եթէ կացին չունենար, ի՞նչպէս փայտ պիտի կտորէր, և եթէ փայտ չկտորէր, ուրկէ՞ զրամ պիտի գտնէր կինը եւ զաւակները կերակրելու համար:

Իր ողբ ու կոծը լսելով՝ ծովուն մէջէն

պարիկ մը դուրս ելաւ, մօտեցաւ իրեն եւ հարցուց:

— Ինչո՞ւ կու լաս, ըսէ՛ ինձի. ես կրնամ ցաւիդ դարման մը գտնել:

— Կացինս ծովը ինկաւ, — ըսաւ մարդը հեկեկալով, — եւ զրամ չունիմ, որ ուրիշ մը գնեմ:

Պարիկը ալիքներուն մէջ աներեւոյթ եղաւ պահ մը, ապա կրկին դուրս ելլելով ոսկի տապար մը տուաւ փայտահատին:

— Ասիկա իմս չէ, — ըսաւ փայտահատը, — իմս պարզ երկաթ էր:

Այն ատեն պարիկը տուաւ անոր իր երկաթէ տապարը եւ կրկին անհետ եղաւ ծովուն մէջ:

2

Գեղջուկը աւելի եռանդով աշխատեցաւ այն օրը եւ երբ իրիկունը տուն դարձաւ, ամէն ինչ պատմեց եղբօրը, որ իրեն պէս փայտահատ էր:

— Անձի՛տ, — բարկացաւ եղբայրը, — ինչո՞ւ չառիր ոսկի տապարը. ա՛լ աշխատելու պէտք չէիր ունենար:

Եւ հետեւեալ առտու կանուխ ծովեզերքը գնաց, տապարը նետեց ալիքներուն մէջ եւ սկսաւ լալ ու ողբալ:

Իր լացը լսելով՝ բարի պարիկը դուրս ելաւ ծովէն եւ հարցուց:

— Ինչո՞ւ կու լաս, ըսէ՛ ինձի. ես կրնամ ցաւիդ դարման մը գտնել:

Փայտահատը յայտնեց, թէ տապարը ձեռքէն ծովն էր ինկեր:

Պարիկը ալիքներուն մէջ աներեւոյթ եղաւ, ապա կրկին դուրս ելլելով ոսկի տապար մը տուաւ փայտահատին:

Գեղջուկը ուրախութեամբ առաւ ոսկի տապարը և հեռացաւ ծովեզերքէն: Բայց ճամբան տապարը ձեռքին մէջ հող դարձաւ:

Այսպէս պատժուեցաւ խարդախ ու ազահ փայտահատը:

Հետեւեալ օրը, իր պարկեշտ եզրայրը, կացինով փայտ կոտրած ատեն, պարկ մը ոսկի դաւաւ ծառին տակ:

ԱՌԱՄ.— Ծոյլը մուրացկանին եղբայրն է:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Տապար.— Կացին:

Փայտահատ.— Փայտ կոտրող:

Պարիկ.— Բարի ողի:

Գեղջուկ.— Գիւղացի:

ՀԱՐՑՈՒՄՆԵՐ.— Օր մը ի՞նչ պատահեցաւ փայտահատին: — Ո՞վ դուրս ելաւ ծովուն մէջէն: — Ի՞նչ խօսակցութիւն տեղի ունեցաւ փայտահատին և պարիկին միջև: — Յետոյ ի՞նչ եղաւ: — Ի՞նչ դաս կրճանք կանել այս պատմութեան:

59. Ե Ղ Ն Ի Կ Ը

1

Անտառին մէջ սիրուն եղնիկ մը կար: Օրին մէկը ան ուզեց աշխարհ տեսնել: Թողուց իր ծառաստանը ու ելաւ դնաց հեռո՛ւ, հեռո՛ւ:

Անցաւ ճահիճ ու մացառ, բացատներ ու ծառ, և ևրր անտառին եզերքը հասաւ, կարծեց թէ աշխարհը կը վերջանար այնտեղ:

Կանգ առաւ հոն, ակնարկը ուղղեց բաց դաշտերուն և չէր դիտեր, թէ ի՛նչ պէտք էր ընէր հիմա:

Յանկարծ նշմարեց, իրմէ քիչ հեռու, խոտերուն մէջ կճկոտած նապաստակ մը:

— Ըսէ՛ ինձի, քո՛յրիկ, — հարցուց եղնի-

կը նապաստակին, — այստե՞ղ կը վերջանայ աշխարհը:

Նապաստակը նախ չհասկցաւ, ապա կ ու շ տ ու կուռ խնդաց, աչքերը լայն — լայն բացաւ ու դռչեց.

— Ի՞նչպէս, աշխարհը կը վերջանայ այստե՞ղ... բայց ո՛չ, ճիշդ այստեղ է, որ կը սկսի, սիրունի՛կս:



— Ուրեմն երթամ :
— Ինչո՞ւ չէ . շատերը դացին :

2

Եղնիկը աշխարհ կ'ուզէր տեսնել :

Ու գնաց :

Բայց հաղիւ քանի մը քայլ առած էր, երբ
— սո՛ւմ . . . բան մը թնդաց ետեւէն . զնդակ մը
սուլեց եւ եղնիկը գետին փռուեցաւ արիւնթա-
թախ :

Ահա այսպէս էր, որ եղնիկը աշխարհ մը-
տաւ :

ԱՌԱՄ.— Վիշտ ունեցողը աշուղ կը կարի :

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Ծառաստան.— Փոքր անտառ :

Մացառ.— Թուփերով՝ սղտիկ ծառերով ծածկուած տեղ, թը-
փուտք :

Բացատ.— Բաց տեղ, միջոց :

ՀԱՐՑՈՒՄՆԵՐ.— Եղնիկը ի՞նչ կ'ուզէր տեսնել : — Որո՞ւ համ-
դիպեցաւ նամբան : — Ի՞նչ հարցուց անոր : — Ի՞նչ պատասխան
տուաւ նապաստակը : — Վերջը ի՞նչ եղաւ : — Ինչո՞ւ աշխարհ կ'ու-
զէր տեսնել եղնիկը :

ՔԵՐԱԿԱՆՈՒԹԻՒՆ.— Ըսէ՛ք, քէ հետեւեալ բայե-
րը ի՞նչ ժամանակ ցոյց կու տան.— հարցուց, ողբաց,
պիտի խօսի, կը տեսնէ, ուզեցի, նամբորդեց, կը փըն-
տըռե՛ք, պիտի գտնեմ, քննեցի, պատրաստեցի, կ'եր-
թամ, պիտի վերադառնայ :

60. Մ Ա Յ Ր Ը Ե Ի Ի Ր Զ Ա Ի Ա Կ Ն Ե Ր Ը

Մեր քաղին մէջ, խեղն, անտէր
Մայր մը կար շատ երջանիկ .
Ունէր երկու գաւակներ,
Մէկը մեծ, միւսն էր փոքրիկ :

Ասոնք մէկտեղ կ'ապրէին,
Փայփայելով գիրար միշտ .
Կապուած՝ սիրով կաքոզին,
Զէին նանչնար երբեք վիշտ :

Օր մը, մեծը մօրն ըսաւ .
«Գիտեմ, զիս շատ կը սիրես,
Բայց չես կրնար դուն բնաւ
Սիրել, որքան ես՝ ըգգեգ» :

Մայրը հարցուց իր տրդուն .
«Ինչո՞ւ կ'ըսես ատանկ բան» :
«Երկու գաւակ ունիս դուն,
Գոչեց, ես՝ մայր մը միայն . . .» :

ՀԱՆՆԼՈՒԿ Ի.— Ազի ունի,
Հոգի չունի :

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Փայփայել.— Գլուխ, գորգուբաւ :

Կաքոզին.— Գորգուբաւ, կարասալից :

ՀԱՐՑՈՒՄՆԵՐ.— Ինչո՞ւ երջանիկ էր մայրը! — Ի՞նչպէս կ'ապ-
րէին մայրն ու երկու գաւակները: — Օր մը ի՞նչ ըսաւ մեծ գա-
ւակը իր մօր: — ձի՞շոյ էր ըսածը. ինչո՞ւ:

61. Ո Ի Ս Ո Ի Մ Ն Ա Ր Ա Ն

1

Եօթը տարեկան էի, երբ մայրս զիս տա-
րաւ ուսումնարան:

Ես միջակ կարողութիւններու աէր տղայ
մըն էի. ո՛չ շատ անշնորհ էի, ո՛չ ալ շատ ջը-
նորհալի: Աշխատասէր չէի, բայց շատ ծոյլ ալ
չէի:

Սակայն շատ միամիտ էի. պատմեմ ձեզի
զուարճալի բան մը իմ միամտութեանս մա-
սին:

Օր մը, ուսուցիչս, որուն Սարգիս վար-
ժապետ անունը կու տային, բարկացաւ ինձի,
որովհետեւ դասս լաւ չէի պատրաստած: Նախ
ականջս քաշեց, յետոյ բացաւ դասագիրքս եւ,
ցոյց տալով դասս, ըսաւ.

— Վազը այտեղէն մինչեւ այտեղ ջուր
կ'ընես:

— Շատ լաւ, վարպե՛տ, ջուր կ'ընեմ,—
պատասխանեցի:

2

Մեր փողոցէն ոչ հեռու աղբիւր մը կար-
յաջորդ օրը դամազիւրքս անբիւրբի ծորակին

տակ այնքան ստեն, մինչեւ որ բոլորովին
խիտում դարձաւ:

Ապա բերի ուսումնարան եւ հպարտ — հը-
պարտ ցոյց տուի վարժապետիս:

Սարգիս վարժապետ բարի մարդ էր. նախ
կուշտ ու կուռ խնդաց: Սկսան խնդալ նաեւ ա-
շակերտները: Ես սպուշ — սպուշ ասոր անոր
երեսը կը նայէի:

Յանկարծ վարժապետս հրամայեց բանալ
մէկ, ապա միւս ձեռքիս ափը եւ սկսաւ քանա-
կով զարնել:

Լաւ էր, որ քանակին տափակ կողմով կը
զարնէր եւ ոչ թէ սուր կողմով: Ձեռքերս սաս-
տիկ ցաւեցան: Ես սկսայ լալ:

— Անպիտա՛ն, — ըսաւ վարժապետը, — ե-
րէկ պատուիրեցի քեզի, որ դասդ ջուր ընես,
այսինքն ջուրի պէս դոց ընես, իսկ դուն տա-
րեր ես, պիրքդ թրջեր ու բերեր: Ասկէ ետք
ըսածս լաւ հասկցիր:

Եւ դրպանէն դուրս հանելով խոշոր գոյ-
նըզոյն թաշկինակ մը, սրբեց աչքերուս ջու-
րը, այսինքն արցունքը:

Երկար ստեն աշակերտները կը յիշէին իմ
միամտութիւնս եւ կը ծաղրէին զիս:

ԱՌԱՄ.— Իմաստունին հետ քար կրէ,
Յիմարին հետ փիլաւ մի՛ ուտեր:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Ուսումնարան.— Ուսում ստանալու տեղ, զպրոց:
Խիտում դառնալ.— Թրջիլ, ջուրին տակ մնալ:

ՀԱՐՑՈՒՄՆԵՐ.— Ի՞նչ տեսակ մէկն էր փոքրիկ տղամ: — Օր մը ի՞նչ ըսաւ ուսուցիչը իրեն: — Ճիշդ կասկցած էր ուսուցչին պատուէրը: — Դասագիրքը ի՞նչ ըրաւ: — Յետոյ ի՞նչ պատահեցաւ: — Աշակերտները ինչո՞ւ կը խնային փոքրիկ տղուն վրայ:

ՔԵՐԱԿԱՆՈՒԹԻՒՆ.— Ծաղկապ կը կոչուին այն բառերը, որոնք մէկէ աւելի բառեր կամ խօսքեր իրարու կը միացնեն. օրինակ՝ ես եւ քոյրս դպրոց գացինք, իսկ եղբայրս տունը մնաց: Եւ, իսկ բառերը շաղկապ են: Գլխաւոր շաղկապներն են եւ, ու, անգամ, կամ, իսկ, թէ, եթէ, որովհետեւ, վասնզի, զի, քանի որ, երբ, սակայն, զոնք, ուրեմն, մինչդեռ եւն.:

62. Ք Ա Ր Ա Յ Ծ Ե Ր Ո Ի Կ Ռ Ի Ի Ը


1

Անգամ մը, ես ու ընկերս կը սպասէինք լոյսի բացուելուն, որպէս զի դիտենք քարայծերուն կռիւը:

Հետզհետէ նօսրացող աստղերը ցոյց կու տային, որ լուսարացը մօտ է: Մենք պառկեցանք կանաչ խոտերուն մէջ եւ սկսանք դիտել շրջակայքը: Յանկարծ լեզան կողմը շրխկոց մը լսուեցաւ:

— Այս ի՞նչ է, — շշնջաց ընկերս:

Քանի մը վայրկեան ետք նոր շրխկոցներ լսեցինք. երեւացին այծերը: Անոնցմէ մէկը,



ամենէն մեծը, գլուխը բարձր, հաստատուն քայլերով յառաջացաւ եւ կեցաւ մօտիկ ժայռի կատարին:

Յանկարծ թեթեւ աղմուկ մը լսուեցաւ եւ նայն ծանօթ շրխկոցը: Երկու այծեր կը կռուէին, իսկ ժայռի կատարին կանգնած այծ մը, իրրեւ պահակ, կը հսկէր շրջապատին վրայ:

2

Կռուող այծերը կատաղօրէն իրարու վրայ կը յարձակէին: Հասկցանք, որ մեր ախանջին հասած շրխկոցները անոնց եղջիւրներուն բախումէն առաջ եկած ձայներն էին: Կը լսուէր նաեւ կռուողներուն ծանր շնչառութիւնը:

Կռուող այծերէն մէկը ետ — ետ կը վազէր, սպա արագօրէն կու դար կը դարնուէր միւսին, որ, գլուխը բարձրացուցած, կ'ընդունէր հարուածը:

Ես մոռցեր էի, որ եկած ենք որսի: Ընկերս ուղեց կրակել. բայց այդ պահուն

մեր մօտի ծառին ճիւղերը թեթեւ մը շարժեցան, հսկող այծը անմիջապէս զգաց վտանգը եւ փախչելու նշան ըրաւ կռուողներուն:

Ակնթարթի մը մէջ բոլորը միասին անհետացան մեր աչքին առջեւէն:

Ո՞ւր գացին, ի՞նչ եղան, չկրցանք հասկընալ:

ԱՌԱՄ.— Ոսկին ցեխին մէջ ալ նետես,
իր փայլը չի կորսնցներ:

ԲԱՌԵՐ ՈՒ ԲԱՅԱՏՐՈՒԹՅՈՒՆՆԵՐ

Քարայծ.— Այծի տեսակ մը՝ խոշոր ու սուր եղջիւրներով:

Նօսրացող.— Յանցառ դարձող, ժիշտող:

Լուսարաց.— Լոյսին բացուիլը, արևուն ծագիլը:

Շրջակայք.— Շուրջը, բոլորակրթ:

Շրխիոց.— Այծերու եղջիւրներուն բախումէն առաջ եկած ձայն:

Ակնքարք.— Աչքը բռնալ-դոցել:

ՀԱՐՑՈՒՄՆԵՐ.— Ի՞նչ է տարբերութիւնը այժմ եւ քարայծիմ: — Օր մը ի՞նչ տեսան երկու ընկելները: — Ինչո՞վ եւ ի՞նչպէս կը կռուին քարայծերը: — Ուրիշ կենդանիներու կոխ տեսած է՞ք կրնա՞ք նկարագրել:

ՔԵՐԱԿԱՆՈՒԹՅՈՒՆ.— Յոյց տուէ՛ք ձեր այսօրուան դասին մէջ գտնուած շաղկապները:

63. ԿԱՐԱՊԸ, ԶՈՒԿԸ ԵՒ ԽԵԶԱՓԱՌԸ

Օր մը կարապը, ձուկն ու խեչափառ, Զեմ գիտեր ուրկէ՞ ալ գըտան գիրար, Բեռնարարձ սայլ մը տանիլ կ'ուզէին. Երեքը մէկտեղ լծուեցան կառքին Ու գայն շարժելու համար ճիգ ըրին, Քրտինձ քափեցին:

Սակայն չէր շարժեր սայլը իր տեղէն, Թէպէտ քեքեւ էր բեռն անոր ամէն: Պատահա՞ն, զի կարապը վեր

Կը քաշէր,
խեչափառն ըսես կ'երթար ետ ու ետ,
Իսկ ձուկը փոքրիկ կը դիմէր դէպ գետ:
Թէ ո՞վ էր արդար կամ մեղաւոր, ո՞վ,
Այդ մեմք չդատեմք ի գուր վիճելով:

Բանն այն է, որ
Մինչեւ այսօր,
Թէ՛ սայլ, քէ բեռ,
Նոյն տեղն են դեռ:

ՀԱՆՆԵԼՈՒԿ ԻԱ.— Բացի իրմէ՛ իր անունը
ոչ ոք կրնայ տալ:

ԲԱՌԵՐ ՈՒ ԲԱՅԱՏՐՈՒԹՅՈՒՆՆԵՐ

Խեչափառ.— Մովային կենդանի մը՝ ոչորի պատեհանով:

Բեռնարարձ.— Բեռ բեռցած, բեռ տանող:

ՀԱՐՑՈՒՄՆԵՐ.— Օր մը կարապը, ձուկն ու խեչափառը ի՞նչ ըրին: — Ինչո՞ւ չէր շարժեր սայլը: — Ո՞վ էր մեղաւորը: — Ի՞նչ պէտք էր ընել սայլը առաջ տանելու համար:



64. Վ Ա Գ Ր Ը Ե Ի Ա Ղ Ո Ի Է Ս Ը

1

Անգամ մը, անտառի մը մէջ, դէմ առ դէմ
եկան աղուէս մը եւ անօթի վազը մը: Վազըը
մոնչեց, իսկ աղուէսը սարսափէն դողալ սկը-
տաւ: Մտածեց. «Վերջս եկած է, եթէ չկարե-
նամ խարել այս դազանը»:

Աղուէսը այնպէս ցոյց տուաւ, որ կը դո-
ղայ ո՛չ թէ վախէն, այլ ծիծաղէն: Եւ իրապէս
սկսաւ ծիծաղիլ. — Հա՛... Հա՛... Հա՛...

Չարմացած վազըը, աղուէսին դառնա-
լով, հարցուց.

— Որո՞ւ վրայ կը ծիծաղիս:

— Քո՞ւ վրադ, ա՛յ ողորմելի, — պատաս-
խանեց աղուէսը՝ շարունակելով իր ծիծաղը:

— Ի՞նչ... Ի՞մ վրաս, — մոնչեց վազըը:

— Այո՛, — ըսաւ աղուէսը. — դուն, ա՛յ
թշուառ, կը կարծես, թէ չիմա պիտի ուտես
դիս, իսկ ես խնդուքս դասել չեմ կրնար. Հա՛...
Հա՛... Հա՛...: Հիմա այլեւս քեզմէ ոչ ոք կը
վախնայ, բայց ինձմէ ամէնքը կը վախնան,
մինչեւ անգամ մարդը:

«Իսկ եթէ յանկարծ ճի՛շդ ըլլայ բառք, —
մտածեց վազըը, — այն սառն աղուէսին դրոյ-
չելը վառնդաւոր է»:

— Կը տեսնեմ, որ չես հաւատար, — վրայ
բերաւ աղուէսը, — ետեւէս եկուր ուրեմն. եթէ
մարդիկ ինձմէ չվախնան ու չվախչին, այդ
պարագային կրնաս ուտել դիս պոչիս հեռ միտ-
սին:

Վազըը համաձայնեցաւ:

2

Աղուէսն ու վազըը քով քովի յառաջացան,
մինչեւ որ հասան մեծ ճամբուն մօտ, ուրիկ
քաղաք գացած գիւղացիները տուն կը վերա-
դառնային:

— Ես մի՛ մնար, — կանչեց աղուէսը եւ
վազեց տուջ:

Վազըը մեծ սասիւններով հետեւեցաւ աղ-
ուէսին:

Մարդիկ տեսան, որ ահարկու վազըը կը
սլանայ իրենց կողմը. սարսափահար՝ ամէն
ինչ ձգեցին ու վախան: Աղուէսը դուրս եկաւ
բարձր խտերուն մէջէն եւ ձայն տուաւ վազ-
րին.

— է՛, հիմա ի՞նչ կ'ըսես. պոչիս ծայրը միայն տեսնելով՝ բոլորը մէկ փախան գացին, իսկ քու վրադ չնայեցան անգամ:

Յիմար վազրը ամօթէն գլուխը կախեց ևւ արտում — ախուր վերադարձաւ անտառ:

Այն ասան աղուէսը իրապէ՛ս ծիծաղեցաւ:

ԱՌԱՄ.— Գարծը աւելի կ'արժէ,
քան խօսքը:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Մարտի.— Սաստիկ վախ. սարսափահար սաստիկ վախցած:

Ոստիւն.— Ցատկէլ, առջ նկատիլ:

Անարիտ.— Վախ, սարսափ ազդող:

ՀԱՐՑՈՒՄՆԵՐ.— Ի՞նչ տեսակ կենդանի է աղուէսը. վա՞գրը:

— Օր մը ո՞ւր կանգիպեցան իրարու և ի՞նչ խօսակցութիւն տեղի ունեցաւ իրենց միջեւ: — Մարդիկ ինչո՞ւ ձգեցին փախան, աղուէսէ՞ն կը վախնային քէ վագրէն: — Կրնա՞ք շարադրութիւն մը գրել աղուէսի մասին:

65. Ծ Ո Վ Ո Ի Հ Ս Կ Ա Ն

1

— Ձեր կարծիքով ամենամեծ կենդանին փի՞ղն է, — հարցուց քեռի Հայկը:

— Ի հարկէ, փիղն է, — գոչեցինք մենք այս ու այն կողմէն:


— Դուք չէ՞ք լսած ուրեմն այն կենդանիի մասին, որ քսանըհինգ փիղի կամ հարիւր յիսուսուն կզան ծանրութիւն ունի ևւ երեսուներեք մեթր երկայնութիւն:

— Վա՛հ, այդ ի՞նչ հսկայ է, — զարմացանք մենք:

— Անգամ մը մենք որսացինք այդպիսի կենդանի մը, որ հարիւր քսան թոն ծանրութիւն ունէր ևւ երեսուներեք մեթր երկայնութիւն, — վրայ բերաւ քեռի Հայկը: — Միայն սիրաբ Եօթը հարիւր քիլօ կը կշտէր, լեարդը՝ հազար քիլօ, իսկ լեզուն՝ երեք հազար քիլօ: Քեռի Հայի նայեցաւ մեր զարմացած դէմքերուն ևւ շարունակեց.

— Մեր որսացած այդ կենդանիէն ստացանք յիսուն հազար քիլօ մաքուր միս, երեսուն հազար քիլօ ճարպ ևւ քսան հազար քիլօ ոսկոր:

— Յիսուն, առաւել երեսուն, առաւել քրսան կ'ընէ հարիւր, — հաչուեց Ռուբիկը. — մնացած քսան հազարը...



— Մնացած քսան հազարն ալ աւելորդ մնացորդներն էին՝ փորոտիք, արիւն եւայլն: Այնպէս որ հարիւր քսան հազար քիլոյէն բաժն չկորսուեցաւ. նոյնիսկ գլխուն ոսկորներէ իւր հանեցինք:

2

Բայց ի՞նչ էր այս դարմանալի կենդանիին անուներ:

— Լսած չէ՞ք անունը, — հարցուց քեռի Հայկը:

— Կէտ ձուկ, — կասկածելով բառ Շողիկը եւ աւելցուց. — բայց, քեռի՛ Հայկ, կէտ ձուկերը այդքան խոշո՞ր են ուրեմն:

— Կէտ ձուկի ութսուն տեսակներ կան, — պատասխանեց քեռի Հայկը, — բայց ամենէն խոշորը կապոյտ կէտն է: Ան կը լողայ բերանը բաց, որ կը նմանի խոր անդունդի: Սարսափելի է անոր երախը, ուր հաւաքուած ջուրը փոքր լիճ մը կը կազմէ եւ գլուխէն շառըրւանի պէս դուրս կը ցայտէ:

— Ինչո՞վ կը սնանին կէտերը, — հարցուց Շողիկը:

— Մանր ձուկերով:

— Մանր ձուկերով կը կշտանա՞ն:

— Ասոնց երախը, հասոյ ջուրերուն հետ, հարիւրաւոր ձուկեր կը մանեն եւ կ'երթան ուղղակի ստամոքսը, որ երեք մեթր լայնութիւն ունի:

Քեռի Հայկ, մեր հետաքրքրութեան պահցում աւարտ համար, աւելցուց.

— Կէտ ձուկը շատ արագ կը լողայ, շուրջը խոշոր ալիքներ յառաջացնելով: Կէտերը հազար եօթը հարիւր ձիւ ուժ կ'ունենան: Ես անսած եմ նաև կէտի ձագ, որ եօթը մեթր երկայնութիւն եւ վեց հազար քիլո ծանրութիւն ունէր:

— Ա՛յ քեզ ձագ, — ծիծաղեցանք մենք ըստ:

— Եւ դիտէ՞ք, որ ձագը օրական հարիւր քիլո կ'աւելնայ, որովհետև շատ սննդարար է մօր կաթը:

ԱՌԱՅ՝— Ձուկը գլխէն կը կտտի:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

- Թուն.— Օտար բառ. սակասաշափ: Մէկ թունը հազար քիլո է:
- ձագը.— Իւր:
- Երախ.— Կենդանիներու բերան:
- Շատրուան.— Արուեստական աղբիւր:

ՀԱՐՑՈՒՄՆԵՐ.— Ո՞ր կենդանիին համար ըսուած է «ծովու հսկան»: — Գիտե՞ք թէ ո՛վ է «ցամաքի հսկան»: — Կրնա՞ք պատմել այս դասը եւ նկարագրել կէտ ձուկը: — Ուրիշ ի՞նչ ձուկերու անուններ գիտէք:

ՔԵՐԱԿԱՆՈՒԹԻՒՆ.— Չայնարկութիւն կը կոչուին վախ, ցաւ, փափաք կամ բարկութիւն արտայայտող բառերը. օրինակ՝ ա՛հ, ի՞նչ կ'ըսէք. ափսո՛ս, ուշ մընացի: Ա՛հ, ափսո՛ս ձայնարկութիւն են:

66. Ն Ա Պ Ա Ս Տ Ա Կ Ն Ե Ր Ը

Նապաստակներն ամբողջ գեղով
Անտառին մէջ ըրին ժողով.
Այդ ժողովին մէկ ծեր ջլթիկ
Ըսաւ.— Էհէ՛յ, մե՛ծ ու պգտիկ,
Շունը հաջէ,
Քամին փրչէ,
Ամպը գոռայ,
Մուկը նռայ,
Մեր այս գեղը
Հա՛ կը դողայ:

Այսպէս ապրիլ չէ կարելի
Աշխարհին մէջ՝ փորձանքով լի.
Չարն ու բարին աշխարհին հետ,
Թողունք երթանք, նետունք մէկ գետ: —
Ջլթիկները՝ ո՛չ այս, ո՛չ այն,
Ելան ինկան մահի նամբան.

Ու երբ եկան գետին մօտիկ,
Գորտերն ըսես, մեծ ու պգտիկ,
Խառնիխուրը
Ինկան ջուրը:
Այդ վայրկեանին՝ մէկ այլ ջլթիկ
— Դարձէ՛ք, — կանչեց, — պապի՛ս որդիք,
Ա՛յ մի կախէ՛ք ձեր քիթերը,
Մեզմէ վախկոտ են գորտերը:

ՀԱՆՆԵԼՈՒԿ ԻՅ.— Լեզու չունի, կը խօսի,
Ականջ չունի, կը լսէ,
Թէ հարկ ըլլայ՝ կը հնչէ,
Քեզ իր մօտը կը կանչէ:

ԲԱՌԵՐ ՈՒ ԲԱՑԱՏՐՈՒԹԻՒՆՆԵՐ

- Ջլթիկ.— Նապաստակ:
- Քամի.— Հող:
- Այլ.— Ուրիշ:


ՀԱՐՑՈՒՄՆԵՐ.— Նապաստակները ի՞նչ ըրին. ո՞րք: — Ծեր ջլթիկ մը ի՞նչ ըսաւ: — Ի վերջոյ ի՞նչ որոշում տուին: — Գործադրեցի՞նք իրենց որոշումը. ի՞նչպէս: — Վերջին պահուն ի՞նչ պատահեցաւ: — Նապաստակներէն եւ գորտերէն աւելի վախկոտ կենդանիներ կա՞ն: — Ուրիշ պատմութիւն գիտե՞ք նապաստակներու մասին:

ՀԱՐՑՈՒՄՆԵՐ.— Աւանդութիւն մը ի՞նչ կ'ըսէ: — Ի՞նչպէս
գտնուեցաւ ուրեմն քէյը: — Պատահական ձեռով կատարուած ու-
րիշ գիտեր կը յիշե՞մ: — Ո՞ր երկրին մէջ կը մշակուի քէյի լա-
ւագոյն տեսակը: — Թէյ խմելու ձեւերէն ո՞րը կը մախըմարէ՞
դուք:

68. Խ Ա Ղ Ո Ղ Կ Ե Ր Է Փ

1

Պտուղներուն մէջ առաջին տեղը կը զբաւէ
խաղողը, որ իրաւամբ արժանի է «պտուղնե-
րու թագուհին» կոչուելու:



Դարեր շարու-
նակ բանաստեղծ-
ներ երգած ու դո-
ված են խաղողը,
անոր տեսքը, համն
ու հոտը: Մեր բա-
նաստեղծներէն մէ-
կը հեռուեալ քառ-
եակը զբաւ է խա-
ղողի մասին.

Փառք տանք մայր հողին,
Արեւի շողին,
Դիմի պարգեւով
Հայոց խաղողին...

Ո՛չ մէկ պտուղ կրնայ գերազանցել խա-

ղողը իրրեւ սնունդ: Ան հարուստ է շաքարով.
հարիւր կրամ խաղողին մէջ 25 կրամ շաքար
կայ, իսկ շաքարը ուժ կու տայ սրտին եւ
մարմնի մկաններուն:

2

Շաքարէն զատ՝ խաղողին մէջ կան նաեւ
զանազան հանքային աղեր, որոնք ո՛չ միայն
օգտակար, այլեւ անհրաժեշտ են մեր կազմին
համար:

Խաղողը կարելի է կոչել «բուսային կաթ»,
որովհետեւ կաթին չափ աննդարար է: Բազմա-
թիւ երկիրներու մէջ տարածուած է խաղողա-
բուծութիւնը, այսինքն՝ խաղողով հիւանդներ
բուժելու սովորութիւնը:

Արդարեւ, խաղողը մեր մարմնին դիմա-
դրական ուժը կ'աւելցնէ:

Անոնք, որոնց լեարդը դանդաղ կը զործէ,
պէտք է խաղող ուտեն: Անարիւնները նոյնպէս
խաղող պէտք է ուտեն:

Գէրերուն համար ալ օգտակար է խաղո-
ղը. աւելորդ ճարպերը կը հալեցնէ եւ թոյնե-
րէն կը մաքրէ արիւնը:

Ուրեմն՝ խաղող կերէք, օրական 300 կրա-
մէն մինչեւ երկու կամ երեք քիլօ, հասիկ-հա-
տիկ, լաւ ծամելով, առաւելարար անօթի փո-
րանց:

Ա.Ո.ԱՄ — Հարուստ ուցածը կ'ուտէ,
Աղփառը գտածը կ'ուտէ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Քառեակ.— Չորս տողնոց ստանաւոր:
 Շող.— Արևու ճառագայթ:
 Պարզեւել.— Նուիրել, տալ:
 Գերազանցել.— Բոլորէն առաջ անցնիլ:
 Մկան.— Փափուկ, առանց ոսկորի միս՝ կծկուող ու թուլցող
 թւէլերով: Մարդու մարմինը (ՅՅ) մկան ունի: Գնդեր:

ՀԱՐՑՈՒՄՆԵՐ.— Ո՞րն է «պտուղներու քաղուինն»: — Ուրիշ
 ի՞նչ անուն կու տան խաղողին: — Սննդարար ի՞նչ նիւթեր կան
 խաղաղին մէջ: — Ի՞նչ է խաղողարուժութիւնը: — Ուրիշ պտուղ-
 ներ չկը յիշե՞ք, որ նոյնքան սննդարար ըլլան, որքան խաղողը:

69. Թ Ռ Զ Ո Ի Ն Ի Ն Ե Ր Ա Զ Ը

Թռչուն մը փոքրիկ, անոյշ ֆուն մըտած,
 Երազ կը տեսներ, բոյնին մէջ պառկած...
 Իբրբ քէ լուսնակ գիշեր է պայծառ,
 Ու անթիւ աստղեր, իրարու մօտիկ,
 Բոլորն ալ մէկ-մէկ կորեկի հատիկ.
 Իբրբ քէ ինքն ալ կը թռչի վերէն,
 Կը կտցէ, տի՛ք - տի՛ք,
 Հատ - հատ աստղերը անհուն երկիւնքէն:

Բայց երբ արեւը յանկարծ ծագեցաւ,
 Իր անոյշ ֆունէն թռչնակն արթնցաւ,
 Կրտուցը քրտեց նիւղերուն, բոյնին,



Ու մեծ զարմանքով ըսաւ ինքն իրեն.
 «Ամբողջ գիշերը չէ՞, որ հոն՝ վերէն
 Կը ժողվէի ես կորեկի հատիկ,
 Կ'ուտէի, տի՛ք-տի՛ք,
 Հապա անօթի ինչո՞ւ եմ նորէն...»:

ՀԱՆՆԵԼՈՒԿ ԻԳ.— Չորս ոտքը հողին վրայ,
 Երկու ոտքը կողին վրայ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Անթիւ.— Թիւ, համբանք չունեցող. խիստ շատ:
 Անհուն.— Անսահման, ընդարձակ:

ՀԱՐՑՈՒՄՆԵՐ.— Կրնա՞ք պատմել քոչունին երազը: — Եթէ
 երազողը աղուէս մը ըլլար, նոյնպէս կորեկի պիտի տեսներ երա-
 զին մէջ: — Երբ արեւը ծագեցաւ, ի՞նչ ըրաւ եւ ըսաւ փոքրիկ
 քոչունը: — Դուք ալ երազներ կը տեսնե՞ք: — Պատմեցէ՛ք ձեր
 տեսած մէկ երազը:

70. ՇԱՐԺԱՆԿԱՐԻ ՆԵՐԿԱՅԱՑՈՒՄ

1

Հարեւան գիւղերէն բազմաթիւ գիւղացիներ հաւաքուած էին Կաթնաղբիւր՝ շարժանկար տեսնելու: Ընդարձակ սրահին մէջ, նըստարանի փոխարէն, զրուած էին գերաններ: Գիւլէն, Բայազը եւ Ոսկեհատը նստած էին առաջին շարքին վրայ: Անոնց մօտ նստած էին Ասատուրը, Սակփանը, Սեմալցի Թաղոն, Փըղորկուայ Կարոն, Թելօ Մեսրոպը եւ Գոմսայ Մելիքը:

Յանկարծ լոյսերը մարեցան, եւ սրահը մթնեց:

Պատաստին վրայ նախ երեւաց կառախուժը մը, որ ծուխ արձակելով կու գար հեռուէն: Շոգեքարը եւ վակոնները հեռոջեակ կը մեծնային: Ահալի անիւները կը շարժէին ուղղակի նստած մարդոց կողմը: Գիւլէն, Բայազը եւ Ոսկեհատը ձշարով գետին փոտեցան: Թելօ Մեսրոպը նկատեցաւ զէպի անկիւնի պատը: Ոմանք մտան գերաններուն տակ:

Շոգեքարը յանկարծ ծոկեցաւ ձախ եւ պատաստի միւս անկիւնէն հեռացաւ, իրեն հետ քաշելով վակոններու շարանը:

2

Գիւղացիները հաղիւ ուշքի եկած էին, երբ պատաստին վրայ երեւաց արջերու բազմութիւն մը, որ վազելով ստաջ կու գար: Սրահին

մէջ աղաղակ բարձրացաւ: Բոլորը վեր թռան իրենց աեղերէն եւ իրարու խառնուեցան: Ասատուրը եւ Սակփանը վերցուցին իրենց ձեռնափայտերը, որպէսզի յարձակին արջերուն վրայ եւ ետ դարձնեն զանոնք: Փղորկուայ Կարոն եւ Գոմսայ Մելիքը զուրս վազեցին հրացան բերելու:

— Չվախնա՛ք, — զոչեց Թելօ Մեսրոպը եւ փայտ մը վերցնելով իջեցուց պատաստին վրայ, իբր թէ արջերը փախցնելու համար:

— Օգնեցէ՛ք, արջերը կը յարձակին Կաթնաղբիւրի վրայ, — կը սրնային այս ու այն կողմէն:

Թելօ Մեսրոպի հարուածէն լոյսը մարեցաւ եւ ամբողջ սրահը մնաց մութի մէջ:

Քանի մը հողի զուրս վազեցին եւ լո՛ւր տարածեցին, թէ արջերը լեցուած են սրահ եւ մութին մէջ կը խեղդեն ներսը գտնուողները:

Այսպէս վերջացաւ շարժանկարի ներկայացումը Կաթնաղբիւրի մէջ:

ԱՌԱՄ. — Շատ խնդալը լաց կը բերէ:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Կարնաղբիւր. — Հայաստանի մէջ գիւղ մը:

Գերան. — Հաստ եւ երկայն փայտ:

Պատաստ. — Բուրդ կամ բամբակէ պատրաստուած լաթ, որուն վրայ շարժանկար կը ներկայացնեն:

Շոգեքար. — Շոգիով շարժող կառք. փայրաշարժ:

Շարան. — Շարք, կարգով իրարու ետև շարուած:

ՀԱՐՑՈՒՄՆԵՐ.— Ո՞ր տեղի կ'ունենար շարժանկարի ներկայացումը: — Ինչո՞ւ վախճան գիւղացիները ի՞նչ ըրին: — Շարժանկարի ներկայացումներու գացած էք դուք: — Ի՞նչ տեսակ խաղերէ հաճոյք կը զգաք ամենէն աւելի:

ՔԵՐԱԿԱՆՈՒԹԻՒՆ.— Գլխաւոր ձայնարկուրիւններն են ա՛հ, ո՛հ, ա՛յս, վա՛յ, ափսո՛ս, աւա՛ղ, մե՛ղք, մեղա՛յ, երանի՛, ա՛յ, կեցցե՛ս, ապրի՛ս, բարե՛, եւայլն:

71. Տ Ա Ր Ի Ն Վ Ե Ր Զ Ա Յ Ա Ի

1

Շարաթէ մը պիտի սկսին տարեվերջի քըննութիւնները: Ես ու Սամսոնը գիշեր — ցերեկ կ'աչխատինք. ճաշելու ժամանակ անգամ չունինք: Ամենէն աւելի մեզ կը նեղէ թուարանութիւնը, իսկ քերականութիւնը ուղղակի մեր հոգին կը հանէ:

— Անգամ մը քննէ՛ դիս, տես լաւ պատրաստուած եմ, — կ'ըսէ Սամսոն:

Ես կը սկսիմ «քննել» զայն: Երբեմն զէմքիս խոժոռ արտայայտութիւն կու տամ, երբեմն ալ, մեր անօրէնին պէս ձեռքերս ետեւս կապած, կ'երթեւեկեմ սենեակին մէջ եւ զլուխըս շարժելով իբր թէ սխալներ կը մատնանըզեմ:

Երբ կարգը կու գայ հայերէնի, Սամսոն կը յայտարարէ, թէ ջուրի պէս գիտէ ամէն ինչ:

— Իսկ եթէ հարցնեն՝ ի՞նչ է գերրայը:

Սամսոն կանգ կ'առնէ շուարած:

— Ձե՛ս գիտեր, ա՛նպիտան, չե՛ս գիտեր,

— կ'ըսեմ ես ուսուցչի ձայնը կեղծելով:

2

«Քննելու» կարգը Սամսոնինն է հիմա:

— Ըսէ՛ նայիմ, Մա՛նասեան, ո՞ր է Սպիտակ ծովը, — կը հարցնէ ան:

Իմ ճիշդ պատասխանէս ետք, կը շարունակէ նոր ու խրթին հարցումներ ուղղել ինձի: Ապա կ'անցնի մարզանքի քննութեան:

— Բայց՝ մենք մարզանքի քննութիւն չենք տար, — կ'աւարկեմ ես:

— Դուն իմ հարցումիս պատասխանէ, — սուքը գեաին դարնելով կը պնդէ Սամսոն. — ա՞ջ սուքով կը սկսին քայիլ թէ ձախ:

— Աջ, — վրայ կը բերեմ ես:

Յանկարծ կը մօտենայ ինձի եւ փա՛թ, ուժգին ապտակ մը կ'իջեցնէ երեսիս:

— Ա՞ս ինչ բան է:

Եւ վրդովուած իրեն կը նայիմ:

— Դէ՛, լաւ, — կատակ ըրի, կը խնդայ ան:

Ես ալ կը խնդամ: Ապա երկուքս միտտին պարտէզ կ'երթանք խաղալու:


ԱՌԱՄ.— Ուրազը իբ կարը չի տաշեր:

ԲԱՌԵՐ ՈՒ ԲԱՅԱՏՐՈՒԹԻՒՆՆԵՐ

Խոժոռ.— Երեսը կախ, խխտ:
 Երբեւեկել.— Երթալ դալ:
 Մատնանշել.— Ցոյց տալ:

ՀԱՐՑՈՒՄՆԵՐ.— Երկու ընկերները ինչո՞ւ գիշեր — ցերեկ կ'աշխատէին: — Ի՞նչը ամենէն աւելի կը մեղէր զիրենք: — Չեզի համար ո՞րն է ամենէն դժուար դասը: — Սամսոն ինչո՞ւ ապտակեց իր ընկերը: — Դուք ի՞նչ կ'ընէք, երբ տարեվերջի բնուրիւնները մտնեմք:

ՔԵՐԱԿԱՆՈՒԹԻՒՆ.— Վերաբաղ: Ամբողջ պահ մը յատկացնել վերաբաղին եւ վերջիշել արանդուած կանոնները:



Ն Ի Ի Թ Ե Ր Ո Ւ Ց Ա Ն Կ

ԳԱՍ	ԷՁ	ԳԱՍ	ԷՁ
1. Գննութիւն	3	24. Նոր տարի	54
2. Գննութեան շարունակութիւնը	5	25. Յուրտերը սկսան	55
3. Աղուէսին՝ պանիր, արջին՝ քակարդ	7	26. Հայկական ձմեռը	57
4. «Լա՛ւ խելք է»...	9	27. Կռուի պատրաստութիւն	60
5. Կարդալու սէրը	12	28. Պատիկ Մեքեր	62
6. Նաւաստին	14	29. Չուկե՛րը, ձուկե՛րը...	64
7. Ազգային երգը	15	30. Իմ հայրենիք	67
8. Կոյրերուն գիրքը	18	31. Կամուրջ շինողները	68
9. Կոյրերու կարծիքը	20	32. Զաւոն	71
10. Փիղը	21	33. Անուրը	74
11. Ո՞վ իրաւունք ունի	23	34. Կատղած շունը	75
12. Ձէնով Օհան եւ Կոզրադին	25	35. Բերնին համը զխտցող շունը	79
13. Աշխարհագրութեան դասը	27	36. Միամիտ ակնարկութիւն	81
14. Խօսակցութիւն	29	37. Մասի՛սը, Մասի՛սը...	82
15. Սասունցի Դաւիթ եւ Կոզրադին	31	38. Ի՞նչպէս դարբին եղայ	85
16. Համբարդներ	33	39. Գարնան երգ	87
17. Կ'ուզեմ, չեմ ուզեր...	36	40. Այո եւ Ոչ	88
18. Գիտուն աղուէսը	38	41. Առաջին եւ վերջին անգամը	91
19. Գնդակ խաղացողները	40	42. Ես իմ աշխարհի...	93
20. Իմ ամենամեծ հանոյքս	43	43. Առաջին առուտուրը	94
21. Հայելին	46	44. Ի՞նչ ըսեր էք մայրիկը	96
22. Անկեզու պահակը	48	45. Իմ մոռցոյս	99
23. Փայլուն կոնակներով զգեստը	51	46. Փոքրիկ խաճուրպանը	101
		47. Իմ սանիկս	104
		48. Տղան ու քոչնիկը	107
		49. Օղը, հովը...	108

ԳԱՍ	Էջ	ԳԱՍ	Էջ
50. Մանկութեան օրեր	111	63. Կարապը, ձուկը	
51. Վերցո՛ւր գիս...	114	և Խեչափառը	139
52. Ամենապիտանի բանը	115	64. Վագրը և աղուէտը	140
53. Ինքնաշարժով պտոյտ	118	65. Ծովու հսկան	143
54. Մանուկն ու արծիւը	120	66. Նապաստակները	146
55. Ածուխ, հանքածուխ	121	67. Ի՞նչպէս գտնուեցաւ	
56. Կենդանիներու աշ- խարհէն	124	Քէյը	148
57. Մանկութիւն	127	68. Խաղող կերէք	150
58. Ոսկի տապարը	128	69. Թռչունին երազը	152
59. Եղնիկը	131	70. Շարժանկարի ներ- կայացում	154
60. Մայրը և իր գաւակները	133	71. Տարին վերջացաւ	156
61. Ուսումնարան	134		
62. Քարայծերու կռիւը	136	Նիւրերու ցանկ	159

ՀԱՆՆԵԼՈՒԿՆԵՐՈՒ ԼՈՒԾՈՒՄԸ

Ա. Աղուէս: Բ. Երկինք և աստղեր: Գ. Օձ: Դ. Ջաղացփի քարեր: Ե. Տարուան չորս եղանակները: Զ. Անձրի: Է. Երազ: Ը. Ծառ: Թ. Բերան, ականջ, աչք: Ժ. Սրինգ: ԺԱ. Հակիր: ԺԲ. Կոկորդ և փոք: ԺԳ. Ասեղ և կար: ԺԴ. Աչք: ԺԵ. Ժանգ: ԺԶ. Ոգնի: ԺԷ. Հունտ: ԺԸ. Կամուրջ: ԺԹ. Աստղեր: Ի. Տապակ: ԻԱ. Լեզու: ԻԲ. Հեռաձայն: ԻԳ. Զիւռք:

ՀՐԱՏԱՐԱԿՈՒԱԾ ԵՆ

Լ. Դ.

- | | | | |
|----|---------------------------|-----------|------|
| 1. | ՀԱՅԿԱՐԱՆ, Նախապատրաստական | . . . | 500 |
| 2. | ՀԱՅԿԱՐԱՆ, Ա. տարի | | 500 |
| 3. | ՀԱՅԿԱՐԱՆ, Բ. տարի | | 500 |
| 3. | ՀԱՅԿԱՐԱՆ, Գ. տարի | | 600 |
| 5. | ՀԱՅԿԱՐԱՆ, Դ. տարի | | 700 |
| 6. | ՀԱՅԿԱՐԱՆ, Ե. տարի | | 800 |
| 7. | ՀԱՅԿԱՐԱՆ, Զ. տարի | | 1000 |
| 8. | ՀԱՅԿԱՐԱՆ, Է-Ը. տարի | | 1500 |

ԳԻՆ՝ 500 Լ. Դ.

Կեղրոնատեղի

LIBRAIRIE HAMASKAÏNE
10, Rue Hussein Beyhoum
Zokak el Blatt
Beyrouth — Liban

10822000